

ԿՐՈՆԱԿԱՆ ՄԱՏԵՎԱԴՐԱՆ

ՀՐԱՄԱՆՈՒԹԻՒՆ ԿԱԼԿԻՆ ԿԱՅՈՂԵԿՈՍՈՒԹԵԱՆ

ԺԵ.

ՊԱՏՄՈՒԹԻՒՆ ՆՈՐ ՈՒԽՏԻ

ԿՐՈՆԻ ԴԱՍԱԳԻՐՔ

ՀԱՅՈՒԹՈՒՅՆՆԵՅՑ ԵԿԵԿԱՅԻՑ ԿԵՐՈՎԵՐԵՎ

ԵԿ ԱՀՅԱՅԻՆ ԳԱՐԱԲԱՆԵՐՈՒ ՀԱՄԱՐ

ԳԱՅՐՈՒՄԵՅ

ԳՐԻԳՈՐ Ա. ԱՆԴՐԻԱՆԻ



1941

22
—
U-25

ԳԱՅՐՈՒՄ ԳՐԻԳՈՐ ԱՆԴՐԻԱՆ
ՀԱՅՈՒԹՈՒՅՆՆԵՅՑ ԵԿԵԿԱՅԻՑ
ԱՆԴՐԻԱՆԻ - ՀԱՅՈՒԹՈՒՅՑ

23 SEP 2009

ԳՐԱԴԱՐԱՆ

Հ. ՊԵՐՊԵՐԵՍՆԻ

թիվ

Տ 3 932 65
8005

ԿՐՈՆԱԿԱՆ ՄԱՏԵՆԱԴՐԱՆ

ՀՐԱՄԱԿՈՒԹԻՒՆ ԿԻԼԻԿԻՈՅ ԿԱԹՈՂԻԿՈՍՈՒԹԵԱՆ

ՀՀ

4-25

ԺԵ.

ՊԱՏՄՈՒԹԻՒՆ ՆՈՐ ՈՒԽՏԻ

ԿՐՈՆԻ ԴԱՍԱԳԻՐՔ

ՀԱՅԱՍՏԱՆԵԱՅՑ ԵԿԵՂԵՑԻՈՅ ԿԵՐԱԿՆՈՐԵԱՅ
ԵՒ ԱԶԳԱՅԻՆ ՎԱՐՔԱՐԱՆՆԵՐՈՒ ՀԱՄԱՐ

ՊԱՏՐՈՍԵՑ

ԳՐԻԳՈՐ Ա. ՍՍ.ՐԱ.ՖԵՍ.Ն



1940

ՏՊԱՐԱՆ ԴՊՐԵՎԱՆՈՒՑ
ԿԱԹՈՂԻԿՈՍՈՒԹԵԱՆ ԿԻԼԻԿԻՈՅ
ԱՆՁԻՆԵԱՆ - ԼԻԲԱՆԱՆ

26 JUL 2013

4413

ՀԱՅ ՆՈՐԱՀԱՍ ՍԵՐՈՒՆԴԻՆ

**Կարողիկոսարանիս կնիքը չկրող
օրինակներ անվաւեր են:**



1284-91

(34671-65)
(44-90)

ԵՐԵՎԱՆԻ ՊՕՍ

Երջանկայիշատակ Տ. Մահմադ Բ. Կարողիկոս
Խապախանի կենանութեան եւ իր հրամանաւու ու-
ստքասառ կոնցիդով հաստառուած Կիշիկիոյ Թե-
մի Կիրակօրեայ Դպրոցներու մեջ խիս զգալի եր-
դասագրենու պահասը:

Լրացնելու համար սովոր պակասը Կիրակօր-
եաց Պարունակությունը կազմությունը, Տիառ-
ական Զենքական բախումները պատճենագույն պր-
ոցը, մեր կողմէն գրի առնուեցան երեք դասագրեր,
«Պատմութիւն Հիմն Ալիսի», «Պատմութիւն Նոր
Ալիսի» և «Ա. Գրական Մեծ Դիմեր»:

«Պատմութիւն Նոր Ուխտիան երկրորդի և այդ
երեք դասագրքերուն, առաջինը արդին հրապարակ
եղած է, իսկ երրորդը՝ շուտով լցու կր տեսնե:

Ասուց և ներշնչելը երբու կարողիկնաւաճի
կողմէ կարգացնեցան *Slovianski Գերց.* Տ. Պետրոս
Արքայի. Աստանան, իր 1939, Դեկտ. 19 թուակիր
համակիճն մեջ մեզի գրեց հետևեապը. «Ձեռագիր
դժբանները արեան, կարդացնեան և ըստ առենայի ար-
քար գրան և արդառեցնեան անոնց հարաբերակութեանը և
գործածութեանը կիր. կիր. կիր. Դարդոցներուն գլուխ»:

Արդ, մեծ հրանուանի պիտի պատճառի մեզի
տեսնել աղյն աշխատութեան օցակարութիւնը հայ-
ենրահաս սերունելի բարոյական վերելիքի ջամփե-
ռուն մէջ:

972 U. S.

ԶԵԿՈՅՑ

ՄԱՆՈՒԿԱԼ

Այօրուան մանուկաներն են մեր երկրին ձախացրին ճարտարապետները:

ՃԵՄՍ ԿԱՐՁԻՑ

Եկեղեցին հիմնաբարը մանկան տուած կրօնական դաստիարակութիւնն է:

ՄԹԻՎԸՆ ԹԻՒՆ

Երե մանուկը կրնամի փրկել, աշխարհը արդին փրկուած է:

ԿՈԽՏԵԼ

Թող տուիք այդ մասն տղոցը որ իմծի զան եւ մի արզիլիք զանոնի:

ԵՒՍՈՒՄ

Անհուն բերկրանքով կ'ողջաւնենք կրօնական Մատենագարանի ժե, հատորին, «Պատմութիւն Նոր Ռւխափ» կրօնքի դասագրքին հրատարակութիւնը մաքուր տպագրութեամբ և գեղեցիկ պատկերներով, որ կուգայ լրացնել չայց, եկեղեցւոյ կիրակնօրեայ Դպրոցներու զգալի մէկ պէտքը թէ հոս և թէ Ամերիկայ:

Վաղուց ձանօթ ըլլալով Տիար Գրիգոր Ա. Մարքափեանի մասնագիտական հմտութեան և Քրիստոնէական ընտիր Նկարագրին՝ յարմարագոյն անձը Նկատեր էինք զինք, պատրաստելու այն զասագիրքը և նախորդ ու յաջորդ հատորները — Պատմութիւն Հին Ռւխտի և Ս. Գրական Մեծ Դէմքեր — Գործածուելու համար Կիրակնօրեայ Դպրոցներու մէջ, որոնց յառաջացման և ձաւալման ջերմ հաւատացող մը եղած է ինք:

Ինչպէս կ'ակնարկէ հեղինակը իր երկու խօսքին մէջ մեր տարիներէ ի վեր կատարած թախանձագին խնդրանքին ընդ առաջնորդ, մեր բարեկամը հաճելի անակնկալի մը առջեւ զրաւ մեզ անցիալ Մայիսին մեզի հասցնելով իր հեղինակած երեք զասագիրքու ձեռագիրները:

Այս առթիւ հաճելի պարտականութիւն մըն է մեզ համար ներկայացնել յարգելի հեղինակը մեր ընթերցողներուն: Նախ խօսավանիք թէ՝ մեզի համար այս երեք դասագրքերուն արժէքը և հրապարակ կը կայանայ առաւելապէս, սա իրազութեան մէջ թէ՝ անոնք ցոլացումն են Տիար Սարաֆեանի Աստուածաշունչ Մատենափ վրայ ունեցած կենցանի հաւատացին և յարաճուն սիրոյն, և ոչ թէ լոկ

արդիւնքը ուսումնասիրութեանց կամ ամբարուած դիտելիքներու:

Տիար Դրիգոր Ա. Սարաֆեան որ երեց եղբայրն է յայտնի Ուսուցչապետ և Մանկավարժ Տոքթ. Դիորդ Սարաֆեանին, իր նախնական ուսումնը կը ստանայ Այնթապու Ազգ. Աղենական Կրթարանին մէջ և յետոյ կը յաճախէ կեզր. Թիւրքիոյ Գոլէճը ուրիէ Հրշանաւարա կ'ըլլայ 1909-ին ու կը մեկնի Ամերիկայ շարունակելու համար իր ուսումնը ինքնոգութեամբ:

1913-ին կ'աւարտէ Եկել Համալսարանի Աստուածաբանական բաժինը և տարի մըն ալ կը հետեւի նիւ եռքի Գոլոմպիա Համալսարանի և Եռւնիքն Աստուածաբանական ձեմարանի Հոգերանութեան և Մանկավարժութեան դասընթացքներուն իր Եկեղեցագիտական ուսումնասիրութիւնները յառաջ առնելու մտօք 1914-ի գարնան կը մեկնի Էջմիածին և աշնան կը վերազառնայ Այնթապ պաշտօնավարելու համար նորահաստատ Ալիլիկեան ձեմարանին մէջ:

Տիար Սարաֆեան իր ժողովուրդին աքսորի և զրկանքի դառն փորձառութեանց մասնակից կ'ըլլայ տարագրուելով Սէլիմիէ: Կը զիմազրէ արիաբար գաւանափոխութեան փորձութեանց և անազարտ կը պահէ իր Քրիստոնէական հաւատքը:

1920-ին ընտանիք կը վերազառնայ Ամերիկայ և կը կոչուի Հ. Բ. Բ. Միութեան Գալիֆունիոյ շրջանի ընդհանուր քարտուղարութեան պաշտօնին, զոր արդիւնաւորապէս կը վարէ մինչեւ այսօր:

Տիար Սարաֆեան մի քանի ընկերներով կը հիմնէ Հայ Եկեղեցափարաց Միութիւնը Ֆրէզնոյի մէջ և կը վարէ անոր պաշտօնաթերթը եղող. «Փարոս» կրօնական ամսաթերթին խմբագրութիւնը, 1927-1933, որուն մէջ երեցած են Եկեղեցական բարե-

կարգութեան և անտուածարանութեան վերաբերեալ իր կարեւոր ուսումնասիրութիւնները:

Յանունկիլ. Կթզ. Կիր, Դպրոցներուն, մեր խորին երախտագիտութիւնը կը յայտնենք Տիար Սարաֆեանին՝ որ ոչ միայն յանձն առաւ սոյն երեք ձեռագիրներու խնամեալ պատրաստութիւնը, այլ իւ նախաձեռնութեամբ կազմեց Յանձնախումբ մը Ֆրէզնո քաղաքին մէջ, յանձնին Տիար Առաքել Գեազպհանի և Տոքթ. Ա. Մ. Աղեկասանդրի, որոնց անխոնջ շանքերուն Նորհիւ կը հոգացուին այս հատուններու հրատարակութեան ամբողջ ծախքը:

Նոգելոյս վեհ, Տէր Պետրոս Ա. Կաթողիկոս իր Տեղապահութեան օրիվ, Համար 1763 և 19 Դեկտ. 1939 թուակիր պաշտօնագրով արտօնեց սոյն ձեռագիրներու հրատարակութիւնը:

Այս գաւագրքերու 600 օրինակը պիտի մնայ Կաթողիկոսարան՝ գործածուելու համար մեր Կիր. Դպրոցներու մէջ, իսկ 400 անկազմ օրինակներ պիտի զրկուին Ֆրէզնո տրամադրուելու համար Ամերիկահայ Ֆեմի Հայց, Եկեղեց, Կիր. Դպրոցներուն:

Եթէ այս երեք կրօնի Դասագրքերը միջոց մը հանդիպանան ազնուացնելու մեր մատաղ սերունդի նկարագիրը զանոնք պատուասելով Ս. Գրական Մէծ Դէմքերու օրինակով, վստահ ենք որ մեր պատական Հեղինակը, հրատարակութեան օժանդակող Յանձնախումբը և նուիրատունները լիովին վարձատրուած պիտի զգան իրենք վիրենք:

Նորհակալութեան պարտք մըն ալ ունինք Կատարելիք հանգէպ Հոգ. Տէր Նորայր Վարդապետին որ բարեհանցցաւ Կարգալ ձեռագիրները և ընել Եկեղեցական մանք սրբագրութիւններ, նաեւ Դպրելիանքի Տպարանապետ Պրն. Մ. Մագուռեանին՝ որ ըրաւ փորձերու սրբագրութիւնը և ոչ մէկ

Ճիգ խնայեց այս հատորներու մաքուր և հաշակաւոր տպագրութեան:

* *

Օրուան տօնին ներշնչումով Հոդ. Տէր Տիրան Վրդ.ի «Յաւերժական Աշակերտութիւնը» յօդուածէն հետեւեալ տողերը կ'ուզենք ուշադրութեանը յանձնել հայ գաղութեներու մէջ Ազգապահպանման գործով մտահոգուող անհատներուն և մարմիններուն:

«Երբ մեզի հաց պակսեցաւ՝ չմեռանք. երբ հայրենիք պակսեցաւ՝ չմեռանք. բայց երբ պակսեցաւ հաւատարմութիւն մեր վարդապետներուն, անոնց մէ մեր ժառանգած Հոդին՝ մեռանք մենք. աչք մը՝ նետուած մեր պատմութեան մէջ շատ մը իրենց աշակերտութեան ուխտին գաւաճանած գաղութեներուն՝ կ'ապացուցանէ այս»:

Մեր յարգելի Հեղինակը և այս հատորներու հրատարակութեան սատարող Ազգայիններ անգամ մը եւս վճարած եղան իրենց Աշակերտութեան պարտքը մեր Սրբադան Թարգմանիչներուն, Լիայոյս ենք թէ Կրօնական Դաստիարակութեան ջատագովներ բոլոր հայ գաղութեներու մէջ պիտի մատուցանեն իրենց պարտքի բաժինը տարածելով Կրօն. Մատենադարանի հատորները:

ԼԵԽՈՆ Ե. ԶԵԽԵՍԻՆ

Վարիչ-Տեօրէն
սրբիկոյ Կոպ. Կիր. Գործոցներու

Տօն Մրցոց Թարգմանչաց

12 Հոկտ. 1940

Պէյրուր-Լիբանան

ԲԱՐՈՅԱԿԱՆ ԴԱՍԻԱՐԱԿՈՒԹԵԱՆ

ԹԷՏԾԸ Ը. ՍՈՒՐԱՆԵԱՆ

Աւուցապես Մահկավարժութեան
Հա Վ.Լ.Բ. Գոլէն եւ Հարաւային Քալիմունիոյ
Համալսարան

"We do not need more goods
But more good men".

Կ'ապլինք գարու մը մէջ ուր նիւթապաշտութիւնը գերիշխան գարձած է գրեթէ աշխարհի ամէն կողմը: Բնական գիտութիւններու հսկայագայլ յառաջդիմութիւնը վերջացող գարերու ընթացքին մարդոց ափերուն մէջ գրեթէ անհամար նուաճումներ՝ մին քան ըզմիւոը հրաշալի: Բայց այս սքանչելի զիտական յաղթանակները առաւելապէս նիւթին ու նիւթական իրերու մարզին մէջ տեղի ունեցած են: Այսպէս որ ներկայ քաղաքակրթութիւնը կորսնցուցած է իր հաւասարակշռութիւնը՝ նիւթական յաջողութիւններու հետապնդումը բարյական ու աննիւթական ըմբռնումներու և արժէքներու գնահատումը արմատախիլ ըրած է մարդոց մտքին ու սրտին մէջ:

Երբ այս տեսակտէն զիտենք ու վերլուծենք աշխարհի այժմու անցուղարձերը, գիւ-

քին է ըմբռնել թէ ինչո՞ւ բազմաթիւ անհատաներ ու ազգեր կը տուայտին՝ այսօր թշուառութեան, անգթութեան ու տեսակ մը ապերասան վայրագութեան նոսպաներուն մէջ։ Աւոնց սիրտերէն խոյս տուած են ազնուութեան, կարեկցութեան, սիրոյ զգացումները։ Ամենուն մտքին մէջ սեւեռեալ մտածումը տիրապետել սկսած է, յաջողիլ նիւթապէս, շահիլ գրամ, ամբարել նիւթ, վայելել հաճոյքներ՝ մարմնական և նիւթական, կորզել, յափշտակել ամէն ինչ որ կարելի է, խորամանկութեամբ՝ և կամ բիրտ ոյժի ու հարուածներու միջոցաւ։

Այս չէ՞ պատկերը տառապող մարդկութեան՝ բովանդակ աշխարհի վրայ։ Հին, հին օրերու, անցեալ գարերու ժողովուրդները նիւթական մեծ բարեկեցութիւն չէին վայելեր. սակայն հոգեկան հաճոյքներ, բարութիւն, ազնուութիւն, վեհանձնութիւն, մարդասիրութիւն, գթութիւն մարդոց հոգին կը պարարտացնէին նուրբ զգայնութիւններով՝ առհասարակ։ Չենք ըստեր թէ նիւթապաշտական ձգտումներ այն ատեն ալ կարդ մը մարդոց ու ժողովուրդներու միտքն ու հոգին չէին ցամքեցուցած, բայց գոնէ բազմատարար մեւ ծամանութեան սիրտն ու հոգին քարացած չէր բոլորովին՝ նիւթական սառնարիւն հաշիւներով։

Արդ, ներկայ կացութեան բուն էութիւնը քմբանող գիլիսովիաներ ու բարոյագէտներ այս պահուու մտանամնիշ կ'ընեն անհրաժեշտ պէտք մը՝ արգի քաղաքակրթութեան մէջ տիրող այս անհաւասարակշուութեան վերջ տալ ու նիւթական ու միեւնոյն տաեն աննիւթական արժեքներու միջեւ հաստատել հաւասար կշիռ մը։ Հին գարերը գուցէ չափազանցօրէն ծայշ բայեղ չեցա մը զբած էին բարոյական ու հոգեկան արժէքներու վրայ, ներկայ գարը ընդուհակուա՛կը ծայրայեղ ալլամերժութեամբ անհամեմատօրէն աւելի մեծ յարդ մը կ'ընծայէ նիւթական արժէքներու։ Հարկ անհրաժեշտ է ներդաշնակութիւն մը ստեղծել մարդուն նիւթական ու աննիւթական պէտքերուն ու պահնջներուն միջեւ։ Ներկայ գարը ստիպուածէ ի զլուխ հանել այս անցետաձգելի գործը, այլապէս արգի քաղաքակրթութեան քայքայումը անխուսափելի է։

Դաստիարակութեան աւագ պաշտօնն է այս կենսականօրէն կարեւոր գործը իրականութեան վերածել։ Դպրոցական զրառեղաններէն պէտք է սկսի բարեկարգութեան սերմին աճում մըն ու բեղմնաւորումը և ծշմարիտ զաստիարակութիւնը չի կրնար իր ուսերէն թօթափել մանուկներու սրտերուն մէջ բարոյական արժեքներու ըմբռնումը մշակելու և ծաղկեցնելու իր պարտականութիւնը։ Ամէն գաստիտ-

բակ, փոյթ չէ թէ ի՞նչ մասնագիտութիւն կը .
հետապնդէ, պարտաւո՛ր է իր գասարանին մէջ
ուղղակի կամ անուղղակի միջոցներով ներ-
շնչել բարոյական բարձր խէջներու սէրը: Ի-
հարկէ գաստիարակին անձնական օրինակովը
աւելի մէծ կշիռ ունի այս տեսակէտով քան-
անոր քարոզած սկզբունքներուն և ուսու-
ցումներուն համագումարը: Մէկ բարի գործ-
աւելի արժէքաւոր է քան հաղար բարեպաշ-
տիկ խօսք:

Բարոյական գաստիարակութեան մեթու-
ները կը տարբերին երկրէ երկիր: Ամերիկայիւ-
հանրային գաստիարակութեան առաջնորդները
ի սկզբան կը պնդէին թէ կառավարական-
գալոցներու մէջ ուղղակի բարոյագիտութիւն-
պէտք չէ ուսուցանել: Այնպէս կը կարծուէր
թէ մանուկը իր բարոյական ըմբռնումները
կրնայ ստանալ անուղղակի՝ ուսուցիչներու օ-
րինակէն և կամ գասարաններու մէջ տիրող
բարոյական մթնոլորտին ազգեցութենէն: Դաստիարակութեան մէծ փիլիսոփան, Տիուի,
ըստ էր, թէ “Character can be caught but
not taught”, այսինքն լաւ նկարագիրը վարա-
կումով կրնայ փոխանցուիլ և ո՛չ ուսուցմամբ:
Այս իսկ պատճառաւ, և այլ նկատումներով,
գալոցներու մէջ բարոյագիտութեան դասեր
չէին աւանդուեր շեշտակի կերպով: Սակայն շ-
նորհիւ գիտական խուզարկութիւններու և

փորձարկութիւններու, այժմ ըմբռնումները
փոխուած են այս մասին, թէեւ գեռ բարոյա-
գիտութեան դասը նախակրթարաններու և
երկրորդական վարժարաններու ծրագրին մէջ
մտած չէ իրեւ ուսուման կարեւոր առարկայ:

Քանի մը տարիներ առաջ, Վէօլքը (asterisk),
Գոլոմպիա համալսարանի մէջ զիտական փոր-
ձարկութեան ենթարկեց այս հարցը: Երեք
խումբի բաժնեց քննութեան ենթակայ ուսու-
նողները: Նախ՝ ամենուն ալ քննութիւն մը
տուաւ, որու միջոցին ուսանողներէն միտում
ունեցողներ առիթ ունէին խարդախութիւն ը-
նելու, գիրքերէն ընդօրինակելու, իրարմէ
գողնալու եւայլն: Այս նախնական քննութեան
արդիւնքէն կրցաւ դատել թէ որոնք հակում
ունէին խարդախ վարմունք ցոյց տալու և ո-
րոնք խոյս տուած էին առարկելի և անպար-
կեշտ վարմունքէ: Յետոյ այս երեք խումբերէն՝
առաջինին ուղղակի բարոյագիտութեան դա-
սեր տուաւ ամէն օր, եօթ շաբաթ տեւողու-
թեամբ: Երկրորդ խումբին առիթ տուաւ որ

(*) Voelker, The Fraction of Idials and Attitudes in Social Education. Teachers College, Columbia University.


անուղղակի կերպով, երբեմն երբեմն, ունկըն-
գըրին բարոյագիտութեան դասին: Երրորդ
խումբին ոչ մէկ կերպով առիթ տուաւ բարոյ-
յական դաստիարակութիւն ստանալու: Վերջը
նորէն քննութիւն տուաւ, որու ընթացքին
փափաքողներ առիթ ունէին խարդախութիւն
գործելու, ի հարկէ ինք այդ մասին ո եւ է
քան ըստած չէր ուսանողներուն: Արդիւնքը
ցոյց տուաւ որ առաջին խումբը, այսինքն
բարոյագիտութեան դասին հետեւողները վերա-
ջին քննութեան ընթացքին մէծաւ մասմբ
խարդախութենէ հեռու կեցած էին և բարոյ-
յական բարձր ըմբանումներու ձայնին անսաշ-
ցած էին: Երկրորդ խումբը բազգատաբար ա-
ռելի քիչ խարդախ՝ իսկ երրորդ խումբին ան-
դամները զբեթէ ոչ մէկ բարելաւում ցոյց տը-
ւած էին իրենց վարմունքին մէջ:

Գիտական այս փարձարկութիւնը երեւան
բերաւ սա իրողութիւնը, թէ՝ թէպէտեւ բա-
րոյագիտութեան դասին շնորհիւ ո եւ է մարդ
կատարելապէս բարձր բարոյականի տէր չի
դառնար, սակայն, բարոյական սկզբունքներ
գիտնալ մէծապէս կ'օգնէ բարոյապէս լաւ
կեանք ապրելու, մանաւանդ եթէ դաստիա-
րակին օրինակը, դասարանին ընդհանուր մըթ-
նոլորաը, ընկերային միջավայրը նպաստեն
այդ ուղղութեամբ:

Եղբակացութիւն: Եթէ բարոյագիտու-
թեան դասը ո եւ է կերպով կը նպաստէ բա-
րոյական ըմբոնումներու ծլարձակման ու
բեղմնաւորումին, ո'րքան կարեւոր է ուրեմն
մեր զպրոցներուն մէջ զարկ տալ բարոյական-
դաստիարակութեան: Երկրորդ, ըստ մէր խո-
րունկ համոզումին, եթէ բարոյական դաս-
տիարակութիւնը ուժաւորուի կրօնական դաս-
տիարակութեամբ, ո'րքան աւելի արդիւնաւոր-
պիտի ըլլայ ատոր ազգեցութիւնը մէր երի-
տասարգներու կեանքին մէջ: Արտասահմանիք
և սիմոքի այլազան գաղութներուն մէջ մէր
ցրցքնուած երիտասարգութիւնը պէտք ունի՞
բարոյական ու կրօնական դաստիարակութեան ։
Եթէ «այս» է մէր պատասխանը այս հարցու-
մին, և տարակոյս չունիմ թէ լուրջ մտածող-
ներ կը համաձայնին առ այս, ուրեմն միջոց-
ու պատեհութիւն պէտք է ընծայել մէր նոր
սերունդին, որ մէր վարժարաններուն ինչպէտ-
նաեւ կիրակնօրեայ զպրոցներուն մէջ բարոյա-
կան ու կրօնական դաստիարակութեան սնուն-
դով ուժաւորին ու կենսաւորին:

Ահա այս կենսական պէտքին ընդ առաջ
երթալու զիտումով է որ այս դասազրքերու
շարքը գրի առնուած է բարոյական ու կրօնա-
կան դաստիարակութեան մասնագէտ, համա-
լսորանական, Ամերիկահայ ազգային ծանօթ

գործիչի մը միջոցաւ: Քաղցր է մեզ յուսաւ
որ այդ մասնագիտորէն հեղինակուած գրքերը
մուտք պիտի գործեն ոչ միայն կիրակնօրեայ
գպրոցներու, ա'յլ նաեւ ոփիւռքի հայ վար-
ժարաններու դասարաններէն ներս: Քաջայոյս
մէք որ այս մանկագարժական դասազրքերը
միջոց մը պիտի ըլլան սրտցաւ դաստիարակ-
ներու ձեռքը՝ բարոյական դաստիարակութեան
գործին ոյժ տալու մեր գպրոցներուն մէջ:



ՅԱՌԱՋԱԲԱՆ

Մարդու մը իրական հարատորիսնը իր ազ-
նիւ նկարագիրն է: Ճարտի անուն մը շատ մը
հարատորիներէ աւելի գերազանց է» (Առակ.
ԻԲ. 1) ըստ է Հրեայ իմաստունը: Մեկու մը հո-
գեկան արժանիքը ո'չ իր նարպիկուրեամբը, ո'չ
սացած դասիարակուրեամբը, եւ ո'չ ալ նիւ-
րական հարատորեամբը կը չափուի, այլ անոր
մսիուր կենցաղովն ու պարկես վարք ու բար-
ենվի: Ուրեմն անհատին մէջ արժեկաւոր ու մեա-
յուն գանձը իր հոգեկան մեծութիւնն է: Ուրիշ
խօսքով, ազնիւ նկարագիրն է որ արժեկ կը
ներկայացնի մարդուն:

Նկարագրին գործնական արժեքը: Երիտասարդ
մը երբ կեանի ասպարեզը իշնէ, լաւագոյն դր-
րամագլուխը որ կրնայ ունենալ իր բարձր նկա-
րագիրն է: Աղամանդեայ բանալի մըն է ազնիւ
նկարագիրը որ կրնայ բանալ յաջողութեան ա-
մեն դուռ: Աղեատ բայց բարի վարք ու բարքի
տեղ մէկը հանրութեան վասահութիւնը աւելի
դիւրաւ կը տանի բան քէ հարուս բայց աննկա-
րագիր մարդ մը: Խարդախ վանառական մը
նոյն իսկ՝ երբ գրագիր մը պատօնի կանչէ՝ ա-
ւելի նախամեծար կը համարի իր գրասենեակին
մէջ ունենալ ուղղամիտ մէկը բան քէ անպար-
տանաաչ պատօնեայ մը: Բարի նկարագիրը

այսպէս ոչ միայն պարկես անձերէ, այլ եւ աննկարազիր մարդոց կողմէն խսկ կը գնահատ-
ուի մեծապէս:

በ.ኩ. እ- ከተማውቻቸውን እውቅዎን ምመጥኑን ነገሮች

- 1.— Աւզամութիւն,
 - 2.— Ճշգապահութիւն,
 - 3.— Հաւատարմութիւն,
 - 4.— Անկեղծութիւն,
 - 5.— Ճշմարտախօսութիւն,
 - 6.— Զուարբամութիւն,
 - 7.— Մաքրութիւն,
 - 8.— Պարկետութիւն,
 - 9.— Քաղաքավարութիւն,
 - 10.— Քառոյնկան հաջութիւն,
 - 11.— Ծառայելու տամադրութիւն (զսին-դութիւն),
 - 12.— Աստվածածութիւն:

Կրօնական դաստիարակութեան դԵբը Նկարագրի
այս եւ նմանօրինակ ուրիշ գեղեցիկ յատկանիւ-
թեր դաստիարակութեամբ կը մօսակուին ման-
կան մէջ: Մանուկը նախ իր ծննդաց հսկողու-
թեան ներքեւ ընտանեկան նույրական յարկին
տակ, ապա իր ուսուցիչներուն առաջնորդու-
թեամբ դպրոցին մէջ, եւ միասնամայն իր սա-
ներեցին ու Կիրակօրեայ Դպրոցի դասառուին
միջոցաւ եկեղեցին մէջ, ունակութիւններ կազ-

մելով ձեռք կը բերէ այս յատկութիւնները: Ու-
նակութիւնները մանկան մէջ կրկնուելով ու
կրկնուելով երկրորդ բնաւորութիւն կը դառ-
նան: Կնանիքը ունակութիւններէ կը բաղկանայ:
Նկարագիրը արդէն ուրիշ բան չէ բայց երկ բա-
րի ունակութիւններու արդինիքը:

Մանուկը ամեն օր դիտելով այս գեղեցիկ
առաքինութիւնները իր ծնողաց, ուսուցիչնե-
րուն եւ իր եկեղեցւոյ հովիթին վրայ, եւ ծանօ-
քութիւններ այլ բաղելով սոյն առաքինութիւննե-
րու մասին՝ կը սկսի օր իս օրէ ընդորինակել
զանոնք եւ իւրացնել: Աւելին ամեն պարագայի
ներքեւ կեանի օրինակն է որ կ'առաջնորդէ
մանուկը ընդորինակելու նկարագրի այս գեղե-
ցիկ նիմունքը:

Կրօնի սաստցչին հացածը: Մանուկը կը մռնայ շատ մը բաներ, բայց չի մռնար իր ստացած առաջին սպաւորութիւնները, ուստի ո՛քան փափուկ է կրօնի ուսուցչին դիրքը այս տեսակետն: Գասառուին խօսեն շատ ու շատ աւելի տեսող ապրած կեանին է որ կ'ազդէ մանկան բարձ զգացումներուն վրայ: Ուստի, որքան ծանր պատասխանաւորքեան ներքեւ կը մնայ բարձ յագիտութեան գասառու մը երբ չկարենայ յաջողութիւն մանկան տալու ակնկարուած այս բարի սպաւորութիւնները:

Ինչպէս եկեղեցական մը՝ նոյնպէս կրօնի

¶

ուսուցիչը պետք է կոչում ունենայ իր գործին համար: Կրօնի դասաւուին հաւասերի կեանիքը եւ իր գործին հանդեպ կոչման գիտակցութիւնը կարեւոր է իր յաջողութիւնը ապահովելու տեսակետն: Ներկայ դարուս մեջ կրօնի ուսուցիչ մը պարտի գիտնալ աստուածանութիւնն որ կարող ըլլայ մասնագիտուն աւանդել կրօնի նոր սերունդին, պարտի գիտնալ հոգերանութիւնն որ կարող ըլլայ մասնուկը նանշնալ ինչպես որ ետն, նոյնպես պարտի գիտնալ մասնկալարժութիւնն որ կարող ըլլայ լաւազոյն մերուներ գործածելով յաջողիլ իրազործելու իր կոչումը: Հետեւաբար մեր Ազգային դպրոցներուն եւ Կիրակօրեայ վարժարաններուն մեջ դասաւանդելու համար պետք է առօնել միայն այն ուսուցիչները որոնք ձեռնիսա են, մասնագետ են եւ հաւասացեալ: Հակառակ պարագային կրօնի դասաւանդութիւնը պարզ ձեռակերպութիւն մը կը դառնայ, եւ փոխանակ ժինելու կը բանդէ նորահաս սերունդին հաւասեր:

Եթի մանուկը ծնի իրեն հետ միասին աւ-խարի կը բերէ կարելիութիւններու ծրար մը՝ որ կը պարօնեակե, ի մեջ այլոց, ընկերական, բարոյական եւ հոգեւոր կեանիք բնազդային ընդհանուր հակումներ: Կրօնի ուսուցչին հարտարութիւնը այն ատեն երեւան կուգայ եթի անիկա գիտնայ այս ծրարը բանակ, եւ մանկան բնազդները այնքան ներդաշնակուն մշակել ու ազ-

նուացնել որ նա դպրոցէն գուրս զայ իբր բարի հաղաքացի եւ բարի հայ մը, օժուած երիստնեական ազնիւ նկարագրով:

Մահավարժական գլուխն ու ուսուցչը: Եթի մանուկը դասը չի սիեւ, չի կրնար օգտուիլ անկէ: Մանուկը այն ատեն կ'օգտուի եթի հետաքրքրուի իր դասով: Մանկավարժ դասաւու մը իր դասը աւակերտներուն սիրցնելու համար ինքը խղմբօրտուն նախապէս կ'ուսումնասիրէ զայն աւանդելէ առաջ: Ուպէս զի մանկան մեջին մեջ ըրփորութիւն չսեղծուի դասը շատ պարզ ձեւով կը ներկայացնէ անոր: Նոր հեմարտութիւնները մանկան հին փորձառութեանը հետ կը կապէ: Եթի հարկ է, պատկերներ ու առարկաներ կը գործածէ դասին մեջ: Նիւրը հարցումներով կը ներկայացնէ, եւ դասին ըւլց հարցումներ ուղղելով իր աշակերտները խորհելու կ'առաջնորդէ: Մերը ընդ մերը մանկանց կրկնել կուտայ իրենց սորվածը: Զանազանութիւն եւ նորութիւն կը դնէ ամեն դասին մեջ: Եւ անս այսպէս, սոյն եւ նմանօրինակ մերուներով կը հետաքրքրէ իր աւակերտները եւ կը սիրցնէ անոնց իր աւանդած դասը:

Դասադիրութ: «Պատմութիւն նոր նվասին կը բարկանայ վեց զյուխներէ եւ պատրաստուած է 13-15 տարեկան մանկանց համար: «Պատմութիւն

Հին Աւիսիակի նման ասոր մեջ ալ ամեն մեկ դասը կը վերջանայ եզրակացուքիւն անունի ներեւ մարդկային փորձառուքենէ բդիսած գործական թելադրուքիւններով: Իւրաքանչիւր գրլուխի վերջաւորուքեանը մեջ «Վերաբաղ» անունի տակ, «Պատմուքիւն Հին Աւիսիակին պես դասագրքին մեջ բաղուածիքի հարցումներ դրաւած են, ուսանողին դիւրուքիւն տալու համար որ սորվածը կրկնելով մարսէ եւ իւրացնէ յաջորդ գիխուն չափած: Այն ուսանողները որոնք այս հարցումներուն լաւ պատասխաններ կը պատրաստեն ատենին, տարերջանի վախճանին, թնդիանուր բաղուածիքի ատեն նեղութեան չեն հանդիպիր:

Ինչպէս «Պատմուքիւն Հին Աւիսիակին մեջ թելադրած էինք, նոյնը կը կրկնենք նոս: Լաւ կ'ըլլայ որ ուսանողը գրէ ամեն մեկ դասը իր տեսրակին մեկ կողմք, իսկ անոր միւս կողմն ալ արձանագրէ Ս. Գրին եւ ուսուցչին իր բաղած յաւելուածական տեղեկուքիւնները, եւ բաղուածիքի ատեն ամբողջը աշէն անցնելով պատրաստ հննուքիւնը: Ասիկա կ'օգնէ ուսանողին դիւրուքեամբ իւրացնելու իր դասը:

Դասագիրքն հեռանկարը: Պատագիրքը ինքնին նպատակ մը չէ, ալ նպատակի մը հասնելու միջոցը միայն: Այդ նպատակը մանկան ազնիւ նըլկարագիր կազմելն է: Պատագիրքը, ուսանողին


Ս. Գիրքէն յաւելուածական ընթերցումը, ուսանողին բափած բոլոր աշխատանքները, եւ գործածած մանկավարժական մերունները, միջոցներ են պարզապես մանուկը առաջնորդելու համար որ գնահատէ ազնիւ նկարագրի մը տեսլականը եւ կազմէ լաւ ունակուքիւններ: Ինչպէս ըսինք, նկարագիրը արդեն ուրիշ բան չէ բայց երեք բարձր իսկականներու, ազնիւ զգացումներու, լոյզերու, եւ կեանենի հասնդեկ կազմուած ընդհանուր կեցուածներու շաղախով կ'ամրանայ օրբառեական զարգացումով:

Մենք վարձարուած կը զգանք լիովին՝ երեք «Պատմուքիւն Նոր Աւիսիակի շափով մը նպաստ մեր յառաջադրած նպատակին իրազործման:

ԴԲ. Ա. Ա.

24 Ապրիլ 1940
Ձերեզնո, Քալիթօրնիա:

90
193 -
93 -



առաջ անօրութեաց Ասքածի արքայի Անոնք Ե-
տիր Ա. ազգահանգաման պար համար այսու
ազգային պահանջման Ասքածախալիքան համա-
տակ այդրութեաց պահանջման այսուքուր ան-
սպասարկութեաց պահանջման այսուքուր ան-

ին այսուքուր այսուքուր այսուքուր ան-
սպասարկութեաց պահանջման այսուքուր ան-

սպասարկութեաց պահանջման այսուքուր ան-

ՑԱՆԿ ՆԻՒԹԵՐՈՒ

Երկու Խօսք	Պ
Զեկոյց (Լեռն Ն. Զեկնանին)	Ե
Բարյական Դասիստակուրեան Պէտը (Պետք Ա. Սարսանինին)	Բ
Յառաջարան	Ճ
Յանկ Պատկերներու	Իթ
Նախագիտելիք	Ի
Կարեւոր Թուսկամեներ	Ե

ՄԱՍԿ Ա.Ա.ԶԵՐ

ՅԻՍՈՒՍԻ ԾՆՈՒՆԴՆ ՈՒ ՊԱՏԱՆԵԿՈՒԹԵԱՆ

Շ Բ Զ Ա Ն Բ

Դաս Ա.— Յովինանին Մկրտչի նախա- պատրաստական զործը	7
» Բ.— Յիսուսի ծննդեան պարագա- ները	13
» Գ.— Յիսուսի մանկուրեան ու երի- սասարդուրեան շրջանը	16
» Դ.— Յիսուսի մկրտուրինն ու Սա- մանային փորձուիլը	21
» Ե.— Վերաբաղ (հարցումներ)	25

ՄԱՍՆ ԵՐԿՐՈՐԴ

ՅԻՍՈՒՄԻ ՀԱՆՐԱՅԻՆ ՊԱՇՏՈՆԱՎԱՐՈՒԹԻՒՆՆ ՈՒ ՀԻՄՆԱԿԱՆ ՈՒՍՈՒՑՈՒՄՆԵՐԸ

Դաս	Ձ.	Յիսուսի պաշտօնը իբրև Մէ- սիա	27
»	Ե.	Յիսուսի առաքեալներ	32
»	Ը.	Յիսուսի հիմնական վարդա- պետոթիւններ	36
»	Թ.	Յիսուսի երկրորդական ու- սուցումներ (Ա)	44
»	Ժ.	Յիսուսի երկրորդական ու- սուցումներ (Բ)	45
»	ԺԱ.	Վերափաղ (հարցումներ)	49

ՄԱՍՆ ԵՐՐՈՐԴ

ՅԻՍՈՒՄԻ ԱՌԱԿՆԵՐՆ ՈՒ ԱՆՈՆՅ

ՄԵԿՆ ՈՒԹԻՒՆՔ

Դաս	ԺԲ.	Յիսուսի առակներ	52
»	ԺԳ.	Առակներուն ներփին իմասը (Ա)	57
»	ԺԴ.	Առակներուն ներփին իմասը (Բ)	62
»	ԺԵ.	Առակներուն ներփին իմասը (Գ)	66

Դաս	ԺԶ.	Առակները մեկնելու մերուը	71
»	ԺԷ.	Վերափաղ (հարցումներ)	75

ՄԱՍՆ ՉՈՐՐՈՐԴ

ՅԻՍՈՒՄԻ ՀՐԱՇԲՆԵՐՆ ՈՒ ԱՆՈՆՅ

ՆԵԱՆԱԿՈՒԹԻՒՆԸ

Դաս	ԺԲ.	Հրաշֆիերուն շարժառիքը եւ անոնց տրուած անոններ	78
»	ԺԹ.	Յարուրեան ու զանազան հը- րաշֆիեր	82
»	Ի.	Յիսուսի հրաշֆիեր (Ա)	87
»	ԻԱ.	Յիսուսի հրաշֆիեր (Բ)	92
»	ԻԲ.	Հրաշֆը եւ բնուրեան օրկելի- ները	97
»	ԻԳ.	Վերափաղ (հարցումներ)	104

ՄԱՍՆ ՀԻՆգԵՐՈՐԴ

ՅԻՍՈՒՄԻ ԽԱԶԵԼՈՒԹԵԱՆ ՇԱԲԱԹՆ

ԵՒ ԱՆՈՐ ՅԱՐՈՒԹԻՒՆՆ ՈՒ ՀԱՄԲԱՐՁՈՒՄԸ

Դաս	ԻԴ.	Յիսուսի հանդկաց նրկից առե- ղութեան պատճառը եւ Յի- սուսի վերագրուած յան- ցանիլը	104
»	ԻԵ.	Յիսուսի խաչելուրիւմը	109

Դաս ԻԶ.— Յիսուսի Յարութիւնը	114
» ԻԵ.— Յիսուսի համբարձումը	118
» ԻԸ.— Վերաբաղ (հարցումներ)	122

ՄԱՍՆ ՎԵՑԵՐՈՐԴ

ՔՐԻՍՏՈՆԷԱԿԱՆ ԵԿԵՂԵՑԻՈՅ ՀԻՄՆԱՐԿՈՒԹԻՒՆԸ


Դաս ԻԹ.— Պեճեկոսի դեպքը	124
» Լ.— Պետրոսի դերը ելեղեցոյ մեջ	128
» ԼԱ.— Պօղոսի Քիստնեկործան դարձանը	133
» ԼԲ.— Պօղոսի մատուցած ծառայութիւնը և կեղեցիին համար	137
» ԼԹ.— Վերաբաղ (հարցումներ)	141



ՑԱՆԿ ՊԱՏԿԵՐՆԵՐՈՒ

- Պաղեստին Քրիստոսի ժամանակ (Քարտէսու)
- Յիսուս կ'օրէնէ մանուկները (Մրկ. Ժ. 16) 1
- Յովհաննէս Մկրտիչ (Մտթ. Գ. 3) 7
- Յովհաննէս Մկրտիչ կը քարոզէ (Մրկ.Ա.7) 9
- Յովհաննէս Մկրտիչի գլխատումը (Մտթ. ԺԴ. 11) 11
- Հովհաննէրու այցելութիւնը (Ղկո. Բ. 15) 13
- Մոգերու երկրպագութիւնը (Մտթ. Բ. 11) 15
- Եգիպտոս փախուստը (Մտթ. Բ. 14) 17
- Յիսուսի մանկութիւնը (Ղկո. Բ. 40) 19
- Յիսուս Տաճարին մէջ (Ղկո. Բ. 46) 21
- Յիսուսի Մկրտութիւնը (Յովհ. Ա. 32) 23
- Յիսուսի փորձութիւնը (Մտթ. Դ. 10) 25
- Յիսուս և Սամարացի կինը (Յովհ. Դ. 7) 31
- Յիսուս կ'ուսուցանէ ժողովուրդին (Ղկո. ԺԴ. 10) 37
- Աշակերտաց հասկ կորպելը (Մրկ. Բ. 23) 41
- Յիսուսի ուսուցումը տուբքի մասին (Մտթ. ԻԲ. 20) 43
- Այրի կնոջ լուման (Մրկ. ԺԲ. 42) 45
- Յիսուս և հարուստ երիտասարդը (Ղկո. ԺԲ. 24) 47
- Անառակ Որդին (Ղկո. ԺԵ. 20) 54
- Սերմնացանին Առակը (Մտթ. ԺԴ. 18) 59
- Զար Մշակներու Առակը (Մտթ. ԻԱ. 38) 61
- Տառ Կոյսերու Առակը (Մտթ. ԻԵ. 2) 63
- Բարի Հովհաննէս Առակը (Յովհ. Ժ. 16) 65
- Բարի Սամարացիին Առակը (Ղկո. Ժ. 33) 67
- Փարիսեցին և Մաքսաւորը (Ղկո. ԺԸ. 10) 69

26. Կորսուած ոչխարին Առակը (Դկո. ԺԵ. 5)	71
27. Կորսուած դրամին Առակը (Դկո. ԺԵ. 8)	73
28. Մեծատունն ու Պազարոսը (Դկո. ԺԶ. 20)	75
29. Նայինի Պատանիին յարութիւնը (Դկո. կ. 14)	81
30. Յայրոսի Աղջկան յարութիւնը (Դկո. Բ. 52)	83
31. Այլակերպութիւնը (Մրկ. Թ. 3)	85
32. Ալեկոծութեան հանգարտիլը (Մրկ. Դ. 38)	87
33. Կափաննայումի Անդամալոյձը (Յովհ. Ե. 8)	89
34. Կոյրին բժշկութիւնը (Մրկ. Ժ. 52)	91
35. Քանանացի Աղջկան բժշկութիւնը (Մտթ. ԺԵ. 28)	93
36. Լուսնոտ զիւահարին բժշկութիւնը (Մտթ. ԺԷ. 18)	95
37. Յիսուս կը բժշկէ հիւանդները (Մրկ. Ա. 34)	97
38. Ծաղկազարդ (Յովհ. ԺԲ. 13)	101
39. Վերջին Ընթրիքը (Մտթ. Ի. 26)	103
40. Յիսուս Գեթսեմանիի մէջ (Դկո. Ի. 41)	105
41. Յիսուս Պիզատոսի առջեւ (Դկո. Ի. 1)	107
42. Յիսուս խաչուելու կը տարուի (Յովհ. ԺԹ. 17)	109
43. Յիսուսի խաչելութիւնը (Յովհ. ԺԹ. 18)	111
44. Յիսուսի թաղումը (Յովհ. ԺԹ. 42)	113
45. Զէ ասս քանզի յարեաւ (Դկո. Ի. 6)	115
46. Գէպի Եմմառւ (Դկո. Ի. 15)	117
47. Յիսուսի Համբարձումը (Դկո. Ի. 51)	119
48. Հոգեգալուստ (Գործք. Բ. 2-4)	125
49. Պետրոս Ճովուն վրայ (Մտթ. Ժ. 50)	131
50. Պօղոսի դարձը (Գործք. Թ. 4)	135
51. Պօղոս Ակրիքայի առջեւ (Գործք. Ի. 23)	139



כתר נבואה

ପ୍ରକାଶକ

0
10
20
30
40
50
60

卷之三

Shrnu

一五七

卷之三

or
c
c

Մագուսական
Տունը

- 8 -

三

ମୁଦ୍ରଣ

૩૮

૧૮

८

• ८०



三

卷之三

11

15

卷之三





2.— ՅԻՍՈՒԽ Կ'ՕՐՀՆԵ ՄԱՆՈՒԿՆԵՐԸ

ՆԱԽԱԳԻՏԵԼԻՔ

ՊԱՏՄՈՒԹԻՒՆ ՆՈՐ ՈՒԽՏԻ

ՍԱՄԱՐԱՅԻ ԱԶԳԸ ԵՒ ՅԻՍՈՒՍԻ
ԺԱՄԱՆԱԿԱԿԻՑ ԽՄԲԱԿՑՈՒԹԻՒՆԵՐ

Սամարացիներ: Իսրայէլի Ովոէէ թագաւորի իններորդ տարին՝ Ասորեստանի Սաղմանասար թագաւորը Սամարիան գրաւեց, և տեղայն հրեայ ժողովուրդը Ասորեստան գերի տարաւ, և հոն բնակեցուց զանոնք Գովզան գետին քով Քաղայի, Քարովը ու Մարաց քաղաքներուն մէջ (Դ. Թագ. Ժէ. 6-7): Ապա ասոնց տեղ Սաղմանասար Բարելոնի կողմերէն հեթանոս գաղթականներ բերել տալով տեղաւորեց Սամարիոյ մէջ: Նոր եկող այս հեթանոս գաղթականներ Սամարիոյ մէջ բնակող Իսրայէլի տասը ցեղերու մնացորդ հրեաներուն հետ ժամանակի ընթացքին խառնուեցան, և այս խառնուրդէն ազդ մը յառաջ եւ կաւ որ Սամարիոյ քաղաքին անունը իր գրայ կրելով՝ Սամարացի կոչուեցաւ (Դ. Թագ. Ժէ. 24-41):

Սամարացիք այսպէս ո՛չ լման հրեայ և
ՊԵՏ. ՆԱՌ Ո-ԵՐԵՔ

ո՛չ ալ հեթանոս՝ այլ կէս հրեայ և կէս հեթանոս՝ հրեաներուն տաելի ժողովուրդ մըն էին Յիսուսի ժամանակ :

Սամարացիները հրէից սրբազան զրքերէն կ'ընդունէին միայն Մովսէսի Հնդամատեանը . և իրենց ուխտատեղին ու սրբավայրն էր Գառիպէն լեռը : Մեսիայի գալուստին կը սպասէին մեծ անձկութեամբ (Յովհ. 7. 25) :

Փարիսեցիներ: Երբայեցերէն փառաշ բառէն յառաջ եկած է փարիսեցի անունը որ կը նշանակէ զատուած և կամ բաժնուած : Իբր թէ փարիսեցիներ իրենց սուրբ կենցազով ու կրօնական խորունկ գիտութեամբ ժողովուրդէն զատուած բարձր կեանք մը կ'ապրէին :

Որպէս կրօնական ազանդ փարիսեցիներ ծագում առին հրէից մէջ Բաբելոնի գերութեանէն վերջը : Ակիզբները իրենց կենցազը լաւ էր բայց ժամանակի ընթացքին ապականեցաւ , և ի վերջոյ փարիսեցի անունը սկսաւ հոմանիշ նկատուիլ կեղծաւորութեան :

Փարիսեցիներ շատ կարեւորութիւն կուտային կրօնքի արտաքին ձեւակերպութիւններուն : Մովսէսի օրէնքը տառապէս կը մեկնէին և աւանդութիւններուն , պատուէրներուն ու ծէսերուն չափէն աւելի յարգանք կ'ընծայէին : Կը հաւատալին ճակատագրին , հոգւոյ անմահութեան , մեռելոց յարութեան և հան-

գերձեալ կեանքի մէջ պատժի ու վարձատրութեան գաղափարին :

Սադուկեցիներ: Դաւիթի ու Սոդոմոնի օւրով հրէից մէջ Սադովկի անունով նշանաւոր քահանայ մը կար (Բ. Թագ. Բ. 17 , Ճ. 15 : Գ. Թագ. Ա. 34) : Կը կարծուի թէ ասոր սերունդէն մարգիկ Քրիստոսէ առաջ երրորդ գարու մէջ հիմնեցին Սադուկեցի կոչուած այս աղանդը՝ որ էր փարիսեցիներու հակառակ կրօնական կուսակցութիւն մը :

Այս կուսակցութեան հետեւողներուն մէջ մեծ թուով քահանաներ կալին , ասոնք քահանայական ցեղէ մը սերած ըլլալնուն համար իրենք զիրենք արգար ու ազնուական մարդիկ կը համարէին :

Սադուկեցիները հրէից աղատախոհ գասակարգը կը ներկայացնէին : Աւանդութիւններուն հաւատաք չէին ընծայեր , ծէսերը շատ չէին յարգեր , հոգւոյ անմահութիւնը կը մերժէին , հրեշտակներու զոյութիւնը կ'ուրանացին , մեռելոց յարութեան չէին հաւատար (Մատթ. ԻԲ. 23 , Մարկ. ԺԲ. 18 , Ղուկ. Ի. 27 , Գործ. ԻԳ. 8) . ինչպէս նաեւ չէին ընդուներ հանդերձեալ կեանքի մէջ պատժի ու վարձատրութեան վարգապետութիւնը :

Փարիսեցիները որքան կրօնամոլ ու պահանողական էին , Սադուկեցիներ ընդհակա-

ուակը այնքան ազատական ընթացք մը ուշնէին կրօնական ու քաղաքական հարցերունկատմամբ։ Բայց երկուքն ալ հաւասարապէս կը հաւածէին զՅիսուս։

Դպիիրներ։ Յիսուսի ժամանակ գպիր կը կոչուէին հրէից մէջ այն անձինք որոնք կը զբաղէին Ս. Գրական ուսումնավ ու զիսումնեամբ։ Ասոնց պաշտօնն էր ընդհանրապէս գիրքերը ընդօրինակել, Ս. Գիրքը բացատրել և օրէնքը մեկնաբանել։ Դպիրները վարդապետ օրինաց և կամ պարզ օրինական կը կոչուէին (Մատթ. ԻԲ. 35, Մարկ. ԺԲ. 28)։

Դպիրները ժողովուրդին վրայ մեծ ազգեցութիւն ունէին իրը հրէից մտաւորականները։ Ասոնցմէ ոմանք անդամ էին հրէից ազգային ժողովին և յաճախ իրենց անունը լիշուած է փարիսեցիներու և քահանայապետներու հետ (Մատթ. Ե. 20, ԺԲ. 38, Ի. 18, ԻԱ. 15)։

Մահսաւորներ։ Մաքսաւորներ կը զբաղէին հարկահաւաքութեան գործով։ Հրեաներու համար սիրելի բան մը չէր չուզմի պետութեան հարկ վճարել, և ուստի չէին ախորժեր մաքսաւորներէն, որոնք տուրք կը հաւաքէին կառավարութեան հաշուոյն։ Հրեայ մաքսաւորներ հեթանոսի հաւասար կը նկատուէին Յիս-

ուսուսի ժամանակ իրենց ազգակիցներուն կողմէ։ Վարք ու բարքով ինկած դասակարգ մը կը համարուէին մաքսաւորները իբր գող և անգութ անձնաւորութիւններ։ Մաքսաւոր բառը մեղաւոր բառին հոմանիշ էր հրէից բերնին մէջ։

Մատթէոս՝ մաքսաւոր էր Յիսուսի աշակերտ ըլլալէ առաջ։ Զաքէոս յայտնի մաքսաւոր մըն էր, որ Յիսուսի քարոզութեամբ դարձի եկաւ (Ղուկ. ԺԹ. 8)։

Հերովդիսեաններ։ Հերովդէուաններ քաղաքական կուսակցութիւն մըն էին հրէից մէջ և իրենց անունը առած էին Հերովդէս Անդիպատէն։ Ասոնք կը հաւատալին հրէից թագաւորութեան վերականգնումին Հերովդէսի որդիներէն մէկուն միջոցաւ։


Հերովդէսեանները Աւետարանի մէջ կը լիշուին երկու տարբեր անդամներ (Մատթ. ԻԲ. 16, Մարկ. Գ. 6)։



ԿԱՐԵԿՈՅ ԹՈՒԿԱՆՆԵՐ

ՆՈՐ ՈՒԽՏԻ ՊԱՏՄՈՒԹԵԱՆ ՀԱՄԱՐ

	Յ. Տ.
Յիսուսի Ծնունդը	1
Յիսուսի երուսաղէմ այցելութիւնը	12
Պիղատոս կուսակալ Հրէաստանի	26-36
Յիսուսի հանրային պաշտօնավարութիւնը	30-33
Յիսուսի խաչելութիւնն ու մահը	34
Պօղոսի գարձի գալը	36
Պօղոսի առաջին առաքելական ճամբ	
բորդութիւնը	47-49
Պօղոսի երկրորդ առաքելական ճամբ	
բորդութիւնը	50-53
Պօղոսի երրորդ առաքելական ճամբ	
բորդութիւնը	53-57
Պօղոս կապուած Հռովմ կը տարուի	63
Պօղոսի մարտիրոսութիւնը	68
Տիտոսի ձեռօք երուսաղէմի պաշտումը	
Տաճարին կործանումը	70
Երուսաղէմի Տաճարին կործանումը	71



ՅՈՎԼԱՆՆԵՍ ՄԿՐՏԻՉ

ՄԱՍՆ ԱԹԱԶԻԿ

ՅԻՍՈՒԽԻ ԾՆՈՒՆԴՆ
ՈՒ ՊԱՏԱՆԵԿՈՒԹԵԱՆ ՇՐՋԱՆԸ

Պ Ա Ս Ա,

ՅՈՎՀԱՆՆԵԼԻ ՄԿՐՑՁԻ ՆԱԽԾՊԱՏՐԱՍՏԱԿԱՆ

Գ Ո Բ Ծ Բ

(ՄԱՏԹ. Գ. 1-17, ԺԴ. 1-12; ՄԱՐԿ. Ա. 1-9, Զ. 17-29;
ՂՈՒԿ. Ա. 5-80, Գ. 3-20; ՅՈՎՀ. Ա. 15-34)

Ա. — Յովհաննէսի ծնունդը:

Յովհաննէս Մկրտիչ հրէից մէջ ծանօթ
գերգաստանի մը զաւակն էր։ Հայրը՝ Զաքա-
րիա Աբիայի գասակարգէն քահանայ էր, իսկ
մայրը Եղիսաբէթ սերած էր Ահարոննեան քա-
հանայական ցեղէն։

Եղիսաբէթ ամուլ էր։ Զաքարիա երբ օր
մը Տաճարի մէջ կը պաշտօնավարէր տեսիլք
մը ունեցաւ, և ապա Աստուած իրեն զաւակ
մը պարգեւեց և անունը Յովհաննէս կոչուե-
ցաւ։

Յովհաննէսի ծնունդը տեղի ունեցաւ Յի-
սուսի ծնունդէն վեց ամիս առաջ։

Բ.— Ապրելակերպի:


Յովհաննէս, իրբեւ ճգնաւոր, Յուդայիր անապատին մէջ կ'անցնէր իր ժամանակին մեծ մասը՝ և հոն կը զբաղէր կրօնական խոկումով ու հոգեւոր վերացումներով։

Ուզտի մազերէ շինուած հագուստ մը կը հագնէր և անապատին մէջ վայրի մեղքը ու մարախ կ'ուտէր։ Հին ատեն մարախը կը խորովէին ու կ'ուտէին իբր կերակուր։ Մովսէսի օրէնքը հրէից կ'արտօնէր մարախ ուտել (Ղեւ. ԺԱ. 22)։

Այս ատենները հրէից մէջ իսսէնեան (Essins) կոչուած կրօնական խմբակ մը կար, որուն անդամները հեռու կը մնային ընկերական հաւաքոյթներէ, կը խորչէին համագամ կերակուրներէ և զեղեցիկ հագուստներ հագուելէ, չէին քաջալերեր նաեւ ամուսնութիւնը. և այսպէս մարդոց ներկայութենէն հեռու՝ անապատին մէջ կրօնական խորհրդածութիւններով կը պարապէին ճգնաւորի նման։ Յովհաննէս ասոնցմէ շատ ազգուած էր և առնց ապրելակերպին կը հետեւէր։

Գ.— Նախապատրաստական գործը Քրիստոնեութեան համար։


Յովհաննէս իր ճգնաւոր թէեւ անապատին մէջ կ'անցնէր իր ժամանակը, բայց մերթ ընդ մերթ քաջաք կուգար և ժողովուրդին



կնոջ՝ Հերովդիալի հետ ապօրէն կենցաղ մը
կը վարէր։ Ասիկա ժողովուրդին մեծ գոյշ-
թակղութիւն պատճառած էր։ Մանաւանդ
ընտանեկան սրբութեան նախանձախնդիր ուղ-
ղափառ հրեաներուն համար պախարակելի
յանցանք մըն էր ատիկա։ Սակայն ամէն
մարդ կը վախճար, և ոչ ոք կը համարձակէր
թագաւորին բան մը ըսել այս մասին։

Ինչպէս Թեղբացի Եղիա ժամանակին (Գ.
Թագ. Իմ. 17-24) Աքամարը յանդիմանած էր
իր ըրած անիրաւութեան համար, նոյնպէս
Յովհաննէս Մկրտիչ, իրբեւ երկրորդ Եղիա,
անոր ոգիովը տոգորուած, օր մը գնաց ուղ-
ղակի Հերովդէսին պալատը և զզուչացուց
զայն իր ըրած այս սխալին համար։ Հերովդէս
չիրեց Յովհաննէսի այս արարքը և զինքը
բանաը դրաւ։ Հերովդիալի ազջիկը՝ Սողոմէ
օր մը պարեց Հերովդէսի կողմէ սարքուած
խնճուքի մը մէջ։ Հերովդէս գոհ մնալով անկէ,
հրզումով խոստացաւ որ տայ անոր ինչ որ
ուղելու ըլլայ։ Աղջիկը իր մօրը թելազու-
թեամբ Յովհաննէսի գլուխը ուզեց։ Դահիճը
կտրելով անոր գլուխը դրաւ սկսւտեղի մը
վրայ և զրկեց Հերովդիալին։

Երբ Յովհաննէս գլխատուեցաւ Յիսուս
Յուզայի երկրէն Գալիլիա անցաւ և հոն շա-
քունակեց իր գործը։ Իսկ Յովհաննէսի աշա-
կերտներէն և ունկնդիրներէն ոմանք ցրուե-



ցան , և ոմանք ալ Յիսուսի կրօնական շարժումին հետեւեցան :

Ե. — Եղբակացութիւն:

1. Յովհաննէս իր գերգաստանի անունին արժանի կեանք մը ապրեցաւ : Զեղիս ու անառակ վարժունքով չաղարտեց իր գերգաստանին անունը , այլ աւելցուց անոր պատիւը , իր ապրած սուրբ ու արդար կեանքովը :

2. Յովհաննէս փոխանակ չռայլ ու աշխարհասէր կեանք մը ապրելու , իր բարձրագոյն հաճովքը աշխարհաւրացութեան և կրօնական խորհրդածութիւններու մէջ փնտուեց , և ատով ճոխացուց իր կեանքը մնայուն ու բարձրագոյն արժէքներով :

3. Ինքը աշխարհ եկած էր Քրիստոնէական կրօնի գետին պատրաստելու համար ։ Յովհաննէս չանտեսեց իր այս կոչումը , զտաւգայն և ծառայեց անոր հաւատարմօրէն :

4. Յովհաննէս նախամեծար համարեց քիչ ապրիլ բայց ճշմարտութիւնը խօսիլ քանի թէ երկար ապրիլ ու ճշմարտութեան անհաւատարիմ մնալ : Մեղքունքի տէր մէկը չի կրնար կեղծել , և չի կրնար առժամեայ շահու համար կեանքի մնայուն արժէքները ոտնակովս ընել :



ԳԱՍ Բ.

ՅԻՍՈՒՍԻ ԾՆՆԴԵԱՆ ՊԱՐԱԳԱՆԵՐԸ


(ՄԱՏԹ. Ա. Էւ Բ., ՊՈՒՆ. Ա. 26-38, Բ. 1-38).

Ա.— Հռովմի կառավարութեան մարդահամարը:

Հռովմի կառավարութիւնը ծանուցած էր իր հպատակներուն որ աքն մարդ իր ծննդավայրը ըլլայ, պատրաստ գտնուելու տեղի ու նենալիք մարդահամարին։ Յովսէփ, որ Դաւիթի ազգատոհմէն էր, Մարիամի հետ Գալիլեոյ նազարէթ քաղաքէն Երուսաղէմ եկաւ և իջառ Բեթղեհէմ զիւղաքաղաքը։ Հոն անոնք իրենց համար իջեւան մը չգտնելով քարայրի մը մէջ օթեւանեցան։

Ճիշդ այն ատեն զիշերանց տեղի ունեցաւ Յիսուսի ծնունդը^(*)։ Ծնողքը զինքը խանձառուրի մէջ պատելով գրին մսուրի մէջ։ Դաշտի մէջ հովիւներ Երկինքէն նշան մը տեսնե-

(*) Յիսուս ծնաւ Հռովմի նիմնարկութեան 750 բուականին, բայց տարիներ յետոյ իր արդիւնք սխալ նաշխիք չորս տարուան տարեեռութիւն մը յառաջ եկատ։ Ուստի այս օրուան փրկչական բուականին վրայ չորս տարի եւս պէտք է աւելցնենք, Յիսուսի ծննդեան բուն բուականը գտնելու համար։



գով եկան և երկրպագութիւն ըրին նորածին
մանկան։ Միւս կողմէն երկինքի հրեշտակնե-
քը «Փառք ի բարձունս Աստուծոյ» երգը եր-
գելով կ'օրհնաբանէին զԱստուած՝ մարդոց
տուած այս պարգեւին համար։

Բ. — Մոզերուն արեւելքին Երուսաղէմ գալլ։
Երբ Յիսուս Քեթզեհէմի մէջ ծնաւ, եր-
կինքի վրայ անոր ասուզը տեսան արեւելքի
մոզերը։ Իստ աւանդութեան այս մոզերն էին
Մելքոն, Գասպար և Պալտասար, որոնք աս-
տղին առաջնորդութեամբ Երուսաղէմ եկան
և երկրպագութիւն ըրին Յիսուս մանկան։ Ա-
պա իրենց գանձերը բանալով ընծաներ տուին
անոր, ոսկի, կնզրուկ և զմուռս։

Ոսկին կը խորհրդանշէ Յիսուսի թագաւու-
րութիւնը, կնզրուկը աստուածութիւնը և
զմուռսը փրկագործութիւնը։


Գ. — Բերդենեմի մանկանց ջարդուիլը։
Հերովդէս թագաւոր՝ մոզերուն գալը Երբ
իմացաւ՝ շատ վախցաւ, և իրեն հետ իրարան-
ցումի մատնուեցաւ նաեւ Երուսաղէմ քաղա-
քը։ Հերովդէս խորհրդաւ թէ Յիսուս մեծնա-
լով կրնայ թագաւորութիւնը իր ձեռքէն խլել,
որով ինք պիտի զրկուէր իշխելէ ժողովուր-
դին վրայ։ Ուստի իր շահերուն տեսակչտէն
խոհեմութիւնն սեպեց Բեթղեհէմի և անոր

շրջակայ վալրերուն մէջ գտնուող երկու տառեկանէն վար բոլոր տղաքը ջարդել տալ, որպէսզի անոնց հետ միասին Յիսուս ալ սպաննուի և վարանզը անհետանայ:

Բայց Աստուծոյ հրեշտակը տեսիլքի մէջ Յովսէփին խմացուց Հերովդէսի այս մտազրութիւնը և թելազրեց որ Եղիպտաս փախչին: Յովսէփ Մարիամը և նորածին մանուկը առաւ ու գիշերանց Եղիպտաս փախաւ և հոն մնաց մինչեւ Հերովդէսի մահը: Ապա վերագրածաւ Պաղեստին և բնակեցաւ Նազարէթ քաղաքը, որով մանուկը մեծնալով կոչուեցաւ «Յիսուս Նազովրեցի»:

Դ.—Յիսուսի բառասնօրեայ տաճար բերուիլը:
Յիսուս, ըստ հրէից սովորութեան, իր ծննդեան ուժերորդ օրը թլփատուեցաւ և քառասներորդ օրը Տաճար բերուեցաւ Աստուծոյ ներկայանալու համար: Ըստ Մովսիսական օրէնքին ամէն անդրանիկ զաւակ Աստուծոյ կը նուիրուէր: Նորածինին ծնողքը այս պարագայն ընծայ կուտային Աստուծոյ Տաճարին: Հարուստները գառնուկ մը, իսկ աղքատները զոյգ մը տատրակ և կամ աղաւնիի երկու ձագ կը նուիրէին: Յիսուսի ծնողքը աղքատ ըլլալով աղաւնիի երկու ձագ ընծայ ըրին Տաճարին:

Այն ատեն Տաճարին մէջ Սիմէոն անունով



7.— ՄՈԳԵՐՈՒ ԵՐԿՐՈԱԳՈՒԹԻՒՆԸ

ծերունի մը կար որ անձկանօք կը սպասէր
Մեսիայի ծննդեան, երբ տեսաւ մանուկը շատ-
ուրախացաւ և Աստուծոյ գոհութիւն յայտնեց ։
Նոյնպէս տաճարին մէջ Աննա անունով ութ-
ունչօրս տարեկան կին մարդարէ մըն առ
կ'ապրէր, այն առ չնորհակալութիւն յայտնեց.
Աստուծոյ այս առթիւ :

Ե.— Եղբակացուրիւն:

1. Յիսուսի ծնունդը տեղի ունեցաւ հա-
մեսա պայմաններու ներքեւ բայց այսօր ա-
նոր յիշատակը քրիստոնէից մեծագոյն տօներէն-
մին է: Մեծ ըլլալու համար պայման չէ հա-
րուսա ապարանքներու մէջ ծնիլ:

2. Արեւելեան երկիրներէ եկած մոգերը
Յիսուսի նուէրներ տուեն: Աստուծոյ համար-
լաւագոյն նուէրը ստկայն մեր սիրտն է: Ամէն-
մանուկ կընայ իր սիրտը Յիսուսի նուիրել:

3. Հերովզէս շատ մը անմեղ մանուկներ-
ապրելու իրաւունքէն զրկեց, պարզապէս իր-
կիրքերուն յազեցում տալու համար: Նախանձ
ատելութիւն և վրէժինդրութիւն միշտ աւեր-
ներ գործած են:

4. Յիսուս՝ իր քառասունքին առթիւ տա-
ճարի մէջ Աստուծոյ ներկայացաւ, և երբ մեծ-
ցաւ ինքզինքը նուիրեց Աստուծոյ ծրագիրնե-
րուն իրագործման: Արգարութիւնը և ճշմար-
տութիւնը սիրով ամէն անհատ նմանապէս
Աստուծոյ գործակիցն է այս աշխարհի մէջ:

Պ Ա Ս Գ.

ՅԻՍՈՒՍԻ
ՄԱՆԿՈՒԹԵԱՆ


ՈՒ ԵՐԻՑԱՍՍՐԴՈՒԹԵԱՆ ՇՐՋԱՆԲ

(ՄԱՏԹ. Բ. 19-23, ՄԱՐԿ. Զ. 3, ՂՈՒԿ. Բ. 39-52)

Ա.— Յիսուսի ընտանեկան միջավայրը:
Երբ Յիսուսի ծնողքը եղիպտոս փախան,
առարի մը չանցած վերադարձան Պաղեստին
և հաստատուեցան Նազարէթ քաղաքը։ Քան
զի Հերովդէս այլեւս մեռած էր։

Յիսուսի մայրը Մարիամ Դաւիթի ցեղէն՝
և բարեպաշտական ազնիւ զգացումներով առագործած մէկն էր։ Խոկ Յովհէփ նոյնազէն,
քստ Աւետարանի վկայութեան։ բարի և արդար մարդ մըն էր։ Յիսուս իր մանկութիւնը
անցուց այս բարեպաշտ ընտանիքի մաքուր
մթնոլորտին մէջ։ Ամէն օր Յիսուս իր մօրը
խնամքին տակ կը մեծնար աստուածպաշտուածեան ազնիւ զգացումներու ներշնչումներուն
ներքեւ։

Հստ հրէից սովորութեան, ամէն տարի
Յիսուսի ծնողքը զատկին երուսաղէմ կ'երաժային և Յիսուս ալ կ'ընկերանար անոնց։ Օր մը, երբ Յիսուս տասներկու տարեկան էր, եւ քուսաղէմէն Նազարէթ վերադարձին կորսընցուցին զինքը, բայց բաւական փնտուելէ վեր-



8.— ԵԳԻՊԵՏՈՍ ՓԱԽՈՒԱԾԸ

Չը գտան տաճարին մէջ երբ կը խօսէր հրեայ
վարդապետներու հետ , և կը զարմանալին ա-
նոր տոււած իմաստուն պատասխաններուն վը-
րայ :

Բ.—Կրուքիւնը:

Յիսուս գրել կարգալ գիտէր (Ղուկ . Դ .
17 : Յովհ . թ . 6) և Հին Աւետը լաւ սորված
էր : Հրեաները մինչեւ եօթը տարեկան իրենց
զաւակներուն բերանացի կը սորվեցնէին Բ .
Օրինաց Զ . 4 . ը և ուրիշ կարեւոր խօսքերը :
Ապա եօթը տարեկանին սինակոկ կը զրկէին :
Սինակոկին մէջ անոնք կ'ուսանէին Առակաց
և Սաղմոսաց գրքերէն կարեւոր հատուածներ
և Մովսէսի օրէնքներն ու մարդարէից խօս-
քերը : Շատ հաւանական է Յիսուս իր մօրմէն
առաջին անգամ սորվեցաւ Բ . Օրինաց Զ . գը-
լուխի 4 -րդ համարը և ապա Նազարէթի հրէից
սինակոկին մէջ ճոխացուց իր հմտութեան պա-
շարը :

Յիսուս քանի⁹ լեզու կը խօսէր , Աւետա-
րանը որոց տեղեկութիւն չի տար այս մասին :
Յունարէն ուսած ըլլալը թէեւ քիչ մը տարա-
կուսելի է բայց Արամերէն ու Եբրայեցերէն
լեզուները գիտնալը հաւանականութենէ հե-
ռու չէ : Արամերէն՝ այդ օրերուն Պաղեստինի
մէջ գործածուած գաւառաբարբառը ըլլալուն՝
արգէն Յիսուսի մայրենի լեզուն էր : Իսկ Եր-



բայեցերէնը, որպէս հրէից սրբազան լեզուն և կրօնական գրականութեան պաշտօնական բարբառը, Յիսուսի համար օտար լեզու մէջէր:

Հին կտակարանը շատ քիչ բացառութեամբ ամբողջովին երրայեցերէն գրուած է Մովսէսի Օրէնքը, Սաղմոսը և Մարգարէից գիրքերը սերտող մէկը երրայեցերէնի ալ կը տեղեկանար բնական կերպով:

Գ.—Պատանեկութեան ամեն զբաղումը:

Յիսուս երեսուն տարեկան հասակին մէջ սկսաւ իր հանրային պաշտօնավարութեան, բայց մինչեւ երեսուն տարեկան ըլլալը ի՞նչ գործով կը զբազէր, որոշ բան մը չենք գիտեր այս ուղղութեամբ: Մանկութեան Աւետարանները թէեւ կարգ մը արհեստներու հետեւած ըլլալը կը յիշեն, սակայն անոնք վաւերական ազբիւրներ նկատուած չեն Քրիստոնէական եկեղեցին կողմէ: Աւետարանը Յիսուսը հիւսնի որդի և կամ հիւսն կը նկատէ (Մարկ. 9. 3):

Հին ատեն հրեանները պարտականութիւն կը համարէին իրենց զաւակներուն արհեստ սորվեցնել, և քանի որ Յովսէփին ալ արհեստը հիւսնութիւն էր, ուստի Յիսուսի հիւսնութեամբ զբազած ըլլալը շատ բնական էր:

Յիսուսի հանրային պաշտօնավարութեան



9.—ՅԻՍՈՒՍԻ ՄԱՆԿՈՒԹԻՒՆԸ

շրջանին Մարիամի անունը կը յիշուի յաճախ
բայց Յովսէփի չի յիշուիր։ Ասիկա ցոյց կուտայ
թէ Յովսէփ մեռած էր Յիսուսի երեսուն տա-
րեկան ըլլալէն առաջ։ Եւ Յիսուս հիւսնութիւն
ընելավթէ իր և թէ մօրը ապրուստը կը հո-
գար։

Դ. — Իր առաքելուքեան համար պատրա-
սուրիւնը։

Հրեից մէջ սովորութիւն կար որ բարբինե-
րը ընդհանրապէս մինչեւ երեսուն տարեկան
կը պատրաստուէլին և ապա կը ձեռնարկէլին
իրենց պաշտօնին։ Յովհաննէս Մկրտիչ այսպէս
ըրաւ։ Նոյնը ըրաւ նաեւ Յիսուս։

Այս երեսուն տարիներու ընթացքին Յի-
սուս թէ իր ընտանիքին՝ և թէ Նազարէթ քա-
ղաքի սինակոկին մէջ, մէկ կողմէն օր ըստ օ-
րէ կը տեղեկանար Հին Ռւխտին, իսկ միւս
կողմէն Նազարէթ քաղաքի անաղմուկ, բնա-
կան, պարզ և ներշնչող մժնոլորտին ներքեւ
Աստուծոյ հետ մտերմական ու խորունկ յա-
րաբերութիւն կը մշակէր։

Ուստի Յիսուսի պատրաստութիւնը իր
պաշտօնին համար խմացական ըլլալէ շատ տ-
ևլի հոգեւոր էր։ Հոգեւոր իրականութիւն-
ներու հանդէպ Յիսուս ունէր պայծառ տեսիլ
և յստակ ըմբռնում։

Ե.— Եղբակացուրիւն:


1. Յիսուս իր ընտանիքին մէջ, մօրը ձեռքին տակ, ներչնչուեցաւ կրօնի բարձր խոհաններով։ Բնտանիքի մը տուած նախնական կրթութիւնը նախախնամական գեր կը կատարէ մանկան կեանքին մէջ։

2. Յիսուս կեանքի ասպարէզը մանելէ առաջ պատրաստութիւն պարականութիւն նը-կատեց։ Պաշտօնեայ մը շատ անգամ կը ձա-խողի իր զործին մէջ երբ մասնագիտական ու-սումով մը պատրաստուած չէ իր պաշտօնին համար։

3. Յիսուս իր արհեստաւոր ըլլալը իրեն նուաստութիւն չսեպեց։ Զրադումը սուրբ է, ծուլութիւնն է որ պախարակելի է, թէ Աս-տուծոյ և թէ մարդոց առջեւ։ Պօղոս առաք-եալ ալ վրանագործութիւն ընելով կը ճարէր իր ապրուսաը։

4. Յիսուս իմացական պատրաստութիւնը բաւարար չհամարեց իր պաշտօնին համար։ Ուստի հոգեւոր պատրաստութեան՝ իմացա-կանէն շատ աւելի կարեւորութիւն ընծայեց։

Ուսումը, առանց նկարագրի, մանկան ձեռքը արուած սուրածելիի մը կը նմանի, զիսո կը հասցնէ աւելի՝ քան թէ օգուտ։



ԴԱՍ Գ.

ՅԻՍՈՒՍԻ ՄԿՐՏՈՒԹԻՒՆՆ ՈՒ ՍԱՏԱՆԱՅԵ

ՓՈՐՁՈՒԻԼԻ

(ՄԱՏԹ. Գ. 13-17, Գ. 1-12; ՄՈ.ԹԿ. Ա. 9-14.

ՂՈՒԿ. Գ. 21-22, Գ. 1-14)

Ա.— Յիսուսի մկրտութիւնը:

Երբ Յիսուս երեսուն տարեկան եղաւ Յորդանան գետը ևկաւ և ուրիշներու կարգին մկրտուեցաւ Յովհաննէսէն: Յովհաննէս արգիլեց զինքը ու ըսաւ. «Ինձի պէտք է որ քեզմէ մկրտուիմ, ու գուն ինձի՝ կուգաս»: Յիսուս պատասխան տուաւ և ըսաւ. «Թող տուր հիմտ վասն զի այսպէս կը վայելէ մեզի որ բոլոր արգարութիւնը կատարուի»: Ետքը թող տուաւ անոր:

Երբ Յիսուս մկրտուեցաւ և ջուրէն դուրս ելաւ, երկինքէն Աստուծոյ հոգին աղաւնաւ կերպ իր վրայ իջաւ, և Աստուծ վկայեց վերէն ու ըսաւ. «Այս է իմ սիրելի որդիս, որուն հաւներ եմ»:

Բ.— Յիսուսի տռաջին փորձութիւնը անօրութեան շուրջ էր (Մատթ. Գ. 3):


Անիկա տակաւին իր հանրային պաշտօնին չձեռնարկած, մկրտութենէն անմիջապէս վեր-

ջը, Յուդայի անտապատին մէջ առանձնացաւ և քառասուն օր ու քառասուն գիշեր պահեցողութեամբ և աղօթքով անցուց ժամանակ։ Հրէից մէջ սովորութիւն էր կրօնի ուսուցիչներուն համար հանրային պաշտօնի չոկած առանձնանալ և կրօնական խոկումներով ըգբաղիւ, ինչպէս Յովհաննէս Մկրտիչ ալ ըրած էր։

Երբ քառասուն օրերը լմնցան Յիսուս անօթեցաւ և փորձիչը առիթէն օգտուելով մօտեցաւ անոր և ըսաւ, իրա՛ւ, եթէ դուն Աստուծոյ որդին ես, այս քարերուն ըսէ որ հացի վերածութիւն և անօթութիւնդ անցնի։ Յիսուս պատասխան տուաւ և ըսաւ, զրուած է (Բ. Օրինաց 1. 3) թէ «ոչ միայն հացով կ'ապրի մարդ, հապա այն ամէն խօսքերով որ Աստուծոյ բերնէն կ'ելեն»։ Փորձիչը պարտուեցաւ։

Գ.— Յիսուսի երկրորդ փորձուքիւնը փառամօլուքեան նկատմամբ էր (Մաքր. Պ. 5-6):

Սատանան զինքը երուսաղէմի աշտարակին վրայ տարաւ և ըսաւ, «Իրա՛ւ, եթէ դուն Աստուծոյ որդին ես, ինքզինքդ այս տեղէն վար ձգէ և հրեշտակներ կուգան և քեզ կը պաշտպանեն իրենց թեւերուն մէջ»։ Յիսուս ըսաւ, զրուած է (Բ. Օրինաց Զ. 16) թէ «Քու Տէր Աստուծուածդ չփորձես»։ Փորձիչը կրկին պարտուեցաւ։



Գ.— Յիսուսի երրորդ փորձութիւնը շահամոլութեան մասին եւ (Մաքր. Պ. 8-9):

Փօրձիչը երբ երկու անգամ ձախողեցաւ չյուսահատեցաւ, երրորդ անգամ՝ ուրիշ կերպով փորձեց։ Տարաւ զինքը բարձր լերան մը վրայ և ցոյց տուաւ իրեն աշխարհի բոլոր թագաւորութիւններն ու անոնց պերճանքը և ըստաւ, «Ասոր ամէնը քեզի կուտամ», պայմանաւ որ խոնարհիս և ինծի երկրպագութիւնը ընես»։ Յիսուս ի պատասխան ասոր ըստաւ, «Ետիս գնա Սատանայ, վասն զի գըուած է (Բ. Օրինաց Զ. 13) թէ քու Տէր Աստուծոյդ երկրպագութիւն ընես, ու միայն զանիկապաշտես»։ Փօրձիչը դարձեալ չարաչար պարտուեցաւ։ Բայց այս անգամ յուսահատած՝ ձգեց զանիկա, զէթ ժամանակի մը համար, և հեռացաւ անկէ։

Ե.— Եզրակացութիւն։

1. Երբ Յիսուս մկրտուեցաւ Աստուծ երկինքէն ձայն տալով, «Այս է իմ սիրելի որդիս, որուն հաւներ եմ» ըստաւ և հաստատեց անոր առաքելութեան պաշտօնը, և գնահատեց անոր ուզիդ ընթացքը։ Մարդոց կողմէ գովուիլ լաւ է, բայց Աստուծոյ գնահատութեան արժանանալ կը բարձրացնէ մեր նկարագիրը։

2. Յիսուս կրցաւ փորձութեան տոկալ, անոր համար որ պահեցողութեամբ, աղօթ-

քով և կրօնական խորհրդածութիւններով առանձնութեան մէջ ուժովցուց իր հոգին։ Պահեցողութիւնը և ամէն օր կանոնաւոր կերպով Ս. Գրոց ընթերցումն ու աղօթքը մեղ Աստուծոյ աւելի մօտեցնելով կը զօրացնեն մեր բարոյական ոյժն ու կորովը։

3. Յիսուս Հին Կտակարանը շատ լաւ ուսած էր, և փորձութեան պարագալին Ս. Գրոց խօսքերով է որ գիմազրեց փորձիչին։ Կրօնի գասը և Ս. Գրոց ուսումը շատ կարեւոր է ամէն մէկ երիտասարդի համար որ տոկունուքարձր նկարագիր կազմելու կը ջանայ։

4. Փորձիչը Յիսուսի վրայ յարձակեցաւ ամենէն առաջ անոր տկար կողմը գտնելով, անոր անօթութենէն օգտուելով։ Որպէս զի փորձիչը մեր վրայ յալթանակ չտանի արթուն ըլլալ և զգուշանալ պէտք է բարոյական տկարութիւններէ։ Հիւանդութիւններն ալ շատ անգամ մեր տկար կողմերէն կը սկսին։



Գ Ա Ս Յ Ե .

Վ Ե Բ Ա Ք Ա Պ .

(Հ Ա Ր Յ Ո Ւ Մ Ն Ե Բ)

Գ Ա Ս Յ Ա .

1. Պատմէ՛ Յովհաննէս Մկրտչի ծնունդը :
2. Յովհաննէսի ապրելակերպը լինչպէս էր : Որո՞նք էին խոսէնեանները և լինչ կ'ընէլն :
3. Յովհաննէս լինչ ծառայութիւն ըրաւ Քրիստոնէութեան իբր նախակարապետ :
4. Յովհաննէսի և քրիստոնէից մկրտութեան միջեւ լինչ էական տարբերութիւն կար :
5. Պատմէ՛ Յովհաննէսին մահը , լինչո՞ւ գլխատուեցաւ :

Գ Ա Ս Յ Բ .

6. Յիսուսի ծնունդը ո՞ւր տեղի ունեցաւ Նազարէթի թէ Բեթղեհէմ , ինչո՞ւ :
7. Մեր գրկչական ներկայ թուականը շիտակէ :
8. Որո՞նք էին արեւելքէն Երուսաղէմ եւ կող մոգերը , ինչո՞ւ եկան և լինչ նուեր տըւին Յիսուս մանուկին :
9. Բեթղեհէմի մանուկները լինչո՞ւ ջարգուեցան , ո՞վ տուաւ ջարդի հրամանը :

10. Պատմէ՛ քառասունքի առթիւ Յիսուսի
Տաճար բերուիլը։ Ասիկա հրէական ի՞նչ ոռ-
վորութեան արդիւնք էր։ Սիմէսն ծերունի և
Աննա մարդարէ որո՞նք էին։

Դ. Ա. Ա. Գ.

11. Ի՞նչպէս էր Յիսուսի ընտանեկան միւ-
շավալը, և երբ Յիսուս տաներկու տարե-
կան էր ու կորսուեցաւ երուսաղէմի մէջ, ձը-
մողքը զինքը ո՞ւր գտան։

12. Յիսուս ո՞ւր առաւ իր ուսումը։

13. Քանի՛ լեզու կը կարծուի թէ գիտէր։

14. Յիսուս պատանեկութեան ատեն ի՞նչ
արհեստի հետեւեցաւ։

15. Յիսուս երեսուն տարեկան ըլլալէ աւ-
սաջ իր գործին համար քանի՛ ուղղութեամբ
պատրաստուեցաւ։

Դ. Ա. Ա. Գ.

16. Նկարագրէ՛ Յիսուսի մկրտութեան պա-
տագաները։

17. Յիսուսի առաջին փորձութիւնը ի՞նչ
խնդրոյ շուրջ էր, ո՞վ զինքը փորձեց։

18. Երկրորդ փորձութիւնը ի՞նչ էր։

19. Պատմէ՛ Յիսուսի երրորդ փորձութիւնը։

20. Յիսուս փորձութեան ի՞նչո՞վ կրցաւ
պաղթէւ։

ՄԱՍՆ ԵՐԿՐՈՐԴ

ՅԻՍՈՒՍԻ ՀԱՆՐԱՅԻՆ
ՊԱՇՏՕՆԱՎԱՐՈՒԹԻՒՆՆ ՈՒ ՀԻՄՆԱԿԱՆ
ՈՒՍՈՒՑՈՒՄՆԵՐԸ

Դ. Ա. Ա. Գ.

ՅԻՍՈՒՍԻ ՊԱՇՏՕՆԻ ԽԲՔԵՒ ՄԵՍԻՆ

(Ո.Ա. Գ. 16-24: ՅՈՒ.Հ. Ե. 30-47)

Ա. — Մեսիական ակնկալուրիւնը նրեից
պատմութեան մէջ։

Երբ Խորայէլի թագաւորութիւնը կործա-
նեցաւ և Դաւիթի գահը տապալեցաւ, Խորա-
յէլի ժողովուրդը կ'ակնկալէր թէ օր մը Աս-
տուած իրենց նոր ազատարար մը պլատի զրկէ-
որ, իբրեւ ազգային հերոս, պիտի վերահսո-
տատէ Դաւիթի գահը։ Այս ազատարարը, ու-
ժիշ խօսքով, հրէից ազգային Մեսիան, երբ
վերականգնէր Դաւիթի ինկած գահը, արդա-
րութեան հիման վրայ թագաւորութիւն մը
պիտի հիմնէր, որ հրեայ ժողովուրդին միջո-
ցաւ պիտի տարածուէր ամբողջ աշխարհի վը-
ցայ։ Խորայէլի ակնկալած մարդկութեան սոյն

ոսկեգարը Մեսիային աշխարհ դալովը պիտի
իրականանար :

Մեսիական այս ակնկալութիւնը հրեայ
հասարակութեան մտքին ու երեւակայոււ-
թեան մէջ աւելի զօրացաւ Բաբելոնի զերու-
թեան շրջանին : Եզեկիէլ մարգարէ քաջալե-
րեց ժողովուրգին այս ակնկալութիւնը իր ը-
րած մարգարէական գուշակութիւններով : Ա-
պա ժամանակի ընթացքին այս ակնկալութիւ-
նը այնքան պայծառացաւ հրէից մտքին մէջ
որ Յիսուսի ժամանակ այլ եւս տմէն վար-
կեան Մեսիայի գալուստին կը սպասէին ան-
համբեր :

Բ.— Մեսիայի նկատմամբ Յիսուսի ժամա-
նակակից նրեաներուն լիբունումը:

Երբ Յիսուս ծնաւ՝ Հրէաստան Հոսվմի-
պետութեան գերիշխանութեան ներքեւ էր ։
Հրեաները այնպիսի Մեսիա մը կ'ակնկալէին
որ Հոսվմի պետութեան գէմ իսկոյն պարզէր
ապստամբութեան զրօշակը և տար իրենց ազ-
գային անկախութիւն :

Յիսուսի ժամանակակից հրեաներ այսպէտ
Մեսիայի պաշտօնը կ'ըմբոնէին քաղաքական
իմաստով : Եւ երբ տեսան որ Յիսուս զոհա-
ցում չտուաւ իրենց ազգային բազմանքներուն
և քաղաքական ծրագիրներուն՝ յուստիսար ե-
ղան և սկսան գայն հալածել :

Գ.— Մեսիայի իսկական կոչումը:

Գալիք Մեսիային խսկական կոչումը սա-
կայն կրօնական էր : Ելտակ է թէ անփկա ժո-
ղովուրգը պիտի աղասէր, բայց ո՛չ թէ Հոռկ-
մի զերիշխանութենէն, հապա մեղքի տիրա-
պետութենէն : Իրաւ է թէ անփկա թագաւու-
րութիւն մը պիտի հիմնէր, սակայն այդ ո՛չ
թէ քաղաքական այլ հոգեւոր թագաւորու-
թիւն մը պիտի ըլլար, տիեզերական եղբայ-
րակցութեան հիման վրայ հաստատուած :

Այս թագաւորութիւնը, ուրիշ բառերով,
պիտի կոչուէր երկնից թագաւորութիւն և
կամ Սոսուծոյ թագաւորութիւն : Աստուած
մարգոց հայրը պիտի ըլլար այս թագաւորու-
թեան մէջ, և մարդիկ իրարու եղբայրներ ու
քոյլեր պիտի նկատուէին : Այնպէս որ այս
թագաւորութեան միջոցաւ աշխարհի վրայ
տեսակ մը ընկերական նոր զբութիւն մը պի-
տի հաստատուէր, փութացնելու համար մար-
գոց երջանկութեան ոսկեգարը : Այս էր ահա-
շասիկ Մեսիայի իսկական կոչումը :

Դ.— Յիսուսի կարծիքը այս մասին:

Յիսուս իր ժամանակի հրեայ ժողովուր-
գին պէս քաղաքական չէր նկատեր Մեսիայի
կոչումը : Ինքը կը հաւատար թէ Մեսիայի ա-
ռաքելութիւնը զուա հոգեւոր էր և քաղաքա-
կան հարցով զբաղել անոր կոչումին կը հա-


Կառէր բացարձակապէս :

Օր մը հրեաները կ'ուզէին Յիսուսը թագաւոր ընել, բայց ինքը չուզեց և անոնց քովէն փախաւ ու լեռը առանձնացաւ (Յովհ. 9. 14-15): Քանզի այս բանը իր հոգեւոր կոչումին չէր համապատասխաներ: Պիղասոս երբ Յիսուսը կը գատէր հարցուց անոր թէ, «Դուն թագաւո՞ր ես», Յիսուս ընդունեց թէ ինքը թագաւոր է և թագաւորութիւն հիմնելու համար ալ աշխարհ եկած է, ոակայն յայտարարեց միանգամայն թէ իր թագաւորութիւնը այս աշխարհէն չէ (Յովհ. ԺԲ. 33-38):

Յիսուս Մեսիական այս կոչումը իր փոքր հասակէն խոկ կը զգար իր մէջ, և քանի ինքը տարիքով կը մեծնար այս գիտակցութիւնը իր մէջ այնքան կը զօրանար ու կը խորունինար: Եւ այսպէս Յիսուս ներքնապէս գիտակցելով իր պաշտօնին երեսուն տարեկան հասակին գործի ասպարէզը իջաւ և իրադործեց այս կոչումը, իր կեանքին խոկ գնովը:

Ե.— Եզրակացուքիւն:

1. Մեսիական ակնկալութեան յոյսը հըմէից ազգային գիտակցութիւնը կենդանի պահեց պատմութեան ընթացքին: Յոյսը կեանք է: Ազգ մը որ ապրելու յոյսը կը կորունցնէ չի կրնար պահպանել իր գոյութիւնը: 2. Յիսուսի ժամանակակից հրեաներ կրօն-



13.— ՅԻՍՈՒՍ ԵՒ ՍԱՄԱՐԱՅԻ ԿԻՆԸ

քի հոգին կորսնցուցած միայն անոր արտաքին-
ձեւերը կը պաշտէին։ Հետեւաբար Մեսիայէն-
եւս կ'ակնկալէին որ նիւթական իմաստով թա-
գաւոր մը ըլլար ան իրենց վրայ և իրենց տար-
քաղաքական անկախութիւն։

3. Մեսիայի խոկական պաշտօնը հոգեւոր
էր։ Հրեաներ սակայն չկրցան ըմբռնել ասիկա-
և ուստի չօգտուեցան Յիսուսի աշխարհ բե-
րած բարիքներէն։

4. Յիսուս ինչ առաքելութեան համար որ-
աշխարհ զրկուած էր զայն կատարեց լիովին-
և խղճի մոռք։ Իր կոչումէն չշեղեցաւ և իր-
կոչումէն դուրս բաներով չզբաղեցաւ։



ՊԱՍ

ՅԻՍՈՒԽԵԼ ԱՌԱՎԵԱԼՆԵՐԸ

(ՄԱՏԹ. Ֆ. 2-4; ՄԱՐԿ. 9. 13-19; ՂՈՒԿ. 2. 12-16)

Ա. — Հին ատենուան փրոփականքի միջոցները:

Մարդիկ հին ատեն կրօնք տարածելու և կամ գաղափար մը սփռելու համար այս օրուան գիւրութիւնները չունէին: Մամուլ չը կար, թերթ չէր հրատարակուեր, հեռագիր, հեռածայն, ձայնասփիւռ անծանօթ բաներ էին: Երթեւեկութիւնը դժուար էր, կանոնաւոր գպրոցներ գոյութիւն չունէին: Ուստի գաղափար մը տարածելու համար մարդիկ ասզին անդին դասախոսութիւններ միայն կըրանալին տալ, և կամ մի քանի աշակերտներ կըթեւով անոնց միջոցաւ իրենց գաղափարները կը տարածէին:

Սոկրատ Յունաստանի մէջ իր փիլիսոփայական տեսակէտները ժողովուրդին մէջ տարածելու համար թերթ չունէր իր ձեռքին տակ, և ոչ ալ գիրք մը գրեց, այլ իր աշակերտներուն միջոցաւ տարածուեցան իր գաղափարները: Յովհաննէս Մկրտիչ ունէր իր աշակերտները՝ տարածելու համար իր ուսուցումները: Նմանապէս Յիսուս ալ հետեւելով

իր ժամանակին տիրող սովորութեան, տունէ տուն, գիւղէ գիւղ և քաղաքէ քաղաք կը շրջէր և կը քարոզէր ու միանգամայն աշակերտներ ընտրելով անոնց կ'ուսուցանէր իր վարդապետութիւնները:

Բ. — Առաքեալները ընտելէ առաջ Յիսուս աղօթեց լեռան վրայ:

Երբ Յիսուս իր հանրային պաշտօնին ձեռնարկեց, իր հետեւորդներուն և համակիրներուն մէջէն աշակերտներ ընտրեց և զանոնք առաքեալ անուանեց: Բայց այս ընտրութիւնը ընելէ առաջ կափանայումի լեռը եղաւ. առանձնացաւ և ամբողջ գիշերը աղօթքով և խոկումով անցուց (Ղուկ. Զ. 12), մեզի սորվեցնելու համար թէ մեր որոշումները չտուած աղօթքով Աստուծմէ օգնութիւն պէտք է ինպրենք:

Երբ առատու եղաւ, լեռնէն վար իջաւ և լուկոյն կատարեց առաքեալներու ընտրութիւնը:

Գ. — Առաքեալներու թիւը:

Յիսուսի առաքեալները թուով տասներկու էին, սրոնք կը ներկայացնէին Խորայէլի տասներկու ցեղերը:

1. Պետրոս,
 2. Անդրէաս,
 3. Յակովոս,
 4. Յովհաննէս,
 5. Փիլիպպոս,
 6. Բարթողիւս.
- Պրմ. Նոր Ո-իւն

մէսս (Նաթանայէլ), 7. Մատթէոս, 8. Թովմաս, 9. Յակովոս Ալփեայ, 10. Սիմոն Նախանձայոյլ (Կանանացի), 11. Յուղա Յակովոսս (Թագէսս) և 12. Յուղա Իոկարիովացի (Ղուկ. Զ. 14-16):

Յիսուս այս տասներկու առաքեալներէն զատ ունէր նաև եօթանասուն երկու^(*) համալ աշակերտներ (Ղուկ. Ժ. 1):

Դ.— Առաքեալներու պահօնը:

Առաքեալները աւելի քան երեք տարի ապրեցան անոր հետ, կերան ու խմեցին, և անոր ձեռքին տակ Աստուծոյ թագաւորութեան վերաբերեալ հարցերու չուրջ գաստիարակուեցան: Մանաւանդ անոր կեանքին ներշընչուեցան խորապէս:

Առաքեալներուն պաշտօնն էր ուսուի 1. Յիսուսէն ինչ որ սորված էին զայն ուսուցանել ժողովութիւն: 2. Աստուծոյ թագաւորութեան մասին տեղեկութիւն տալ մարդոց: 3. Հիւանդները բժշկել: 4. Եւ Յիսուսի հաշափառ յարութեան վկաներ հանգիսանալ:

Ե.— Եզրակացութիւն:

1. Հին ատեն մարդիկ եթէ փրսփականտե-

անձուկ միջոցներով կը յաջողէին իրենց գաղափարները տարածել, ո՞րքան աւելի ներկայ մարդկութիւնը պարտաւոր է արդի ճօխ միջոցներով շինիչ և օգտակար սկզբունքներ տարածել ժողովուրդին մէջ:

2. Յիսուսի ովորաւթիւնն էր աղօթել և ապա կատարել իր ընտրութիւնները: Եթէ Աստուծագործին Յիսուս աղօթքի պէտքը զգաց իր ընտրութիւնները ընելու համար, մենք ո՞րքան աւելի պարտաւոր ենք մեր ընտրութիւնները ընելէ առաջ Աստուծոյ օգնութիւնը խնդրել, սխալներէ զգուշանալու համար:

3. Յիսուս կրցաւ այնպէս կրթել իր աշակերտները որ անսնք իւրացուցին իր հոգին: Ամենամեծ քարոզութիւնը Յիսուսի հասցուցած աշակերտները եղան քրիստոնէութեան համար:

4. Առաքեալներու պաշտօնն էր Աւետարանի սկզբունքները նախ ապրիլ և ապա քարոզել մարդոց: Նոյնպէս ամէն բարի քրիստոնեացի համար նույիրական պարտականութիւն է կրօնի բարձր սկզբունքները ապրիլ և տարածել ժողովուրդին մէջ:

(*) Տե՛ս գրաբար քարզմանութիւնը: Աշխարհաբարի մէջ եօթանասուն քարզմանուած է:

ՊԱՍ Հ.

ՅԻՍՈՒՍԻ ՀԻՄՆԱԿԱՆ ՎԱՐԴԱՊԵՏՈՒԹԻՒՆՆԵՐԻ


(ՄԱՏ. Զ. 10: ՂՈՒԿ. ԺԱ. 2: ՅՈՎ. Հ. 17:
ՄԱՏ. Գ. 23; ՄԱՐԿ. Ա. 14-15: ՂՈՒԿ. Գ. 44)

Ա. — Յիսուսի ուսուցման մերուր կը տարբերէր իրեն ժամանակակից բաբելոներու մերուսկն:

Դպիրները և Յիսուսի ժամանակակից կը քառնի ուսուցիչները՝ ինչ որ իրենց նախնիքներէն սորված էին, թութակի պէս կը կրկնէին, և կ'ուսուցանէին իրենց նախահայրերուն հեղինակութեանց վրայ կոթնելով. իսկ Յիսուսինչ որ ուսած էր՝ իր կրօնական փորձառութենէն անցնելով կը սորվեցնէր, իր իսկ հեղինակութեամբը:

Անոնք իրենց շեշտը ընդհանրապէս բացասական պատուէրներու վրայ կը գնէին և կ'ըսէին մի՛ սպաններ, մի գողնար, մի սուտ վկայեր և այլն: Բայց Յիսուս զբական մեթոսով կ'ուսուցանէր և կ'ըսէր. ըսէ՛ք, եղէք, սիրեցէք և այլն: Բաբելոները օրէնք կը սորվեցնէին իսկ Յիսուս սկզբունք կ'ուսուցանէր:

Ահա այս էր պատճառը որ «կը զարմանացին անոր վարդապետութեանը վրայ, վասնզի իշխանութիւն ունեցողի մը պէս կը սորվեցընէր» (Մարկ. Ա. 22):



14.— ՅԻՍՈՒՍ Կ'ՈՒՍՈՒՑԱՆ ԺՈՂՈՎՈՒՐԴԻՆ

Բ.— Յիսուս երկու հիմնական վարդապետոքիւններ ունեն, որոնցմէ մին էր Ասուծոյ հայրութիւնը:

Իրմէ առաջ թէեւ հրեայ բարբիներն առ զԱստուած հայր կը գաւանէին, բայց ոչ թէ անհատին՝ հապա հրեայ ցեղին հայրը կը համարէին։ Յիսուս Աստուծոյ հայրութիւնը բոլորովին նոր իմաստով կ'ըմբռնէր։ Էստ Յիսուսի վարդապետութեան, Աստուած ոչ թէ Խորայէլի ցեղին՝ հապա ամէն մէկ անհատի հայրն էր։

Յիսուսի իր աշակերտներուն սորվեցուցած Տէրունական աղօթքը «Հայր մեր» բառերով կը սկսի (Մատթ. ۶. ۱۰)։ Ասով Յիսուս մեղի ցոյց կուտայ թէ Աստուած հայրն է մարդոց և մարդիկ, որպէս Աստուծոյ գաւակները, իրարու եղբայրներ և քոյլեր են։ Ուրիշ առիթով մը Յիսուս ըստաւ. «Կատարեալ եղէք ինչպէս ձեր երկնաւոր Հայրը կատարեալ է» (Մատթ. ۶. ۴۸)։ Այս խօսքով նոյնպէս Յիսուս մեղի ըստեւ կ'ուզէ թէ Աստուած մեր հայրն է և մենք պէտք է անոր նմանինք և անոր պէս կատարեալ ըլլանք։

Յիսուս երբ կ'աղօթէր հայր կը կոչէր զԱստուած (Յովհ. Ժի. ۱, ۵. 11, 21, 24 և 25)։

Գ.— Յիսուսի երկրորդ վարդապետոքիւնն էր Ասուծոյ բագաւորութիւնը:

Երբ Յովհաննէս Մկրտիչ քարողելու ըոկըսաւ, «Աստուծոյ թագաւորութիւնը մօտեցածէ» ըստ (Մատթ. Գ. 1-2): Երբ Յիսուս սկսաւ քարողելու անիկա ալ նոյնպէս ըստ . «Աստուծոյ թագաւորութիւնը մօտեցածէ» (Մատթ. Գ. 17), «Ահա Աստուծոյ թագաւորութիւնը ձեր ներսիցին է» (Ղուկ. Ժ. 21), «Չեր հայրը հաճեցաւ որ թագաւորութիւնը ձեզի տայ» (Ղուկ. Ժ. 32):

Յիսուսի կարծիքով Աստուծած իբրեւ հայր՝ հոգեւոր թագաւոր մըն էր և մարդիկ այս թագաւորութեան մէջ մէկ անգամներն էին:

Այս թագաւորութեան քարողութիւնովը մարդոց դիտակցութեան մէջ պիտի մշակուէթ տիեզերական եղբայրակցութեան գաղափարը: Եւ մարդիկ պիտի առրէին իրարու հետ իբրեւ եղբայրներ և քոյրեր: Յիսուս որպէս Մեսիա աշխարհ եկած էր հիմնելու համար այս թագաւորութիւնը (Յովհ. Ժ. 37: Ղուկ. Դ. 44):

Գ.— Յիսուսի հիմնական այս վարդապետութիւններն ու կրօնական փորձառութիւնը:

Յիսուս իր ուսուցումներուն մէջ երբ չեշտով կը զնէր Աստուծոյ հայրութեան և Աստուծոյ թագաւորութեան վրայ, ասիկա իր կրօնական փորձառութեան հետեւանքն էր: Ինքը անձնապէս Աստուծոյ հետ յարաբերութիւն կը

մշակէր իբրեւ որդի: Ուստի երբ կ'աղօթէր «Հայր իմ» ըսելով, Աստուծոյ հետ խօսիլ իւրեն շատ բնական կուզար: Նոյնպէս Աստուծած՝ Մեսիային միջոցաւ աշխարհի մէջ նոր թագաւորութիւն մը պիտի հիմնէր որ ոչ միայն հըրեաները, այլ բովանդակ մարդկութիւնը իր մէջ պիտի առնէր:

Յիսուս քանի որ խորապէս համոզուած էր այս ճշմարտութեանց, պատգամեց զանոնք իր հզօր շունչովը և եղաւ այս երկու հիմնական վարդապետութեանց փողահարը:

Ե.— Եգրակացութիւն:


1. Յիսուս չհետեւեցաւ իրեն ժամանակակից բարբիներու ուսուցանելու հինցած մելխոսին, այլ տուաւ իր պատգամները ինքնատիպ մեթոսով մը որ աւելի հետաքրքրական էր և աւելի արդիւնաւոր: Ուրիշներու մեթոսին կուրօքն հետեւիլ գերութիւն մըն է պարզապէս, որմէ զերծ մեաց Յիսուս:

2. Յիսուս հայր կոչեց զԱստուծած և ատով մէկ կողմէն զԱստուծած մօտեցուց մարդոց և միւս կողմէն մարդկիկը Աստուծոյ: Եթէ Աստուծած մէր ամենուն հայրն է պէտք է ուրեմն ապրինք իրարու հետ սիրով և համերաշխար:

3. Յիսուս, Աստուծոյ թագաւորութիւն անունին ներքեւ, քը իստոնիւսական ոգիով

տիեզերական նոր եղբայրակցութիւն մը հիմ-
նեց այս աշխարհի մէջ։ Իրական քրիստոնեա-
ներուն պարտականութիւնն է ապրիլ և տա-
րածել այս ոգին հանրութեան մէջ։

4. Յիսուս ինչ որ կ'ուսուցանէր՝ կ'ապ-
րէր զայն նախ և ապա ժողովուրդին կը պատ-
գամէր։ Մեր սորվածը ուրիշներուն թութակ-
օրէն հաղորդել քիչ արդիւնաւոր է, բայց փոր-
ձով զայն հաստատելէ յիտոյ ուսուցանել ա-
ւելի մէծ արդիւնք կուտայ։



Յիսուսի Երկրաբուկան ՈՒՍՈՒՑՈՒՄՆԵՐԸ (Ա)

(ՄԱՏԹ. Ե. Զ. Եւ Ե.: ՄԱՐԿ. Ժ. 2-12:
ՂՈՒԿ. Ե. 22-26 Եւ ՀՈՒՎ.Մ. ՃԳ. 1-11:)

Ա.— Օրենքի մասին:

Յիսուսի ուսուցումները մեծ մասամբ ամ-
փոփուած են լեբան քարոզին մէջ որ կը գըտ-
նուի Մատթէոսի աւետարանին Ե., Զ. և կ-
դլուխներուն մէջ:

Օրէնքի նկատմամբ լեբան քարոզին մէջ
Յիսուս ըստւ. «Մի կարծէք թէ ես եկայ օրէն-
քը կամ մարգարէները լուծելու. չեկայ լու-
ծելու, հապա լրացնելու»: Յիսուս՝ «Ոչ եկե-
լուծանել՝ այլ լնուլ» ըսելով իմացնել կ'ուզէք-
անոնց թէ օրէնքը պակաս բան մը ունէր իր-
մէջ և ինքը աշխարհ եկած էր որ լրացնէք-
զայն: Օրէնքին մէջ պակստածը օրէնքին ողին-
էր:

Հրեաները Յիսուսի ժամանակ օրէնքին ո-
գին կորսնցուցած անոր տառերով ու բառե-
րով կը զբաղէին, իսկ Յիսուս օրէնքին ներ-
քին իմաստն ու ողին կը յարգէր: Զոր օրի-
նակ հրեաներու ըմբռնումով, մարդը Շաբա-
թի համար էր, իսկ Յիսուսի տեսակէտով, «Ե-
թէ մարդը Շաբաթի հապա Շաբաթը մարդու-
համար էր: Մարդը օրէնքէն բարձր էր. օրէն-

Քը մարդուն երջանկութեան պէտք էր ծառայէլ :

Բ.— Երգում լինելու մասին:


Յիսուս՝ իրեն ժամանակակից հրեաներուն երգում ընելու սովորութեան համամիտ չէր։ Թէեւ Մովսէսի օրէնքը անոնց արտօնութիւն տուած էր որ երգում ընեն, բայց Յիսուս երգում չէր ըներ իր խօսքերուն ստուգութիւնը հաստատելու համար, երբ «այս» ըսել հարկ էր, «այս» կ'ըսէր, և երբ «ոչ» ըսել հարկ էր «ոչ» կը պատասխանէր։ Ասիկա աւելի բարձր կեանքի մը արտայալտութիւնն էր։

Որպէս զի Յիսուս ժողովուրդը բարոյական աւելի բարձր կեանքի մը առաջնորդէր ըսաւ անոնց, «Ամենեւին երգում մի ընէք . . . հապա ձեր խօսքը ըլլայ այս'ն այս' և ո'չը ո'չ, ասկէ աւելին չարէն յառաջ կուզայ»։

Գ.— Էնտանիքի մասին:

Յիսուս ընտանիքը Աստուծոյ կողմէ հիմնուած սուրբ հաստատութիւն մը կը համարէր ինչպէս հրեաներն ալ կը գաւանէին։ Բայց երթէց սրտի խստութեան համար Մովսէս արտօնած էր որ մէկը եթէ գժգոհ ըլլար իր կը նոշմէն՝ արձակէր զայն, անոր ձեռքը տալով արձակման թուղթ մը։

Յիսուս ջնջեց ամուսնալուծումի և բազ-



16.— ՅԻՍՈՒՍԻ ՈՒՍՈՒՑՈՒՄԸ ՏՈՒՐՔԻ ՄԱՍԻՆ

մակնութեան տիրող այս սովորութիւնը , և
անոր տեղ հաստատեց միակնութիւնը , ընտա-
նեկան երջանկութեան իբրեւ միակ աղդակը :
Յիսուսի տեսակէտով , ամուսնալուծումը , իբր
բացառութիւն , կրնար տեղի ունենալ միայն
շնութեան պարագային : Յիսուսի հաստատած
այս զրութիւնը մէկ կողմէն բարձրացուց ի-
գական սեռին ընկերական դիրքը , և միւս
կողմէն ապահովեց ընտանեկան երջանկու-
թեան տեսականութիւնը :

Դ. — Պետութեան մասին:

Յիսուս պետական զրութեան հակառակ
չէր : Օր մը իրեն հարցուցին թէ պետութեան
տուրք տալ արժա՞ն է : Ինքը ըստու , ինձի
զրամ մը բերէք , և երբ բերին , «որո՞ւն պատշ-
կերը կայ անոր վրայ» հարցուց . պատասխա-
նեցին , «կայսեր պատկերը կայ» . ուրիմն ը-
ստու , «Այն որ կայսրին է կայսրին տուէք , և
այն որ Աստուծոյն է Աստուծոյ տուէք» :

Ասով Յիսուս կը չեցաէր Աստուծապաշտ
ըլլալով հանգերձ բարի քաղաքացի ըլլալու
պարտականութիւնը : Ուստի քրիստոնեայ մը՝
ո՞ր երկրի մէջ որ տարի , այդ երկրի կառա-
վարութեան պէտք է հաւատարիմ հավատակ
ըլլայ , և իբրեւ բարի քաղաքացի , կատարէ
իր պարտքը անոր հանգէպ :


Ե.— Եղբակացութիւն:

1. Յիսուս օրէնքին հոգին յարգեց, առանց գերի լլալու անոր տառին: Քանզի՞ւ գիրը կը սպաննէ բայց հոգին կ'ապրեցնէ (Բ. Կորն. Գ. 6):

2. Յիսուս բնաւ երգում չըրաւ իր կեանքին մէջ և ոչ ալ կեզծեց, հապա ինչ որ կը զգար և կամ կը խորհեր՝ զայն կը խօսէր շիփր շիտակ: Իր այսն այս' էր և ոչը ո՛չ:

3. Յիսուս ընտանիքը նուիրական հառատատութիւն կը համարէր, և կը յարգէր անոր սրբութիւնները: Եւ այս խոկ պատճառաւ ջընջեց ամուսնալուծումի օրէնքը:

4. Յիսուս կառավարութեան հանդէսի հաւատարիմ կեցուածք ունէր: Տուրք տալը չարգիլեց և հրեաներու Հռովմի պետութեան գէմ ապստամբելու գաղափարին ալ համամիտէր:



ՅԻՍՈՒՄԻ ԵՐԿՐՈՐԴԱԿԱՆ ՈՒՍՈՒՑՈՒՄՆԵՐԸ (Բ)

(ՄԱՏԹ. Ե., Զ. Եւ Լ.; ՂԱԽ. ԺԶ. 1-15)

Ա.— Ողորմութեան մասին:

Հրեաները ողորմութիւն կուտալին Յիսուսի ժամանակ՝ ցուցամոլութեան և փառամուլութեան շարժառիթներով։ Յիսուս աղքատներուն օդնելու հակառակ չէր. բայց հրէից ողորմութիւն տալու այս տիրող սովորութիւնը քննագատեց։

Յիսուսի ըմբռնումով ողորմութիւնը պէտք էր բուն իր նպատակին ծառայէր, և ոչ թէ նկատումներով տրուէր։ Ողորմութիւնն առողջ գաղտուկ տալու էր, և իր ծախ ձեռքը գիտնալու չէր թէ աջ ձեռքը ինչ ըրած էր։

Բ.— Աղօքի մասին:

Յիսուսի տեսակէտով աղօթքը նմանապէս գաղտնի ըլլալու էր, Աստուծոյ և մարդոց միջեւ իրեն ներքին յարաբերութիւն։ Ճամբաներու վրայ, փողոցներուն անկիւնը ցուցամոլութեան շարժառիթով հրէից աղօթելու սովորութիւնը պախարակեց Յիսուս, չը քաջալերեց նոյնպէս աղօթքի ատեն անհարկի կրկնութիւններն ու շատախօսութիւնները։

Հստ Յիսուսի վարդապետութեան աղօթ-


Քը ոչ թէ ձեւակերպութիւն մը յարգելու համար շրժունքով և մեքենաբար մատուցուելու էր, հապա հոգիով և հաւատքով ըլալու էր, Աստուծոյ հետ կենդանի հաղորդակցութեան իբր միջոց :

Գ.— Հարսուրեան մասին:

Յիսուս հարսուրթիւնը Աստուծոյ կողմէ մարգոց տրուած պարզեւ մը և կամ աւանդ մը կը նկատէր: Հարսուրթեան իրական տէրը Աստուած էր և մարգիկ անոր անտեսներն էին պարզապէս: Ուստի մարգիկ հարսուրթիւնը ոչ թէ իրենց անձին համար, այլ Աստուծոյ փառքին և մարգիկային ցեղի երջանկութեան ի նպաստ գործածելու էին: Անիրաւ տնտեսին տռակը շատ որոշ կերպով կը բացատրէ Յիսուսի այս տեսակետը (Ղուկ. ԺԶ. 1-15):

Բայ Յիսուսի վարգապետութեան մարգու մը իրական հարսուրթիւնը իր սրտին մէջ ունեցած գոհունակութիւնը և կամ երջանկութիւնն էր: Բարիք գործելով մեր սրտին մէջ ստեղծուած այս երջանկութիւնը Յիսուս իրական գանձ կը նկատէր. գանձ մը որ ոչ գոզը կրնար յափշտակել և ոչ ալ ցեցը կրնար ուտել: Յիսուս ասիկա երկնից գանձ անուանեց:

Դ.— Սիրոյ մասին:



Աէրը մզիչ ոյժն էր Յիսուսի ապրած բարձրագոյն կեանքին: Մովսէսի բոլոր օրէնքները գրուած էին մարգոց Աստուծոյ հանգէալ և մարգոց իրարու հանգէալ ունեցած հաւատարմաւթիւնը ճշգելու համար: Յիսուս սէրը բոլոր օրէնքներուն լրումը յայտարարեց (Մատթ. 40): Պօղսս առաքեալ նաև նոյն կարծիքը ունէր (Հառվմ. ԺԳ. 10): Երբ մէկը սիրեց Աստուծած իր բոլոր սրտավը և սիրէ միանգամայն իր ընկեր արարածները իր անձին պէս, այլեւս ոչ օրէնքի պէտք կը մնայ և ոչ ալ օրինագիրքերու: Քանզի սէրը օրէնքն շատ վեր է:

Յիսուս օրէնքներով չզբաղեցաւ այլ ապրեցաւ այս սիրոյ կեանքը: Մէկ կողմէն ունէր սէր առ Աստուծած և միւս կողմէն սէր առ մարդիկ: Եւ իր աշակերտներուն ալ, իբր նոր պատուիրան, «Աիրեցէք զմիմեանս» ըսելով յանձնարարեց ապրիլ այս սիրոյ կեանքը Ուստի քրիստոնէութիւնը օրէնքի կրօնք մը ըլլալէ աւելի սիրոյ կրօնք է:

Ե.— Եղբակացուքիւն:

1. Յոյցի համար և փառամոլութեան չարժառիթով ողորմութիւն տաք և կամ բարեգործութիւն ընկել Աստուծոյ հաճելի չէ: Ողորմութիւնը այն ատեն ընդունելի է և Աս-

տուածահաճոյ՝ երբ սրտաբուխ է և առանց
Նկատումի:

2. Ազօթքը նոյնպէս Աստուածահաճոյ է
այն ատեն երբ սրտաբուխ է, հաւատքով է և
հոգիով: Մարդոց երեւնալու շարժառիթով
ժառուցուած ազօթքը երկինք չի հասնիր:

3. Յիսուս հարստութիւնը չանարգեց
քայլ գոհունակ սիրտը և կամ ներքին երջան-
կութիւնը մարդուն իրական գանձը նկատեց:
Երբ մէկը մեռնի այս գանձը իրմէ չի բաժ-
նուիր: Հարստութիւն մըն է ասիկա որ միա-
յուն է և յաւիտենական:

4. Սէրը հիմնաքարն է Յիսուսի ուսու-
ցումներուն և պարծանքը քրիստոնէական կը-
քոնի: Երբ որ և է տեղ թագաւորէ այս սէրը
հոն ամէն դժուարութիւն կը լուծուի:



ԴԱՍ ՃԱՍ.

ՎԵՐԱՔԱՂ

(ՀԱՅՑՈՒՄ ԵԲ)

ԴԱՍ Զ.

1. Նկարագրէ՛ հրէից մեսիական ակնկա-
լութեան պատմականը:

2. Ի՞նչ էր Յիսուսի ժամանակակից հրեա-
ներու կարծիքը Մեսիայի նպատմամբ:

3. Ի՞նչ պէտք էր ըլլար Մեսիային իսկա-
կան կոչումը:

4. Յիսուսի կարծիքը ի՞նչ էր Մեսիայի
մասին:

5. Յիսուս իրապէս հրէից ակնկալած Մե-
սիա՞ն էր:

ԴԱՍ Է.

6. Ի՞նչ էին հին ատենուան փրոփական-
տի միջոցները:

7. Յիսուս ինչո՞ւ ազօթեց կափառնայու-
մի լերան վրայ իր առաքեալները ընտրելէ
առաջ:

8. Ոլո՞նք էին Յիսուսի տասներկու ա-
ռաքեալները:

9. Ի՞նչ էր առաքելոց պաշտօնը:

10. Յիսուս այս առաքեալներէն դատ ուշը աշակերտներ ալ ունէ՞ր :

Դ. Ա. Ս. Ը.

11. Յիսուսի ուսուցման մեթոտը ի՞նչ կէտերու մէջ կը տարբերէր հրեայ բաբիներու մեթոտէն :

12. Յիսուս քանի՞ հիմնական վարդապետութիւններ բերաւ աշխարհ :

13. Ի՞նչ էր Յիսուսի կարծիքը Աստուծոյ հայրութեան մասին :

14. Աստուծոյ թագաւորութեան նկատմամբ ի՞նչ էր Յիսուսի տեսակէտը :

15. Յիսուսի հիմնական վարդապետութիւնները ի՞նչ առնչութիւն ունէին իր կրօնական փորձառութեան հետ :

Դ. Ա. Ս. Թ.

16. Յիսուս ի՞նչ սորվեցուց օրէնքի վերաբերմամբ :

17. Երգում ընելու մասին :

18. Ամուսնութեան նկատմամբ :

19. Պետական գրութեան մասին :

20. Յիսուս ի՞նչո՞ւ չէր յարգեր օրէնքին տառը տառապաշտ հրեաներուն պէս :

Դ. Ա. Ս. Ժ.

21. Ի՞նչ սորվեցուց Յիսուս ողորմութիւն

տալու մասին :

22. Ազօթքի նկատմամբ :

23. Հարստութեան վերաբերմամբ :

24. Սիրոյ մասին :

25. Ինչո՞ւ սէրը բոլոր օրէնքներուն լրումը համարեց Յիսուս :



ՄԱՍՆ ԵՐՐՈՐԴ

ՅԻՍՈՒՍԻ ԱՐԱԿՆԵՐՆ

ՈՒ ԱՆՈՆՑ ՄԵԿՆՈՒԹԻՒՆԸ

ԴԱՍ Յ. Բ.

ՅԻՍՈՒՍԻ ԱՐԱԿՆԵՐՆ

(ՄԱՏԹ. ԺԳ. 34: ՄԱՐԿ. Գ. 33-34: Բ. ԹԱԳ. ԺԲ. 1-15)

Ա.— Առակ բառին իմաստը:

Հայերէն լեզուի մէջ առակ կը նշանակէ օրինակ, նմանութիւն, այլաբանական վէպ և կամ մթին խմաստ ունեցող խօսք: Ուստի առակով խօսիլ կը նշանակէ ճշմարտութիւնը փոխանակ մերկ կերպով արտայացնելու պատմութեան մը ձեւով ներկայացնել:

Հին ատեն արեւելեան շատ մը աղգեր, ինչպէս՝ ասորիներ, արաբներ և հրեաներ յաճախ կը դորժածէին առակը^(*) իրենց խօսակ-

(*) Յունարէն լեզուի մէջ, Քրիստոսէ տատ առաջ Paraboli բառը կը գործածուէր առակաւոր խօսակցութեանց համար Յունաստանի մէջ:

Հերոդոսս Կիւրոսի խօսերը առակաւոր կը նկարագրէր: Պոլտա, Կոմիլիկիոս եւ Մուհամմէտ առակներով կը խօսէին: Պուրանի մէջ առակներ կան: Պղասոն եւ Արիստոնէլ առակներ կը գործածէին:

ցութիւններուն մէջ: Նոյնակս Յիսուս աւ առակով կը խօսէր, և իրեն համար զրուած է թէ «Առանց առակի բան չէր խօսեր» (Մատթ. ԺԳ. 34: Մարկ. Գ. 33-34):

Բ.— Առակ բառին նշանակութիւնը Հին Կտակարանի մէջ:

Հին Կտակարանի մէջ առակ բառը երրայրէն մաշալ^(*) բառին թարգմանութիւնն է: Մաշալ երրայրէնի մէջ կը նշանակէ առեղծուած, խորհրդաւոր խօսք: Արեւելեան երկիրներու մէջ հին ատեն գիտուններ, իմաստուններ շատ կը սիրէին առակով խօսիլ: Իսկ հրաբրէից մէջ մարգարէներ ժողովուրդին և մանաւանդ թագաւորներու առջեւ իրենց խօսքերը ազգու ընելու համար այլաբանական վէպերով, խորհրդաւոր խօսքերով, առեղծուածներով, և առակաւոր պատմութիւններով կը խօսէին:

Երբ Դաւիթ Քետացի Ուրիան սպաննել առալով անոր կինը Բերտարէն իրեն կնութեան առաւ, Աստուծոյ առջեւ մէծ մեղք մը զործեց: Նաթան մարգարէ գեղեցիկ և յարմար առակով մը, հարսւատ ու աղքատ մարգու պատմութիւնովը (Բ. Թագ. ԺԲ. 1-15) մատ-

(*) Արաբերէն մասալ:

Նանշեց Դաւիթին իր գործած մեղքը և զինքը
դարձի հրաւիրեց։ Դաւիթ երբ լսեց առակը
չբարկացաւ. պատմութիւնը իրեն հաճելի
թուեցաւ և զջջաց, ու այդ առթիւ խոստու-
վանեցաւ իր մեղքը Առառնելոյ առջեւ 50րդ(*)
Մաղմուը (Ողորմեա ինձ Առառնած ըստ մեծի
ողորմութեան քում . . .) արտասահելով։


Դ.— Առակ բառին նշանակութիւնը Նոր
Կտակարանի մէջ։

Նոր Կտակարանի մէջ առակ բառը կը նը-
շանակէ բնութենէ առնոււծ օրինակ, այլա-
բանութիւն և կամ սոսկ պատմութիւն։

Յիսուս իր խօսքերը հեղինակաւոր ու
ազգու ընելու համար յաճախ առակներով կը
համեմէր զանոնք։ Բնդհանրապէս Յիսուսի
առակները պարզ, դիւրահասկնալի և շահեկան
էին։ Նա շատ անգամ իր առակները խօսելէ
վերջը կը բացարձէր և կը մեկնաբանէր։

Յիսուսի խօսած առակներուն մէջ ամե-
նէն գեղեցիկն ու ամենէն հետաքրքրականը
անառակ որդիին առակն է։ Որքան պարզ
այնքան խորունկ է իմաստով։ Ոմանք անտ-
ռակ որդիին առակը Յիսուսի խօսած առակ-

(*) Աճարմաբար բարզմանութեան մէջ 51-րդ Սալ-
մոսի է։



19.— ԱՆԱՌԱԿ ՈՐԴԻՆ

Ներուն մարդարիտը կոչած են, իսկ ուրիշներ Աւետարանի մէջ փոքր Աւետարան անուանած են զայն:

Գ.— Առակներուն գործնական արժեքը:
Ճշմարտութիւն մը, փոխանակ ուղղակի
խօսելու, երբ խօսութ առակով մը՝ աւելի
հետաքրքրութիւն կը ստեղծէ ունկնդիլներու
մտքին մէջ։ Առենախօս մը և կամ բարոյա-
խօս մը իր խօսածին շնորհ երբ կրցած է հե-
տաքրքրութիւն ստեղծել, յաջողած է արդէն
իր նպատակին մէջ։

Առակով խօսուած ճշմարտութիւն մը
ունկնդիլներու մտքին վրայ աւելի շուտ կը
տպաւորուի։ Ճշմարտութիւն մը որ լաւ տը-
պաւորուած է մտքի մը մէջ այլեւս չի մոռ-
ցուիր գիւրին կերպով։

Ե.— Եզրակացութիւն:

1. Առակով խօսիլը հին ատեն մարդարէ-
ներու խօսքին հեղինակութիւն կուտար։
2. Իրրեւ կրօնի ուսուցիչ Յիսուսի յաջո-
ղութեան գաղանիքներէն մէկը իր խօսքերը
համեմելն էր զեղեցիկ ու հետաքրքրական
առակներով։

3. Յիսուսի խօսած առակները շնիչ ու
բարոյալից էին։ Անոնք այսօր թուականով
թէեւ հինցած բայց իմաստով միշտ թարմ են։

իբրեւ ճշմարտութիւնը արտայայտող օրինակ-ներ և պատմութիւններ :

4. Առակին նպատակն է ճշմարտութիւնը տպաւորել մտքերու վրայ : Մանկավարժական որ և է մեթոս որ կը ծառայէ այս նպատակին յարգի է այսօր ալ :



Պ Ա Ս Ք Գ .

ԱՌԱԿՆԵՐՈՒԻՆ ՆԵՐԲԻԻ ԻՄԱՍՏԸ

Ա .

Ա .— Բացարուրին առակներու :

1) Տուն շինող խեղացի և անմիտ մարդոց առակով (Մատթ . կ . 24-27), Յիսուս իր լերանքարովին վերջին մասին մէջ մեզի կը սորվեցնէ մեր հաւատքը հաստատուն հիման վրաց դնելու անհրաժեշտութիւնը : Այս հաստատուն հիմը և կամ յաւլտենական ժայռը Յիսուսինքն է :

2) Հարամիիթի սղոց (Մատթ . թ . 15) առակով Յիսուս՝ Յովհաննէսի աշակերտներուն կը բացատրէ իր աշակերտներուն ծոմ չպահելուն պատճառը :

3) Հին համեյերձի վրայ նոր շարի կտոր դնելու (Մատթ . թ . 16) օրինակով Յիսուս ցոյց կուտայ թէ Մովսիսականութեան օրինական հին սովորութիւնները իր աշխարհ գալովը՝ այլեւս մաշած հագուստի մը կը նմանին : Հագուստ մը , որուն վրայ գրուած լաթի նորկտոր մը անոր օգուտ մը չընելէն գատ պատռուելուն ալ պատճառ կը գառնայ :

4) Նոր զինի և հին սիկ (Մատթ . թ . 17) բացատրութիւնը գարձեալ նոյն իմաստով

գործածուած է Յիսուսի կողմէ։ Պէտք է նոր զինին նոր տիկերու մէջ դնել։ Երբ նորը կայ, հինը այլեւս կորսնցուցած է իր արժէքը։


Բ.— Բացատրութեանց շարունակութիւնը։

5) Պիղծ ողիկն (Մատթ. ԺԲ. 43-45) առակով Յիսուս ցոյց կուտայ հրեայ հասարակութեան նկարագրին ներքին ապականութիւնը։ Անոնք Յիսուսի ուսուցումները առ երես շնորհնած էին և լրենք զիրենք մաքրուած ու նորոգուած կը նկատէին, բայց վերջը փորձը ցոյց տուաւ թէ Յիսուսը մերժելով լրենց պղծութիւնը աւելի մեծ թափով երեւան եւկաւ։ Յիսուսի բացատրութեամբ, հրեայ աղջին վերջը առաջուանէն աւելի վատ եղաւ (Մատթ. ԺԲ. 45)։

6) Մերմանացանին առակով (Մատթ. ԺԳ. 3-18, Ղուկ. Բ. 4-16) Յիսուսը կը բացատրէ Աստուծոյ խօսքը լուղ չորս տարբեր գասագարգի մարդոց վիճակը։ Այս չորսին մէջ միայն վերջինն է որ արգիւնաւոր կ'ընէ իր լըսածը։

7) Որովհերու առակը (Մատթ. ԺԳ. 24-30, 36-43) ցոյց կուտայ թէ մարդոց մաքին մէջ երբ մէկ կողմէն բարի սերմեր ցանուին միւս կողմէն ալ որոմ կը ցանուի չարին կողմէ։

8) Մանանեխի հասիկը (Մատթ. ԺԳ. 31-32, Ղուկ. ԺԳ. 19) փոքր սերմ մըն է բայց երբ



աճի մեծ բոյս մը կը դառնայ։ Ասով Յիսուս
կը մատնանչէ Աստուծոյ թագաւորութեան
ժամանակի ընթացքին ունենալիք աստիճա-
նական զարգացումն ու ծաւալումը։

Գ. — Բացատրութեանց շարունակութիւնը։

9) Խորի առակը (Մատթ. ՃԳ. 33) կը
ցուցնէ նոյնպէս Աստուծոյ թագաւորութեան
աստիճանական յառաջացումը։

10) Արքի մեջ պահուած զաման (Մատթ. ՃԳ.
44) Աստուծոյ թագաւորութեան թանկարժէք
ըստաւ երեւան կը բերէ։ Երբ մէկը իրապէս
գնահատէ անոր արժէքը, ամէն ինչ որ ունի
կը զոհէ և զանիկա խոկոյն ձեռք կը բերէ։

11) Պատուական մարզարիմին (Մատթ. ՃԳ.
45-46) առակը նոյնպէս Աստուծոյ թագաւոր-
ութեան մնայուն արժէքը ցոյց կուտայ։ Այդ
արժէքը գնահատող վաճառական մը կը զնէ
զայն ամէն զնով, եթէ հարկը պահանջէ, մին-
չեւ անզամ իր բոլոր ունեցուծը ծախսելով։

12) Ծովը ձգուած ունիանին (Մատթ. ՃԳ.
47-50) առակը վերջին դատաստանին օրը ար-
դարներուն և մեղաւորներուն իրարմէ զատ-
ուիլը կը ծանուցանէ։

Գ. — Բացատրութեանց շարունակութիւնը։

13) Կերակուրները չեն պղծեր (Մատթ. ՃԵ.
10-15) բացատրութիւնով Յիսուս ըսել կ'ուզէ

թէ մեր սրտերը երբ լեցուն են չար խորհուրդաներով, կիրքերավ և ամէն տեսակ ապականութիւններով, անօգուտ են մեր զրսի մաքրութիւնը, ծոմապահութիւնն ու բարեպաշտական արտաքին ձեւակերպութիւնները:

14) Անզուք ծառաջին առակով (Մատթ. Ժ. 23-35) Յիսուս կը սորվեցնէ թէ մեր երկնառոր հայրը այն ատեն մեզի կը ներէ երբ մենք կը ներենք մեր ընկեր արարածներուն:

15) Վարձու բոնուած բանուորմերուն առակը (Մատթ. Ի. 1-16) Աւետարանին ճշմարտութիւնը ընդունող հեթանոսներուն հրեայ հաւատացեալներուն հետ համահաւասար վարձատրութիւն կը ցուցնէ: Ասակին մէջ առաւօտուն գործի զացող բանուորները հրեաներն են, իսկ օրուան տարբեր պահերուն մէջ և եւ բեկոյեան գէմ գործի սկսողները հեթանոս քրիստոնեաներն են:

16) Երկու որդիներու առակին (Մատթ. Ի. 28-32) մէջ առաջին որդին կը խորհրդանշէ մաքսաւորները, պունիկներն ու մեղաւոր մարդկութիւնը, իսկ երկորդու որդին իրենք զիրենք բարեպաշտ համարող հրեաները: Առաջինները ապաշխարութեամբ Աստուծոյ թագաւորութեան գոնէն ներս կը մտնեն, բայց վերջինները իրենց ինքնահաւանութեանը պատճառաւ գուրսը կը մնան:



Ե.— Եզրակացուքիւն:

1. Երբ մեր հաւատաքը Յիսուսի քարողած տոռղջ սկզբունքներուն վրայ հիմնուած է կեանքի ծանրածանր վորձութիւններուն տուջեւ չի կրնար տոկալ և խոկոյն կը տկարանայ և մեր անկումին պատճառ կը գառնայ:

2. Նոր գաղափարներ հին գլուխներու հետ չեն հաշտուիր: Օգտուելու համար նոր գաղափարներէն մեր մտքին պատուհանները ձշմարտութեան լոյսին առջեւ միշտ բաց պահել պէտք է:

3. Աստուծոյ թագաւորութիւնը, ուրիշ խօսքով, Յիսուսի աշխարհ բերած քրիստոնէական կեանքը՝ յաւլտենական դանձ մըն է: Ստանալու համար այս գանձը անոր գինը լիովին վճարել հարկ է:

4. Հրեաները իրենք զիրենք արտաքնապէս հաւատացեալ կը ցուցնէին. իրականութեան մէջ սակայն իրենց սիրտը լեցուն էր ամէն տեսակ պղծութիւններով: Քրիստոնեայ նկատուելու համար առաջին հիմնական բանը սրտի նորոգութիւնն է Ս. Հոգիի ազգեցութեան ներքեւ:



ԳԱՍ ՃՊ.

ԱՌԱԿՆԵՐՈՒԽՆ ՆԵՐՔԻՆ ԻՄԱՍՏԸ

Բ.

Ա.— Բացատրութիւն առակներու:

1) Զար մշակներու առակով (Մատթ. ի. Ա., 33-45) Յիսուս կը մատնանշէ հրեայ աղղին ապերախտութեան սպին: Աստուած մարդաբէներու միջոցաւ խօսած էր Իսրայէլի ժողովուրդին, բայց անսնք մտիկ ըրած չէին և ընդհակառակը հալածած էին զանոնք, և հրմակ ալ կը պատրաստուէին հալածելու Աստուծոյ Միածին Արդին:

2) Հարսանեաց սեղանին (Մատթ. ի. Բ. 1-14) առակով Յիսուս ցոյց կուտայ հրեից անտարբերութիւնը Աստուծոյ թագաւորութեան հանգէպ, և միւս կողմէն կը յայտարարէ՝ հեթանոսներուն հրեայ ժողովուրդին տեղը բանելով Աստուծոյ արքայութեան ժառանգակիցներ ըլլալլ:

3) Թղենեիին (Մատթ. ի. Դ. 32-34) առակը խօսուած է երուսաղէմի կործանման, մարդու արդիին գալստեան և կամ երկնից արքայութեան մօտալուտ ըլլալուն իբր յայտարար նըշան:

4) Տումբ հսկող ծառային (Մատթ. ի. Դ. 1)



22.— ՏԱԱԾ ԿՈՅՍԵՐՈՒԽՆ ԱՌԱԿՆ

43) առակովը Յիսուս արթուն կենալու պարտականութիւնը կը չետե՛ :

Բ.— Քաջատրութեանց շարունակութիւնը:
5) Հաւատարիմ և յար ծառանեղուն (Մատթ. իդ. 45-51) առակով ցոյց կը տրուի հաւատարիմ և արթուն ծառացին վարձատրուիլը իսկ չար ծառային պատժուիլը :

6) Տասը կոյսւու (Մատթ. իէ. 1-13) առակով Յիսուս կրկին արթնութեան պարտականութիւնը կ'ընդգծէ : Այս տասը կոյսւուն հինգը իմաստուն կը կոչուին և հինգը յիմար յիմաստունները արթուն կեցողներն են իսկ յիմարները՝ քնացողները :

7) Տաղանդներու (Մատթ. իէ. 14-30) առակը կը սորվեցնէ Աստուծոյ կողմէ մեզի տրուած պատեհութիւնները ի բարին գործածելու պարտականութիւնները :

8) Թագաւորութիւն մը երկ իրեն դիմ բաժնուած և յի կրնար կանգուն մնալ (Մարկ. Գ. 24) ըսելով Յիսուս կը յայտաբարէ թէ ինքը գեւերը ոչ թէ Բէեղղերուզի (սատանաններու պետը) միջոցաւ, հապա Աստուծոյ զօրութեամբնքէ որ հանած է :

Գ.— Քաջատրութեանց շարունակութիւնը:

9) Տուն մը երկ իրեն դիմ բաժնուի յի կը բար հասաւուն կենալ (Մարկ. Գ. 25) խօսքը

գարձեալ միեւնոյն խմաստը ունի նախկին խօսւքին հետ:

10) Զօրաւոր մարդու մը (Մարկ. 9. 27) առակը նոյն ճշմարտութիւնը կը չեշտէ: Աստանան չի կրնար թոյլ տալ որ իր գեւերը հանուին իր իսկ միջոցաւ:

11) Ծածուկ մեծցող սերմին (Մարկ. 9. 26-29) առակը Աստուծոյ թափաւորութեան անգալիօրէն յառաջանալը ցոյց կուտայ:


12) Վառուած մրազը (Մարկ. 9. 21: Ղուկ. ԺԱ. 33-36) կը լուսաբանէ ծածուկ բաներուն օր մը երեւան գալու հաւանականութիւնը:

Ֆ.— Բացատրութեանց շարունակութիւնը:
13) Օսար երկիր զացող մարդուն (Մարկ. ԺԳ. 34-37) առակը արթուն կենալու պարտականութիւնը կը յանձնաբարէ:

14) Կոյր կոյրի առաջնորդ չի կրնար ըլլալ (Ղուկ. Զ. 39) խօսքը ինքնահաւանութենէ և կամ խմաստակութենէ զգուշանալով չափաւոր ու համեստ ըլլալու համար խրատ մըն է: Աշակերտ մը պէտք չէ ինքզինքը իր ուսուցչէն աւելի շատ բան գիտցողի տեղը դնէ:

15) Աչի մեջ շիւղ ու գերան (Ղուկ. Զ. 41-42) բացատրութիւնը աղդաբարարութիւն մըն է մեղի ուրիշներուն թերութիւնները տեսնելէ առաջ մեր պակասութիւնները ուղղելու:

16) Ծառին եւ անոր պտուղին (Ղուկ. Զ.



23.— ԲԱՐԻ ՀՈՎՀԱՆՆԵՍ ԱՌԱԿԵ

43-45) առակովը Յիսուս ցոյց կուտայ թէ չար
մարդ մը չի կրնար բարի գործեր ունենալ:
Մարդու մը արժանիքը իր գործերովն է որ կը
ճանչցուի և ոչ թէ իր խօսքերով:

Ե.— Եզրակացուրիւն:

1. Ապերախտութիւնը վատ արարք մըն
է. իսկ երախտագիտութիւնը գնահատելի
առաքինութիւն մը:

2. Հրեաները չկրցան գնահատել Աստու-
ծոյ իրենց պարգեւած հոգեւոր օրհնութիւն-
ները, և այս իսկ պատճառաւ հեթանոսները
ժառանգեցին անոնց առանձնաշնորհները:

3. Հաւատարմութիւնը բարձր նկարագրի
աղնիւ յատկութիւններէն մին է: Հաւատա-
րիմ, արթուն և պարտաճանաչ ծառան և կամ
գործաւորը կը գնահատուի միշտ:

4. Գաղտնի բան մը ամէն ատեն չի կըր-
նար ծածուկ մնալ, օր մը չէ օր մը կը յայտ-
նուի: Ուստի զգուշանալ պէտք է գաղտնի
մէկքերէ:



ԳԱՍ ԺԵ.

ԱՌԱԿՆԵՐՈՒԽ ՆԵՐՔԻՆ ԻՄԱՍՏԸ

Գ.

Ա.— Բացատրութիւն առակներու:

1) *Փոխատուին և պարտականներուն* (Ղուկ. Է. 41-47) առակով Յիսուս երախտագիտութեան տարբեր աստվածանները ցոյց կուտայ:


2) *Բարի Սամարացիին* (Ղուկ. Ժ. 30-37). առակով մարդաբարութեան հրման վրայ բարեգործութիւն ընելու պարտականութիւնը կ'ուսուցանէ. Յիսուս մեզի, առանց ցեղի և կրօնի խտրութեան:

3) *Թափանձող բարեկամին* (Ղուկ. Ժ. 5-9) առակով Յիսուս աղօթքին զօրութիւնը կը բացատրէ:

4) *Անմիտ հարուստին* (Ղուկ. Ժ. 16-21) առակով կը սորվինք թէ մարզու մը կեանքը իր ստացուածքին առաւելութենէն կախուածչէ: Այն որ իր յոյսը հարստութեան վրայ կը գնէ յսւսախար կ'ըլլայ:

Բ.— Բացատրութեանց շարունակութիւնը:

5) *Անպի և հովի* (Ղուկ. Ժ. 54-57) առակով *Աստուծոյ թագաւորութեան մօտալուտ գալուստի մասին հրէից տղիտութիւնը կը մատնանշուի*:



24.— ԲԱՐԻ ՍԱՄԱՐԱՑԻՆ ԱՐԱԿԸ

6) Անպուղ թզեմիմ (Ղուկ. ԺԴ. 6-9) առակը հրեայ ազգին կրօնական անտարբերութիւնը ի յայտ կը բերէ: Հրեաները Աստուծոյ տուած պատեհութիւնները չարաչար գործածած էին, Յիսուսի աշխարհ գալը վերջին պատեհութիւն մըն էր, ասիկա եւս չէին զնահատած:

7) Հարսնիի հրաւիրուածներուն (Ղուկ. ԺԴ. 17-24) առակը հրեաներուն կը հասկցնէր թէ Աստուծոյ թագաւորութիւնը մտնելու հրաւերը մինակ իրենց չէ որ ուզգուած է, հապանաեւ հեթանոսներուն:

8) Աշարակ շինովին օրինակը (Ղուկ. ԺԴ. 28-30) յիշելով Յիսուս կը սորվեցնէ մեզի թէ որ և է գործի տակաւին չձեռնարկած պէտք է նստիլ և այդ գործին հանդէպ մեր կարողութիւնը հաջիւի առնել և ըստ այնմ գործի սկսիլ:

9.— Բացաւրութեանց շարունակութիւնը:

9) Պատերազմի զացող բազաւորին (Ղուկ. ԺԴ. 31-33) առակը նոյնպէս կը զգուշացնէ մեզ անհաշիւ ու անխորհուրդ գործի ձեռնարկելէ:

10) Աղի (Ղուկ. ԺԴ. 34-35) առակը քրիստոնեաներուն ուրիշներու հանդէպ օգտակարութիւն ունենալու պարտականութիւնը կը յայտաբարէ:

11) Կորսուած ոյխարին (Ղուկ. ԺԵ. 3-7)


առակով Յիսուս փարիսեցիներուն և դպիրաներուն հասկցնել կ'ուզէ թէ մաքսաւորներ, մեղաւորներ և հեթանոսներ թէեւ կորսուածներ են բայց իր պարտականութիւնն է զանոնք եւս փնտուել և փրկութեան առաջնորդել:

12) Կորսուած դրամին (Ղուկ. Ժ. 8-10) առակը կորսուած ոչխարին առակին հետ զըրեթէ նոյն իմաստը ունի: Յիսուս աշխարհ եւ կաւ մեղաւորները փրկելու, հոգ չէ թէ աշնոնք ըլլան հրեայ և կամ հեթանոս:

4. — Բացարուրեանց շարունակուրիւնը:

13) Անառակ որդիին առակը (Ղուկ. Ժ. 11-32) նմանապէս կորսուած հեթանոսներուն համար ալ Աստուծոյ թագաւորութեան զբան բայց ըլլալը կը ծանուցանէ: Անառակ որդին հեթանոսներուն՝ իսկ իր մեծ եղբայրը ինքնահաւան ու շփացած հրեաներուն խորհրդանըշանն է:

14) Անիրաւ Տեսհսին (Ղուկ. Ժ. 1-13) առակը մեղի տրուած պատեհութիւններէն օգտուելու խմաստութիւնը կը սարվեցնէ: Եոյնապէս առակը որոշապէս ցոյց կուտայ թէ մարդիկ այս աշխարհի մէջ Աստուծոյ տնտեսներն են: Հարստութիւնը իրենց քով պարզ աւանդ մըն է, և իրենց պարտականութիւնն է այս աւանդը ի բարին գործածել, յօգուտ մարդոց բարեւաւութեան:



15) Մեծատունին ու Պազարոսին (Ղուկ. ԺԶ. 19-31) առակը կը դատապարտէ հարուստ մարդք որ ողջ եղած ատեն, իբր Աստուծոյ տնտեսը, իր ունեցած հարսառութիւնը ի բարին չէ գործածած, իսկ Պազարոս աղքատ ըլլալով հանգերձ գոհունակ սրտով ու բարի խղճմը-տանքով ապրած է: Ահա այս իսկ պատճառաւ մէկը հանգերձեալի մէջ կը պատժուի իսկ միւսը կը վարձատրուի:

16) Դատաւորին ու բախանձող այրիին (Ղուկ. ԺԲ. 1-8) առակը աղօթքի մէջ յարատեւութեան կարեւորութիւնը ցուցազբող իրատ մըն է:

Ե.— Բացաւրութեանց շարունակութիւնը:

17) Փարիսեցիին ու մախաւորին (Ղուկ. ԺԲ. 9-14) առակը աղօթքի իրական ոգին կը բացատրէ: Պէտք է աղօթող մը հեղութեամբ, հաւատքով և հոգիով ներկայանայ Աստուծոյ առջեւ և ոչ թէ մնապաշտութեամբ և ինքնաւանութեամբ:

18) Մնամնեցու (Ղուկ. ԺԹ. 12-27) առակը ցոյց կուտայ թէ ինչ որ ունինք՝ Աստուծոյ մեզի տուած աւանդն է. և պէտք չէ զայն պահենք ու քանքարաթաքոյց ըլլանք: Պարտաւոր հնք մեր ունեցածը արդիւնաւորել:

19) Բարի հովիսին (Յովհ. Ժ. 1-6) առակը Ցիսուս իր մեսիական կոչումը կը նկա-

բագրէ, և միանգամայն քաջ հովիւի մը զուհաբերութեան ողին կը մատնանչէ:

20) Արը և իր ձխվեցը (Յովէ. ԺԵ. 1-5)
բացատրութիւնը հաւատացեալին Աստուծոյ
հետ ներքին ու մտերմիկ յարաբերութիւնները ցոյց կուտայ:

Զ.— Եզրակացութիւն:

1. Բարեգործութիւնը ինկածը վերցնել է:
Բարի Սամարացին մեզի այս մասին գեղեցիկ
օրինակ կը հանդիսանայ:

2. Յիմարութիւն է վայրկենական զգացումէ զրգուած, առանց հաշիւի և առանց
կանխագծուած ծրագրի գործի ձեռնարկել:

3. Քրիստոնեաներ օրհնութիւնն են իրենց
ապրած միջավայրին, Աւետարանի խօսքով,
աղն են այս աշխարհի:

4. Պէտք է օգտագործենք Աստուծոյ մեզի
տուած տաղանդները: Քանքարաթաքոյց
ըլլալ կեանքի պայքարին մէջ դասալիք ըլլալ
է սոսկ:



Գ Ա Ս Ժ Զ .

Ա.ԹԱԿՆԵՐԻ ՄԵԿՆԵԼՈՒ ՄԵԹՈԾԸ

Ա. — Այլաբանական մերութ:

Այլաբանական կը կոչուի այն մեթոտը ,
որով մեկնիչը առակի մը և կամ պատմու-
թեան մը , սկիզբէն մինչեւ վերջը , ամէն մէկ
մասին մէջ խորհրդաւոր խմաստ մը փնտռելու
կը ջանալ :

Ճան Պընեանի գլած «Քրիստիանոսի Ճամ-
բորդութիւնը» զիրքը այլաբանութեան գեղե-
ցիկ օրինակ մըն է :

Բ. — Հրեայ րաբբիներուն մեկնաբանելու(*)
կերպը:

(*) Մեկնութիւն բառը (Interpretation) Ա. Գրոց մէջ
կը զործածուի զանազան առիթներով: Յովսէփ բանի մէջ
իր բանակիցներուն երազները մեկնեց , նոյնպէս փառա-
ւոնի երազը մեկնաբանեց: Նաբուգոնոսորի երազը Գա-
նիէլի միջոցաւ մեկնուեցաւ:

Մեկնութիւն բառը բարգմանութեան խմասով ալ կը
զործածուի Ա. Գրոց մէջ: Յովսէփ իր եղայրներուն բարգ-
մանը հանդիսացաւ փառաւոնի բոլ: Քանզի ծանօթ էր քէ
Խզիացոսի եւ քէ Խարայէլի լեզուներուն:

Մեկնութիւն բառը ուղղակի Ա. Գիրքը մեկնաբանելու
համար ալ զործածուած է Ասուածառանշի մէջ: Յիսուս
իր պատմած առակները խօսել: Վերջը կը մեկնէր:

Հրեայ մեկնիչներ Հին Աւստի առակներն ու պատմութիւնները այլաբանական մեթոսով կը բացատրէին։ Յիսուսի ժամանակակից բարքիներ աւելի շեշտ զրին մեկնաբանական այս մեթոսին վրայ։

Փիլոն՝ որ աստուածաբան ու մեկնիչ մըն էր հրեաներու մէջ Յիսուսի ժամանակակից (Ն. Ք. 20-43 Յ. Ք.), Հին Աւստի պատմութիւնները այս մեթոսով կը մեկնէր։ Որիգինէս հայրապետ (185-254) երրորդ դարուն ըստ կիզբը այլաբանական մեթոսին ջերմ հետեւող մը եղաւ։ Եւ ահա այսպէս քրիստոնեայ մեկնիչներ հին ատեն և ապա միջին դարու ընթացքին՝ լնդհանրապէս այլաբանօրէն կը մեկնէին Յիսուսի առակները, և Ս. Գրոց ուրիշ պատմութիւններն ու գէպքերը։

Պ.— Այլաբանական մերոտին դժուարութիւնները։

Յիսուսի խօսած առակներուն ամէն մէկը իրեն յատուկ կեղբոնական ճշմարտութիւն մը ունի, և այդ ճշմարտութիւնը լուսաբանելու համար է որ առակը խօսուած է։ Զոր օրինակ, գատաւորին առակը խօսուած է աղօթքի մէջ յարատեւութիւնը շեշտելու համար (Ղուկ. ԺԲ. 1): Տնտեսին առակը խօսուած է իմաստութիւն գործածելով պատեհութիւններէն օգտուելու կերպը սորվեցնելու դիտումով (Ղուկ. ԺԶ. 7-8):



27.— ԿՈՐՍՈՒԱԾ ԴՐԱՄԻՆ ԱՌԱԿԸ

Սակայն երբ մէկը՝ գատաւորին առակովը փոխանակ աղօթքի մէջ յարատեւութեան կարեւորութիւնը բացատրելու, և կամ տընտեսի առակով փոխանակ պատեհութիւններէն օգտուելու իմաստութիւնը երեւան բերելու, սկսի այս առակներուն ամէն մէկ բառին մէջէն խորհրդաւոր իմաստ մը գուրս բերել, թէ իր մեկնութիւնը բռնազբօսիկ կը գառնայ և թէ մեծ գժուարութիւններու կը հանգիպի:

Միջին գարու մէջ չատ մը Ս. Գրոց մեկնիչներ Ա. Գիրքը այլաբանական մեթոսով բացատրելու աշխատած ըլլալով մհծամիծ գժուարութիւններու հանգիպած են:

Դ.— Առակները մեկնելու արդի մերություն Ա. Ալաբանական մեթոսը այժմ կորսնցուցած է իր արժէքը: Ս. Գրոց արգի մեկնիչներ Յիսուսի առակները այլաբանօրէն չեն մեկներ. այլ ամէն մէկ առակին և կամ խօսքին կեզրոնական ճշմարտութիւնը միայն կը ջանան երեւան բերել և ատով չատանալ:

Ս. Գիրքը շիտակ հասկնալու համար պէտք չէ տառապէս և կամ բառական իմաստով մեկնել զայն, այլ պէտք է նկատի առնել Ա. Գրոց ժամանակակից ըմբռնումները, ընկերական, քաղաքական, կրօնական գէպքերն ու սովորութիւնները, ու ըստ այնմ բացատրել զանիկա:

Ե. — Եղբակացութիւն:


1. Ս. Գրաց տառերսիմ ու բառերսվը ըգ-
բաղիլ կը հակասէ քրիստոնէական կրօնի բո-
կըզբունքներուն: Քանզի քրիստոնէութիւնը
կեանք է համակ և ոչ թէ տառական իմաս-
տով վարդապետական գրութիւն մը լսկ:

2. Յիսուս ազատ էր կրօնքի տառին կառ-
չելէ, իրեն համար կրօնքը Աստուծոյ հետ
ներքին յարաբերութիւն մըն էր պարզապէս:

3. Որ և է մէկը քրիստոնէութեան բար-
ձրագոյն ճշմարտութիւնները չի կրնար հառ-
կընալ, եթէ կրօնքի հոգին մոռցած՝ զբաղի
միմիայն անոր տառերսիմ ու բառերսվը, ինչ-
պէս Նիկոդեմոս չկրցաւ վերստին ծնունդի
վարդապետութիւնը ըմբոնել՝ երբ Յիսուս ա-
մենէն պարզ բառերով կը խօսէր իրեն:

4. Մովսէսականութիւնը Յիսուսի ժամա-
նակ տառապաշտիկ հանդամանք մը ունէր,
բայց քրիստոնէութիւնը հակադարձն է այս
գրութեան:

Հայուսուն, խոնա և բազե մասնաւ մաս
զանց լուսնա արագագունու լուսնէ պարզ: Ա
հայուսուն մարտունու կողմէ և այսուն աւ
Ա յանձն պատիւն և առաջ անձն անձնը
պարզ, ով անձնութիւն ստեղծուածածու պարզ
ու մորթաքը մասնաւը, մարտունու և մաս
զանցածու նույն ունի ու զանձնութեանը կարիքաւ



ՊԱՍ. Ժ. Տ.

ՎԵՐԱԲԵՐ

(ՀԱՐՑՈՒՄՆԵՐ)

ՊԱՍ. Ժ. Տ.

1. Բացատրէ՛ առակ բառին խմաստը :
2. Առակ բառը ի՞նչ նշանակութեամբ կը դորձածուի Հին կտակարանի մէջ :
3. Նոր կտակարանի մէջ ի՞նչպէս կը դորձածուի :
4. Առակին դորձնական օգուտը ի՞նչ է :

ՊԱՍ. Ժ. Տ.

5. Տուն շինող խելացի և անմիտ մարդոց առակը մեզի ի՞նչ կը սորվեցնէ . Յիսուս ի՞նչ պատմեց հարօնիքի տղոց առակը :
6. Հին հակուստ և նոր կտոր և կամ հին տիկ և նոր զինի ըսելով Յիսուս ի՞նչ ուսուցանել կ'ուզէ մեզի :
7. Ի՞նչ է պիղծ ոզիի առակին խմաստը :
8. Բացատրէ՛ սերմանացանին, որոմներու և մանանեխի հատիկին առակները :
9. Ի՞նչ է խմորի, արտի մէջ պահուած դանձի, պատուական մարգարիտի և ծովը ձգուած ուռկանի առակներուն նշանակութեամբ :

10. Լուսաբանէ՛ «կերակուրները չեն պըղ-
ծեր» խօսքը: Ինչո՞ւ խօսեցաւ Յիսուս ան-
գութ ձառալին, վարձու բանուած բանուոր-
ներուն և երկու որդիներուն առակը:

Գ.Ա.Ս Փ.Պ.

11. Բացատրէ՛ չար մշակներուն, հարսնիւ-
քի սեղանին, թղենիին և տունը հսկող ձա-
ռալին առակները:

12. Ի՞նչ է նշանակութիւնը հաւատարիմ-
ու չառաջին, տասը կոյսերուն, և տա-
ղանդներու առակին:

13. Իր մէջը բաժնուած թագաւորութիւ-
նը, տունը, զօրաւոր մարդու օրինակը, ձա-
ծուկ մեծցող սերմը և վասուած ճրագը մեղի-
ր՞նչ կ'ուսուցանեն:

14. Պատմէ՛ օտար երկիր գացող մարդուն,
«կոյր կոյրի առաջնորդ» խօսքին, աչքի մէջ
շիւղ ու գերանին, ձառը և անոր պառողը օ-
րինակին ներքին իմաստը:

Գ.Ա.Ս Փ.Ե.

15. Յիսուսի միտքը ի՞նչ էր երբ պատմեց
փոխատուի և պարտականներու, բարի Սամա-
րացիի, թախանձող բարեկամի և անմիտ հա-
րուստի առակները:

16. Բացատրէ՛ ամպի և հովի, անպտուղ
թղենիի, հարսնիքի հրաւիրեալներու, աշտա-

րակ չինողի, և պատերազմի դացող թագա-
ւորին առակները:

17. Ի՞նչ է խմաստը աղի առակին, կոր-
ուած ոչխարին և կորսուած դրամին:

18. Պատմէ՛ անառակ որդիին առակը և
տուր մեկնութիւնը:

19. Լուսաբանէ՛ անտեսին, մեծատունին
ու զազարոսին և գատաւորի առակին ներքին
իմաստը:

20. Ինչո՞ւ խօսեցաւ Յիսուս փարիսեցիին
և մաքսաւորին, մնաններուն, բարի հովիւին
և որթատունկին առակները:

Գ.Ա.Ս Փ.Զ.

21. Ի՞նչ է այլաբանական մեթոտը:

22. Բացատրէ՛ հրեայ բաբրիներու մեկնա-
րանելու կերպը:

23. Այլաբանական մեթոտը ի՞նչ դժուա-
րութիւններ ունի:

24. Ի՞նչ է Ս. Գիրքը և կամ առակները
մեկնաբանելու արդի մեթոտը:

ՄԱՍՆ ՀՈՐԻՌՈՐԴ

ՅԻՍՈՒՍԻ ՀՐԱՇՔՆԵՐՆ ՈՒ ԱՆՈՆՑ
ՆՇԱՆԱԿՈՒԹԻՒՆԸ

ԳԱՍ Ճ. Բ.

ՀՐԱՇՔՆԵՐՈՒՆ ՇԱԲԺԱՌԻԹԸ
ԵՒ ԱՆՈՆՑ ՏՐՈՒԱԾ ԱՆՈՒՆՆԵՐ

Ա.— Հրաժեներուն շարժառիք:

Ս. Գրոց հրաշքները հոգեւոր բնոլիթ մը
կը կրեն: Անոնք կատարուած են ոչ թէ մար-
դոց հետաքրքրութեան յազսւրդ տալու , և
կամ աշխարհիկ նկատումներ հետապնդելու
համար , այլ Աստուծոյ անունը փառաւորելու
և միանգամայն կրօնի յաւիտենական ճշմար-
տութիւնները հաստատելու նպատակաւ :

Յիսուսի գործած հրաշքներէն ամէն մէկը
այսպէս ունի իր ետեւ հոգեւոր որոշ նպատակ
մը: Ուստի երբ Ս. Գրոց հրաշքները բացատ-
րելու աշխատինք պէտք է անոնց մօտենանք
Աջութեամբ և հոգեւոր տեսակէտով մը:

Բ.— Հրաժեներու ՏՐՈՒԱԾ անուններ (1):
Նշան կը կոչուի հրաշքը երբեմն Ս. Գրոց

մէջ: Առիկա յաճախ յիշուած է թէ Հին և Նոր
կտակարաններու մէջ:

Հին կտակարանի մէջ երբ Եղեկիա թա-
գաւոր աղօթեց իր ծանր հիւանդութեան առ-
թիւ , Աստուած իրեն տասնլ հինգ տարի եւռ-
կեանք պարզեւեց: Այս իրազութիւնը հաստա-
տելու նպատակաւ իրբ նշան Աքազի արեւու-
ժամացոյցը տասը աստիճան ետ գարձաւ (Ես-
լի. 4-8 , է. 11 : Գ. Թագ. ԺԳ. 3):

Նոր կտակարանի մէջ գպլիներ և փարի-
սեցիներ երբ օր մը Յիսուսէն նշան ուզեցին,
Յիսուս անոնց շարժառիթին մէջ անկեղծու-
թիւն չտեսնելով հրաշք չկատարեց և կամ
նշան մը չտուաւ , բացի Յովեան մարդարէի-
նշանէն (Մատթ . ԺԲ. 38): Տե՛ս նաև (Մատթ .
ԺԶ. 1 : Յովհ . Բ. 11 , 18 : Գործք . Զ. 8):

Գ.— Հրաժեներու ՏՐՈՒԱԾ անուններ (2):

Միանչելիք. Պօղոս Առաքեալ Կորնթացուոց
թուղթին մէջ հրաշքներու անուններուն կար-
գին սիանչելիլ նաև կը յիշէ ըսելով . «Յի-
րաւի ձեր մէջ առաքեալի նշաններ գործուե-
ցան ամէն համբերութիւնով , նշաններով և
ոքանչելիքներով ու գորութիւններով» (Յ-
կորն . ԺԲ. 12):


Արուես. ուրիշ բառ մըն է որ կը գործա-
ծուի լնդհանրապէս հայերէն գրաբար թարգ-
մանութեան մէջ: Պետրոս Առաքեալ Պենտե-

կոստէլի առթիւ իր խօսած նշանաւոր քարոզին մէջ կ'ըսէ . «Լուարուք զբանս զայսոսիկ , ըզ-Յիսուս նազովրեցի , զայր ցուցեալ յԱստու- ծոյ ի քեզ զօրութեամբ և նշանօք ու արուես- տիւք զոր արար նովար Աստուած ի միջի ձե- րում» (Գործք . Բ . 22) : Տե՛ս նաեւ գրաբար թարգմանութեան մէջ հետեւեալ տեղերը (Մատթ . ԻԴ . 24 : Գործք . Բ . 43 և Երր . Բ . 4) :

Դ . — Հրացեներու տրուած անուններ (3) :

Զօրուրիւմի բառը նմանապէս հրաշքի հա- մազօր է Ս . Գրոց մէջ : Եբբայեցւոց թուղթին մէջ այսպէս կը կարդանք , «Աստուած ալ վը- կայեց նշաններով , հրաշալիքներով ու զանա- զան զօրութիւններով ու Ս . Հոգիին պար- գեւներովը , ինչպէս ինք կամեցաւ» (Եբր . Բ . 4) : Տե՛ս նաեւ (Գործք . Բ . 22 : Բ . Կորնթ . ԺԲ . 12 և Բ . Թես . Բ . 9) :

Գոյծ բառն ալ կը կիրարկուի տեղ տեղ Ս . Գրոց մէջ միեւնոյն իմաստով : Երբ հրեա- ները Յիսուսի ըսին . «Մինչեւ Ե՞րբ մեղ տա- րակուսանքի մէջ կը թողուս , եթէ Քրիստոսը դուն ես մեզի համարձակ ըսէ» : Յիսուս պա- տասխան տուաւ անոնց ու ըսաւ . «Չեզի ըսի ու չէք հաւատար , այն զործերը զորոնք ես իմ հօրս անունովը կը գործեմ անոնք կը վը- կայեն ինձի համար» (Յովհ . Ժ . 24-25) : Տե՛ս նաեւ (Յովհ . Ե . 21 , Ժ . 38 և ԺԴ . 11-12) :



29.— ՆԱՅԻՆԻ ՊԱՏԱՆԻԻՆ ՅԱՐՈՒԹԻՒՆԸ

Ե. — Եզրակացուքիւն:

1. Մեր հոգեւոր կեանքի մշակումին համար էականը հրաշքներուն արտաքին շահեկանութիւնը չէ, հապա անսոնց ներքին լուսաւուը:

2. Պօղոս Առաքեալ ըստւ. «Հրեաները նշան կ'ուզեն և յոյները իմաստութիւն կը վինտուեն, բայց մենք խաչեալ Քրիստոսը կը քարոզենք» (Ա. Կոլմ. Ա. 22-23):

3. Յիսուսի գործած հրաշքները մէջ մէկ սքանչելիքներ են, բայց մեծագոյն սքանչեմիքը իր անձն է:

4. Յիսուսի հրաշքներն ու զարմանալի գործերը ապացոյցներ են որ ինքը Աստուծոյ կողմէ աշխարհ դրկուած է որպէս մարդկային ցեղին Փրկիչը:



ԳԱՍ ԺԹ.

ՅԱՐՈՒԹԵՄՆ ՈՒ ԶԱՆԱՀՅՈՆ ՀՐԱՇԲՆԵՐ

Ա.— Յարութեան հրաժեներ:

Աւետարաններուն մեզի հաղորդած տեսեկութեան համեմատ Յիսուս երեք մեռելներ միայն ողջնցուցած է :

Ասոնցմէ մէկն է Նայինի պատաճին (Ղուկ. կ. 11-17) որ իր մօրը միակ զաւակն էր :

Երկրորդը Յայրոսի աղջիկն է (Մատթ. թ. 23-26: Մարկ. ե. 35-43: Ղուկ. կ. 49-56) որ տասներկու տարեկան հասակին մեռած էր :

Իսկ երրորդն է Բերանիացի Ղազարոսը (Յովհ. ԺԱ. 17-44) որ չորս օր առաջ մեռած ու թաղուած էր՝ երբ Յիսուս այցելեց անորդ գերեզմանը :

Ասոնցմէ առաջին երկուքը երխասասրդ էին և տակամին չթաղուած ողջնցան, իսկ երրորդը չափահաս տարիքին մեռած էր և չորս օր գերեզմանին մէջ մնալէ յետոյ է որ ստացաւ իր երկրորդ կեսմնքը :

Բ.— Զանազան հրաժեներ (ա):

Չուրին զինիի փոխուիլը (Յովհ. Բ. 2-11): Յիսուսի առաջին հրաշքն էր որ կատարուեցաւ Գալիլիոյ կանա քաղաքի հարսնիքին մէջ, ուր հրաւիրուած էր Յիսուս, ինչպէս նաև



ՅԱՅՐՈՍԻ ԱՌՋԿԱՆ ՅԱՐՈՒԹԵՆԵՐ

հրաւիրուած էին իր մալրն ու աշակերտները:

Հրաշալի ձկնորսութիւնը (Ղուկ. Ե. 1-11) տեղի ունեցաւ Գալիլիոյ ծովակին վրայ՝ ուր առաքեալներ բոլոր գիշերը աշխատած էին և չէին յաջողած: Յիսուսի թելազրութեան վրայ ուռկանը կրկին ջուրը կը ձգեն, և ահա այս անգամ անիկա այնքան կը լեցուի որ պատ-ռելու կը մօտենայ: Ապա ուրիշ նաւու մը օդ-նութեամբ ձուկերը կը քաշեն և կը լեցնեն երկու նաւելուն մէջ:

Աղեկոծութեան հանդարժիլը (Մատթ. Բ. 23-27: Մարկ. Գ. 35-40: Ղուկ. Բ. 22-25): Երբ Յիսուս ծովուն վրայ աշակերտներուն հետ կը ճամփորդէր, ծովը աւեկոծուեցաւ և նաւը ընկղթելու վասնգին մէջ էր: Աշակերտները սաստիկ վախցան, իսկ Յիսուս կը քնանար: Երբ զինքը արթնցուցին, սաստեց ծովուն և իսկոյն հագարտեցաւ ան, և շարունակեցին ի-րենց ճամփորդութիւնը անխոսով:

Գ.— Զանտպան հրաւեներ (բ):

Հիմք հապարին կերակրուիլը (Մատթ. ԺԴ. 15-21: Մարկ. Զ. 35-44: Ղուկ. Թ. 12-17: Յովհ. Զ. 5-13): Յիսուս կը քարոզէր Գալիլիոյ հիւսիսային կողմը, Բեթսայիդայի անապատին մէջ: Երեկոյեան դէմ ժողովուր-գը իրենց տեղերը անօթի չզրկելու համար, աշակերտներուն քով գտնուող հինգ հացն ու

երկու ձուկը օրհնեց Յիսուս և տուաւ անոնց որ բաշխեն ժողովուրդին։ Հայն ու ձուկը այնքան բազմացան որ հինգ հազար հոգի ու տելէն ու կշտանալէն ետքը տասներկու կողով ալ աւելցուկներ հաւաքեցին։ Յիսուս յատկապէս պատուիրած էր որ այս փշրանքները հաւաքեն։

Յիսուսի ծովուն վրայ յաղելը (Մատթ. ԺԴ. 25-33) տեղի ունեցաւ գիշեր ատեն երբ իր աշակերտները կը ճամբորդէին Գալիլիոյ ծովակին վրայ։ Պետրոս ալ թէեւ փորձեց քալել բայց չկրցաւ, Յիսուս օգնութեան փութալով փրկեց զինքը ընկղմելու ստոյգ վտանգէն։

Չորս հազարին կերակրուիլը (Մատթ. ԺԵ. 32-38։ Մարկ. Է. 1-9) տեղի ունեցաւ Դեկապոլիսի անապատին մէջ որ կը գտնուի Գալիլիոյ հարաւը։ Այս անգամ առաքեալները ունէին եօթը հաց և մի քանի ձուկ։ Յիսուս օրհնեց զանոնք, և չորս հազար հոգի կերան, կշտացան և եօթը զամբիւղ ալ փշրանքներ վերցուցին։

Դ.— Զանազան հրաժեներ (գ):

Յիսուսի այլակերպուրիննը (Մատթ. ԺԷ. 2-8։ Մարկ. Թ. 2-7։ Ղուկ. Թ. 29-36) պատահեցաւ բարձր լեռան մը վրայ, ուր Յիսուս իր երեք առաքեալներուն հետ ելած էր աղօթելու համար։ Այս առթիւ իրեն հետ խօսե-



ցան Մովսէսն ու Եղիան։ Առաքեալները վախ-
ցան։ Աստուած երկինքէն վկայութիւն տուաւ
Յիսուսի մասին և ըստաւ. «Դա է որդի իմ սի-
րելի, ընդ որ հաճեցայ, զմա լուարուք»։

Չուկին բերանեին դրամին զտնովիլը (Մատթ.
ԺԷ. 23-26) տեղի ունեցաւ այն տեեն երբ Յի-
սուս Կափառնայում՝ կը գանուէր և իրմէ
տուրք ուզեցին։ Յիսուսի ըրած թելադրու-
թեան վրայ Պետրոս ծով գնաց, ձուկ մը որ-
սաց և ձուկին բերանէն արծաթ վրամ մը
գտնելով վճարեց պահանջուած տուրքը թէ
Յիսուսի և թէ իրեն համար։

Անպտուղ թզենիին յանդիմանուիլը (Մատթ.
ԻԱ. 18-22; Մարկ. ԺԱ. 12-14) կը խորհրդաւ-
նըշէ հրեայ ազգին կրօնական կեանքին ա-
պարզիւն ըլլալը։ Հին Աւխտի զրութիւնը ի-
վիճակի չէր այլեւս Յիսուսի ժամանակ կրօ-
նական բարձր կեանք մը ստեղծելու ժողո-
վուրգին մէջ, և ահա այս իսկ պատճառաւ
անիկա տեղի տուաւ քրիստոնէութեան։

Երկրորդ հրաշալի ձկնորսութիւնը (Յովէ.
ԻԱ. 1-15) Յիսուսի յարութենէն վերջը պա-
տահեցաւ, յուստհատութեան մատնուած ա-
ռաքեալներուն հաւատքը զօրացնելու նպա-
տակաւ։

Ե.— Եզրակացութիւն:

1. Յիսուսի միջոցաւ՝ մեռեալք մարմնով

յարութիւն առին : Մեղքի պատճառաւ հոգիով
մեռեալներն ալ նոյնպէս կրնան նոր կեանք
ստանալ երբ Յիսուսի հետ շփման զան :

2. Ծովուն մէջ ալեկոծութիւնն ու փու-
թորիկը խկոյն գագրեցան և խաղաղութիւն
հաստատուեցաւ Յիսուսի ներկայութեամբը :
Մարդոց ներքին խոռոչութիւններն ալ կրնան
խաղաղի երբ անոնք Յիսուսի ներկայութիւնը
զգան իրենց մէջ :

3. Հաղարաւորներ երբ կերան ու կշտա-
ցան հացէն ու ձուկէն, Յիսուս պատուիրեց իր
աշակերտներուն որ փշրանքները չկորսնցնեն,
հասպա զանոնք խնամքով հաւաքեն ու վերցը-
նեն : Ասիկա խնայողութեան գեղեցիկ զառ
մըն է մարդոց համար (Յովհ. Զ. 12) :

4. Յիսուսի այլակերպութիւնը աղօթքի
արգիւնքն էր : Աղօթքին ոյժը անուրանալի է :
Աղօթքը կը փոխէ ենթակայլին ներքին տրա-
մագրութիւնը և կը վերացնէ անոր հոգին առ
Աստուած :



ՅԻՄՈՒՄԻ ՀՐԱՇՔՆԵՐԸ

Ա.

Ա. — Բժշկութեան հրաժեներ (1):

Ազնուականի որդւոյն բժշկուիլլ (Յովհ. 46—54): Յիսուս երբ Գալիլիոյ Կանա քաղաքն էր, Կափառնայումէն ազնուական մարդ մը եկաւ և խնդրեց իրմէ որ Կափառնայում դայ և բըժցէ իր որդին: Յիսուս առանց հոն երթալու ըստ ազնուականին. «Գնա՛, քու որդիկ առողջ է»: Ազնուականը երբ գարձաւ իր տունը ուրախացաւ տեսնելով իր տղուն ապաքինումը: Ասոր վրայ հաւատաց Յիսուսին իր ամբողջ ընտանիքով:

Կափառնայումի դիւանարը (Մարկ. Ա. 23—28: Ղուկ. Դ. 33-37) բժշկուեցաւ երբ Յիսուս Կափառնայումի ժողովարանին մէջ կը քարոզէր: Պիղծ ոզին մարդուն ներսի գիէն աղաւչեց Յիսուսին, ըսելով. «Ո՛վ Յիսուս նալովարեցի, մեզի հետ ի՞նչ բան ունիս»: Յիսուս սաստեց անոր և ըստ: «Պապանձէ՛ և ե՛լ ատեկէ»: Պիղծ ոզին խկոյն ելաւ և զիւահարը հանգստացաւ:


Պետրոսի զոխանջը (Մատթ. Է. 14-15: Մարկ. Ա. 29-31: Ղուկ. Դ. 38-40) նոյնպէս բժշկուե-

ցաւ կափառնայումի մէջ։ Յիսուս ժողովարանէն գուրս ելլելով Անդրէասի և Սիմոնի տունը մտաւ Յակոբոսի և Յովհաննէսի հետ միասին։ Սիմոնի զոքանչը ջերմէ բռնուած հիւանդ կը պառկէր հոն։ Յիսուս մօտեցաւ անոր, ձեռքէն բռնեց և վերցուց։ Հիւանդը բժշկուեցաւ իսկոյն և սկսաւ անոնց սպասաւորել։

Բ.— Բժշկութեան հրատեներ (2):

Գալիխացի բորոտին բժշկուիլը (Մատթ. լ. 2-4: Մարկ. Ա. 40-45: Ղուկ. Ե. 12-16): Երբ Յիսուս կը շրջէր Գալիլիոյ մէջ Աստուծոյ արքայութեան աւետարանը քարոզելու համար, քաղաքի մը մօտ բորոտ մը եկաւ և խնդրեց իրմէ որ բժշկէ զինքը։ Յիսուս խղճալով, ձեռքը երկնցուց, դպաւ անոր և առողջացուց։ Ապա զինքը քահանային զրկեց որ լրացնէ օրինական ձեւակերպութիւնները։

Կափառնայումի անդամալոյձը (Մատթ. թ. 2-8: Մարկ. Բ. 1-12: Ղուկ. Ե. 17-26) բըժշկուեցաւ տունի մը մէջ, ուր Յիսուս կը քարոզէր մեծ բազմութեան մը առջեւ։ Զորս հոգի անդամալոյձը բերին պատգարակի մը վրայ դրուած, բայց բազմութեան պատճառաւ չկրցան ներս մտնել, և ուստի վերը եւան և տանիքին վրայէն ծակ մը բանալով մահիճը վար իջեցուցին։ Յիսուս տեսնելով անոնց հաւատքը բժշկեց անդամալոյձը, թու-



ղութիւն տալով նաեւ անոր մեղքերուն։ Անգամալոյնը բժշկուած իր մահիճը առաւ և տուն վերադարձաւ։

Յերիկոյայի անդամաղոյնը (Յովհ. Ե. 2-8) հիւանդ կը պառկէր երեսուն ութը տարիէ ի վեր։ Երուսաղէմի մէջ, տաճարին մօտ, Բեթհեղդա կոչուած աւազան՝ մը կար, և ատեն տաեն Աստուծոյ հրեշտակը այս աւազանին ջուրերը կը խառնէր, և ով որ առաջին անգամ ջուրը իջնէր իր հիւանդութենէն կը բռնժուէր իսկոյն։ Անգամալոյնը ջուրը չիջած ուրիշները իրմէ առաջ կ'իջնէին և ինքը կը զրկուէր բժշկուելէ։ Յիսուս զթաց անոր այս վիճակին վրայ և բժշկեց զի՞նքը իր անդամալուծութենէն։

Գ. — Յժշկուրեան հրաժներ (3):

Կասիառնայումի զօսցեալը (Մատթ. Ժ. 9-14; Մարկ. Գ. 1-6; Ղուկ. Զ. 6-11) շաբաթ օր հրէից ժողովարանին մէջ բժշկուեցաւ։ Փարիսեցիներ, Հերովդէսեաններ շաբաթ օր տեսնելով Յիսուսին ասանկ բժշկութիւններ լնելը սաստիկ զայրացան իրեն դէմ։

Հարիւրապեսի ծառային (Մատթ. Է. 5-13; Ղուկ. Է. 2-10) բժշկութիւնը տեղի ունեցաւ կափանայումի մէջ։ Յիսուս չգնաց հարիւրապետին տունը, այլ անոր փափաքին վրայ հրաման ըրաւ միայն, և ծառան բժշկուեցաւ

Յակոյն։ Յիսուս գովեց այս հեթանոս հարիւտ քաղետին հաւատաքը։


Համբ ու կրյոր դիւանար մը (Մատթ. Ժ. 22-23) բերլին Յիսուսի օր մը կափառնայումի մէջ և խնդրեցին իրմէ որ զայն բժշկէ։ Յիսուս բժշկեց զայն, այնպէս որ երբ գեւը եւ լաւ, մարդը սկսու թէ խօսիլ և թէ տեսնել։

Դ. — Բժշկութեան հրաշեներ (4):

Գերգեացի դիւանարը (Մատթ. Է. 28-34։ Մարկ. Ե. 1-20։ Ղուկ. Է. 26-39) քաղաքին մօտը գերեզմաններու մէջ կը բնակէր։ Երբ անոր մէջ բնակող գեւը Յիսուսը տեսաւ, ճանչցաւ զայն, և խնդրեց անկէ որ զինքը և իր ընկերները արտօնէ որ խոզերու երամակին մէջ մանեն։ Եւ Յիսուս արտօնեց զանոնք, և գեւերը մտան խոզերու երամակին մէջ և եւ քամակի գահավէժէն գէպի ծովը խոյացաւ և խեղզուեցաւ ծովուն մէջ։ Դիւանարը բժըշկուած տուն վերադարձաւ։

Տեռասես կիոջ (Մատթ. Թ. 20-22։ Մարկ. Ե. 25-34։ Ղուկ. Է. 43-48) բժշկութիւնը կատարուեցաւ ճամբուն վրայ, երբ Յիսուս Յայրոսին տունը կ'երթար։ Կինը հաւատաքով Յիսուսի հանդերձին քղանցքին գպաւ և խօսին բժշկուեցաւ։ Յիսուս քաջալերեց զայն և գովեց անոր հաւատաքը։

Երկու կոյրերուն (Մատթ. Թ. 27-31) աչ-



քը բացուեցան Յայրոսի աղջկան ողջննաւէն վերջը։ Այս երկու կոյրերը Յիսուսին ետեւէն կուգային չարունակ և առանց յուսահատելու և յարատեւօրէն կ'աղաղակէին ու կ'ըսէին. «Ողորմէ՛ մեզի, Որդի Դաւթի»։ Յիսուս երբ առն հասաւ, տեսնելով անսնց հաւատքն ու յարատեւութիւնը դպաւ անսնց աչքերուն և բժշկուեցան վայրկենապէս։

6.— Եզրակացութիւն։

1. Դիւերը Յիսուսի ներկայութենէն կը խորշէին, Յիսուս զանոնք կը սաստէր ու կը պատժէր։ Յիսուս լոյս է, խաւարը չի կրնար լոյսին քով կենալ։

2. Յիսուսի բժշկութիւնները հաւատքի վրայ հիմնաւած էին։ Երբ հեթանոսներուն մէջ ալ Յիսուս հաւատք կը տեսնէր կը գնահատէր և անսնց հիւանդներուն եւս բժշկութիւն կուտար։

3. Յիսուս կարող էր բուժել ամէն տեսակ հիւանդութիւններ։ Ան կրնայ նաեւ ներել ամէն տեսակ մեղքեր։

4. Երկու կոյրերը իրենց յարատեւութեամբը Յիսուսի գութը չարժեցին և այս իսկ պատճառաւ բացուեցան անսնց աչքերը։ Յարատեւութիւնը յաջողութեան կարեւոք պայմաններէն մէկն է։



ՊԱՍ ԻԱ.

ՅԻՍՈՒԵՍԻ ՀՐԱՇՔՆԵՐԸ


Բ.

Ա. — Բժշկութեան հուաօքներ (1):

Համբ դիւսանար (Մատթ. Թ. 32-34: Դուկ ԺԱ. 14-15) մը կար որ զեւ մը ունէր ներսը և այդ պատճառաւ չէր կրնար խօսիլ: Երբ զանիկա Յիսուսի բերին, Յիսուս հանեց զեւը, և մարդը հանգստացաւ և սկսաւ խօսիլ:

Քանանացի աղջկան մը բժշկուիլը (Մատթ. ԺԵ. 21-28: Մարկ. Է. 24-30): Յիսուս Գալիլիայէն Փիւնիկէի կողմերը գացած էր, հոն Քանանացի կին մը կար, Փիւնիկ Ասորի ցեղէն, որ աղջիկ մը ունէր: Այս վերջինը սաստիկ կը չարչարուէր իր ներսը բոյն զրած զեւը մը պատճառաւ: Կինը, Յիսուսի ներկայութենէն օգտուելով, խնզրեց անկէ որ բժշկէ իր աղջիկը: Յիսուս կնոջ հեթանոսութիւնը նկատի առնելով համակրանք մը չցուցուց սկիպրը, բայց տեսնելով անոր հաստատուն հաւատքը բժշկեց աղջիկը:

Բերսայիդայի կոյրին բժշկութիւնը (Մարկ. Է. 22-26): Յիսուս Բեթսայիդայի մէջ զիւզ մը կը գտնուէր՝ առջեւը կոյր մը բերին, և աղաչեցին որ գպչի անոր: Յիսուս կոյրը զիւ-



զէն գուրս հանեց և անոր աչքերուն թքնելով
ձեռքը վրան դրաւ, և հարցուց անոր
թէ բան մը կը տեսնէ՞ : Կոյրը ըսաւ, մարդիկ
կը տեսնեմ որ ծառերու նման կը պտտին :
Նորէն ձեռքը անոր աչքերուն վրայ դրաւ և
կոյրը ահա ալս անդամ կատարելապէս բուժ-
ուելով սկսաւ տեսնել ամէն ինչ յստակօրէն :

Բ. — Բժշկութեան հրաժեներ (2):

Լուսնոս դիւանարին բժշկութիւնը (Մատթ.
Ճկ. 14-17 : Մարկ. Թ. 13-26 : Ղուկ. Թ. 37-44) :
Յիսուս երբ այլակերպութեան լեռնէն վար
իջաւ հոն մարդ մը իրեն մօտեցաւ, և խնդը-
րեց իրմէ որ իր միակ որդին բժշկէ լուսնո-
տութենէ որ արդիւնքն էր պիղծ ոգիի մը :
Մարդը նախապէս գլումած էր Յիսուսի աշա-
կերտներուն բայց անոնք չէին կրցած բուժել :
Յիսուս սաստելով պիղծ ոգիին բժշկեց տղան
և յանձնեց իր հօրը :

Ի ծնէ կոյրին բժշկութիւնը (Յովհ. Թ. 1-2)
տեղի ունեցաւ երուսաղէմի մէջ : Երբ Յիսուս
կոյրին հանդիպեցաւ թքաւ գետինը և թու-
քով կաւ շինեց և կաւը կոյրին աչքերուն վը-
րայ ծեփեց, և յետոյ զրկեց զանիկա Սելովա-
մի աւազանը լուացուելու համար : Կոյրը զը-
նաց և լուացուեցաւ և ահա կը տեսնէր : Այս
հրաշքը գրգռեց հրեաները Յիսուսի դէմ :
Կարկանեալ կնոշ բժշկութիւնը (Ղուկ. ԺԳ •


10-17) կատարուեցաւ հրէից ժօղովարանին մէջ, ուր Յիսուս կը քալովէր: Կին մը կար հան որ գեւ մը ունէր և այդ պատճառաւ տասանութը տարիներէ ի վեր կծկած էր և ամենաեւին չէր կրնար շխտակ կայնիլ: Յիսուս տեսանելավ զայն իրեն կանչեց և բուժեց հրւանգութենէն, և կինը սկսաւ շխտակ կայնիլ: Օրը Շաբաթ էր և բժշկութիւնը Շաբաթ օր կատարուելուն համար հրեաներուն բարկութիւնը գրգռուեցաւ:

Գ.— Բժշկութեան հրաօններ (3):

Զրզողեալին բժշկութիւնը (Ղուկ. ԺԴ. 1-6) նմանապէս Շաբաթ օրը կատարուեցաւ երբ Յիսուս փարիսեցին մը տունը ճաշի հրաւիրուած էր: Հոն ջրզողեալ մարդ մը կար, Յիսուս քովը կանչեց զայն և բժշկեց:

Տասը բորսներ (Ղուկ. ԺԸ. 11-19) Սամարիոյ և Գալիլիոյ սահմանագլուխին վրայ գիւղի մը մէջ Յիսուսի հանգիպեցան և խնդրեցին անկէ որ զիրենք բժշկէ: Յիսուս քահանային զրկեց զանոնք, և երբ կ'երթային մաքրուեցան: Ասոնցմէ մէկը Սամարացի էր և եկաւ Յիսուսին շնորհակալութիւն յայտնեց. իսկ միւս ինը հրեաները ապերախտ գտնուեցան:

Երիխովի կոյրին բժշկութիւնը (Ղուկ. ԺԸ. 35-43): Երբ Յիսուս երիքով քաղաքը կը մտնէր ճամբառն վրայ կոյր մը կար որ կը մոռ-



բար։ Սա տղաղակեց և խնզրեց Յիսուսէն որ
բժշկէ զինքը։ Յիսուս, տեսնելով անոր հաւ-
ատաքը, բացաւ անոր աչքերը և նա սկսաւ
տեսնել ամէն բան։

Դ.— Բժշկութեան նրանքներ (4):

Բարտիսկոս կոյրին բժշկութիւնը (Մատթ.
Ի. 29-34։ Մարկ. ֆ. 46-52) տեղի ունեցաւ
նոյնպէս Երիքովի մօտ։ Սա տարբերութեամբ
որ միւս կոյրը բժշկուեցաւ Երբ Յիսուս Երի-
քով կը մտնէր։ Խակ Բարտիմէսը բժշկուե-
ցաւ, զրեթէ նմանօրինակ կերպով, Երբ Յի-
սուս Երիքովէն գուրս կ'ելլէր։

Մալիոսի ականջին բուժուիլը (Ղուկ. ԻԲ.
50-51) Յիսուսի ձերբակալութեան զիշերը
Գեթսեմանիի մէջ պատահեցաւ։ Քահանայա-
պետի սպասաւորներէն մին Մաղքոս անունով՝
Երբ Յիսուսի վրայ կը յարձակէր Պետրոս դի-
մազրել փորձելով իր սուրբ քաշեց և կտրեց
անոր աջ ականջը։ Յիսուս խկայն բժշկեց
Մաղքոսի ականջը, և միանգամայն զգուշա-
ցուց Պետրոսը որ չկրկնէ այդ տեսակ բան մը։


Ե.— Եղրակացութիւն։

1. Յիսուս ա'յնքան բարեսիրտ մէկն էր որ
Փիւնիկեցի հեթանոսն անդամ անկէ օգտուե-
ցաւ։ Երեն համար իրաւամբ զրուած է թէ ա-
ման օր բարիք ընկելով կը չըջէր (Գործք. Ճ. 38)։

2. Յիսուս կոյրերուն աչքերը բացաւ։
Մարմնաւոր կուրութիւնը դժբախտութիւն է,
բայց աւելի մեծ դժբախտութիւն է հոգիով
կոյր ըլլալ։

3. Բժշկուած տասը բորտաներէն միայն
մէկը չնորհակալութիւն յայտնեց, միւս ինը
հրեաները տպերախտ գտնուեցան և չկրցան
զնահատել Յիսուսի ըրած բարիքը։

4. Որքան տռաքինութիւն է բարիք գոր-
ծել, նոյնքան առաքինութիւն է նաեւ ուրի-
շին ըրած բարիքը ճանչնալ և զնահատել։ Ա-
պերախտութիւնը կը ստորմացնէ մարդու նը-
կարագիրը, իսկ երախտագիտութիւնը կը մեծ-
ցընէ զմարդ։



ՆՐԱԾԲԲԻ ԵՒ ԲՆԱԼԻԹԵՑՄՆ ՕՐԼՆԲԲԻ

Ա.— Հրաւելի սահմանը:

Հրաշք կը կոչուին այն գէպքերն ու երեւոյթները որոնք մեր զիտցած բնական օրէնքներով չեն բացատրուիր:

Զոր օրինակ, Դաղարոս մեռած ու թաղուած էր, չորս օր ետքը Յիսուս զայն զերեզամանէն գուրս կանչեց և վերակենդանացուց: Ասիկա հրաշք կը կոչենք, քանզի մեր զիտցած բնական օրէնքներով չենք կրնար բացատրել զայն:

Բ.— Հրաւելին առնչութիւնը բնական օրէնքներու հետ:

Հրաշքը բնութեան օրէնքներուն հակառակ չէ: Բնութեան օրէնքները ուրիշ բան չեն բայց եթէ Աստուծոյ ունակութիւնները: Ուրիշ խօսքով, Աստուծոյ կեանքին սկզբունքները, որոնք անյեղլի են և անեղծանելի, և կը կառավարեն մեր տիեզերքը(*):

(*) Ներուի մեզի դիտել տալ որ Սուրբ Գրոց մէջ պատմուած հրաւելները ի յայս կը բերեն Աստուծոյ ամենակարողութիւնները եւ կը հաստատեն թէ Աստուծ երբեմն մասնաւոր գործեր կը կատարէ, որոնք բնուրեսն սովորական պարագաներ են:

Աստուած կը յարգէ իր սկզբունքները և
չի գործեր իր հաստատած օրէնքներուն դէմ։
Սատուած բնութեան մէջ գործած է անցեալի
մէջ և այսօր ալ կը գործէ, բայց ոչ թէ իր
քմահաճոյքին համեմատ, կամ կամայապաշտ-
օրէն, այլ անյեղի սկզբունքներով և որոշ օ-
րէնքներու միջնցաւ։

Գ. — Հրաժեին բացատրութիւնը։
Հրաշքը կը կատարուի բնական օրէնքնե-
րով, այն օրէնքներով որոնք մեզի անձանօթ-
են։

Բնութիւնը, որուն մէջ կ'ապրինք, լեցուն-
է գաղտնիքներով և օրէնքներով, որոնց մա-
սին մենք շատ քիչ բան գիտենք։ Ովկիանոսի
մէջ ջուրի մեծ զանգուածին քով մէկ կաթիւ
ջուրը ինչ որ է մեր գիտցած օրէնքները մեր
չգիտցած բնութեան օրէնքներուն հետ գրեթէ
նոյն համեմատութիւնը ունին։

Ասկէ երեք հազար տարի առաջ մեռած-
մէկը, եթէ կարենար այսօր յարութիւն առնել
և երկրագունդս այցելել, հրաշք պիտի կոչէր
օգանաւին մէջ մարդոց թռչուններու նման

Կարգէն դուրս են։ Աւիտ խօսով՝ Աստուածաւենցը կ'ու-
սուցանէ քէ թնութեան օրէնքները ենթակայ են Աստուածը
կամին։

Ն. Պ. Պ.

թռչիլը։ Որովհետեւ ինքը երեք հազար տարի
առաջուան իր գիտցած օրէնքներով չէր կրնար
բացատրել օգանաւին շարժիլը օգին մէջ։

Գ. — Հրաժեիլ եւ քիստնեական հաւատելից։
Քրիստոնէական հաւատեքը հրաշքի վրայ
հիմնուած չէ, այլ Յիսուսի ապրած կեանքին
և անոր մեզի հազորդած բարձրագոյն սկզբ-
րունքներուն վրայ։ Քրիստոնէական կրօնին
առանցքը Յիսուս ինքն է։ Ա. Գրոց հրաշք-
ները Քրիստոնէական հաւատեքի հետ անուղ-
ղակի միայն կապ ունին։ Մենք Յիսուսը
կը սկրենք ու կը պաշտենք, ոչ թէ հը-
րաշքներ գործած ըլլալուն պատճառաւ, այլ
մեզի գաղափարական բարձր կեանքի մը
օրինակը տուած ըլլալուն համար։ Եթէ
Յիսուս մէկ հատ խակ հրաշք գործած ըլլար
իր արժանիքէն որ եւ է բան կրկին չէր կոր-
ունցներ իբր առաջնորդը քրիստոնէական հա-
ւատեքի։

Քրիստոնէական կրօնին հեռանկարը, ուս-
տի, ոչ թէ հրաշքն է այլ հրաշագործը, ոչ թէ
պարզեւն է այլ պարզեւատուն։ Մեծագոյն
հրաշքը քրիստոնէական կրօնի մէջ Յիսուսի
աշխարհ բերած բարձրագոյն կեանքն է։ Կեանք
մըն է այն, որուն հետեւիլ մեզ կը վերացնէ
և Աստուծոյ կը մօտեցնէ։


Ե. — Եզրակացութիւն:

1. Հըրաշքը այսօր ալ կը կատարուի: Անառակ երիտասարդ մը երբ արթննայ, գարձի գայ, փոխուի ու բարի մարդ գառնայ, ասիկա աւելի մեծ հրաշք է քան թէ մարդու մը իր Փիղիքական ախտերէն բուժութիւլ:

2. Աստուած կը գործէ բնութեան անյեղլի օրէնքներուն միջոցաւ: Աստուծոյ հետ մեր յարաբերութիւնները այն ատեն կը շտկուի երբ յարգենք բնութեան մէջ իր գրած բնական ու բարոյական օրէնքները:

3. Աստուծոյ անեղլ և անսահման գիտութեան քով մեր գիտութիւնը ոչինչի կը հաւասարի: Պէտք է ուրեմն միշտ խոնարհ ըլլանք ու ամէն ատեն սորվինք, և զգուշանանք իմաստակ ըլլալէ:

4. Եթէ ուղենք որ Աստուած մեր կեանքին մէջ ալ հրաշքներ կատարէ, պէտք է հետեւինք Յիսուսի ապրած գաղափարական կեանքին և աշխատինք իւրացնել զայն:



ԴԱՍ ԻԳ.

ՎԵՐԱԲԵՐԸ

(ՀԱՐՑՈՒՄՆԵՐ)

ԴԱՍ Ա Ժ.Թ.

1. Յիսուս ի՞նչ շարժառիթով գործեց իբ
հրաշքները :

2. Հրաշքներուն համար ի՞նչ անուններ
արուած են Ա. Գրոց մէջ :

3. Բացատրէ՛ այս անուններուն նշանա-
կութիւննը :

ԴԱՍ Ա Ժ.Թ.

4. Յիսուս քանի՞ հատ մեռեալ կենդա-
նացուց . յիշէ՛ ամէն մէկուն պարագաները :

5. Բացատրէ՛ ջուրին զինիի փոխութիւր ,
հրաշալի ձկնորսութեան և ծովուն ալեկածու-
թեան հանգարտիլը :

6. Պատմէ՛ հինգ հազարին կերակրութիւր ,
ծովուն վրայ Յիսուսի քալելը , և չորս հազա-
րին կերակրութիւր :

7. Յիսուսի այլակերպութիւնը ո՞ւր տեղի
ունեցաւ և ի՞նչպէս :

8. Պատմէ՛ ձուկին բերանէն դրամին գըտ-
նութիւր , անպտուղ թգենիին յանդիմանութիւր և
երկրորդ հրաշալի ձկնորսութիւնը :

Գ. Ա. Ս. Ի.

9. Նկարագրէ՛ աղնուականի սրգւոյն բը-
ժըշկուիլը:

10. Պատմէ՛ կափառնայումի դիւահարին
և Պետրոսի զոքանչին բժշկուիլը:

11. Նկարագրէ՛ Գալիլոյ բորստին և Կա-
փառնայումի անդամալոյծին բժշկութեան
պարագաները:

12. Բեթհեղպայի անդամալոյծը ի՞նչպէս
բուժուեցաւ:

13. Բացատրէ՛ կափառնայումի գոսացեա-
ւին, հարիւրագետի ծառային, և համր ու
կոյր գիւահարին բժշկութեան գէպքը:

14. Գերգեսացի դիւահարը ո՞ւր և ի՞նչպէս
բուժուեցաւ, պատմէ՛ նաև տեռատես կնոջ
և երկու կոյրերուն բուժուիլը:


Գ. Ա. Ս. Ի. Ա. Ա.

15. Նկարագրէ՛ համր գիւահարին, Բանա-
նացի աղջկան և Բեթսալիդայի կոյրին բժշ-
կութիւնը:

16. Պատմէ՛ լուսնոտ գիւահարին, ի ծնէ
կոյրին, և կարկամեալ կնոջ բժշկութեան պա-
րագաները:

17. Բացատրէ՛ ջրգողեալին, տասը բորսո-
ներուն և Երիքովի կոյրին բժշկութիւնը:

18. Պատմէ՛ Բարտիմէսոս կոյրին բժշկու-
թիւնը, և Մաղքոսի ականջին բուժուիլը:



Թ Ա. Ս Ի Բ.

19. Ի՞նչ է հրաշքը :
20. Կուսաբանէ՛ հրաշքին սահմանը օրինակով մը :
21. Հրաշքը ի՞նչ առնչութիւն ունի բնական օրէնքներու հետ :
22. Աստուած ինչո՞ւ կը յարգէ բնական օրէնքները :
23. Ի՞նչպէս կրնաս բացատրել հրաշքը :
24. Հրաշքը քրիստոնէական հաւատքին հետ ո՞րքան սերտ կապ ունի :
25. Ի՞նչ է քրիստոնէական կրօնին հեռանկարը :

ՄԱՍՆ ՀԻՒԳԵՐՈՐԴ

ՅԻՍՈՒՍԻ ԽԱԶԵԼՈՒԹԵԱՆ ՇԱԲԱՔԸ

ԵՒ ԱՆՈՐ ՅԱՐՈՒԹԻՒՆՆ ՈՒ

ՀԱՄԲԱՐՁՈՒՄԸ

ՊԱՍ Ի Պ.

ՅԻՍՈՒՍԻ ՀԱՆԴէՊ ՀՐԵՒՑ

ԱՏԵԼՈՒԹԵԱՆ ՊԱՏՃԱՌՈՒ ԵՒ ՅԻՍՈՒՍԻ


ՎԵՐԱԴՐՈՒԱԾ ՅԱՆՑԱՆՔԻ

(ՄԱՏԹ. ԽԶ. 3-5; ՄԱՐԿ. ԺԴ. 1-2; ՂՈՒԿ. ԽԲ. 1-2;
ՅՈՎ. Ե. 16-19 Եւ ԺԱ. 47-57)

Ա.— Հրեից կրօնական դրութիւնը Յիսուսի
ժամանակ:

Յիսուսի ժամանակ հրէից կրօնը կորսնցու-
ցած էր իր ներքին կենսունակութիւնը։ Մով-
սիսականութիւնը ունէր շատ մը ծէսէր ու ա-
րարողութիւններ որոնք կը կատարուէին մե-
քենաբար։ Ժողովուրդը կրօնքին ներքին ի-
մասուը մոռցած՝ բարեպաշտութեան արտաքին
ձեւակերպութիւններովը կը զբաղէր և անոնց-
մով կը շատանար սոսկ։

Յիսուս սակայն չհետեւեցաւ ժամանա-



40.— ՅԻՍՈՒՍ ԳԵԹՍԵՄԱՆԻ ՄԵԶ

կակից հրեաներու այս սխալ ընթացքին, և
չյարգեց նախահայրերու աւանդական սովո-
րութիւնները տառապաշտօրէն, այլ հրեանե-
րէն բոլորովին տարբեր ընթացքի մը հետեւե-
ցաւ որ էր հաւատաքի շխտակ ճամբան :

Բ.— Հրեաներու ատելուքեան պատճառները:

1) Յիսուս հրէից արտաքին ծէսներուն և
արարողութիւններուն ետեւ ներքին իմաստ
մը կը տեսնէր: Իսկ հրեաներուն կրօնքին ար-
տաքին կեղեւը կը յարգէին, և ահա այս իսկ
պատճառաւ Յիսուսի և իրենց միջեւ դադա-
փարի բախում յառաջ եկաւ և սկսան զինքը
հալածել:

2) Հրեաներ աշխարհիկ ըմբռնումով Մե-
սիա մը կ'ակնկալէին որ ապստամբելով Հը-
ովովմի լուծէն ազատէր զիրենք: Բայց երբ
Յիսուս անոնց ներկայացաւ իրեւ հոգեւոր Մե-
սիա, յուսախաբ եղան և զինքը հալածեցին:

3) Յիսուս ժողովուրդին հոգեւոր կարիքը
բարելիներէն շատ աւելի լաւ կը գոհացնէր և
որով ժողովուրդը իրեն կը քաշէր: Փարիսե-
ցիները կը նախանձէին ասոր և կը հալածէին
զՅիսուս:

4) Յիսուս կը բողոքէր հրեայ հասարա-
կութեան կեղծ բարեպաշտութեան դէմ, և
ուստի կը հալածուրդ ժողովուրդին կողմէ:

5) Յիսուս թէ իր ապրած բարձր կեանքով

և թէ ուսուցումներով հրէից կրօնը վերակենացնացնելու և վերանորոգելու կը ձգտէր։ Աւանդամու և մալեռանդ հրեաներ չկրցան հանգուրժել ասոր և Յիսուսը հալածեցին և վերը խաչ հանեցին։

Գ.— Հրէից ամբաստանուրիւնը։

Երբ հրեայ բաբելոներ չկրցան մրցիւ Յիսուսի հետ շխատի ճամբայով, սկսան ծուռ միջոցներու դիմել և վարկարեկել զայն, որպէս զի յանցաւոր ցուցնեն զինքը ժողովուրդին առջեւ։


Յիսուս անմեղ էր և ժողովուրդին բարեգաւութեան համար միայն աշխատած էր, բայց հրեաները, նախանձով ու ատելութեամբ լեցուած, թերութիւններ փնտոելու աշխատեցան անոր վրայ. և երբ յանցանք մը չկրցան գտնել, լոկոյն կարծեցեալ կարդ մը յանցանքներով մահուան գատապարտեցին զինքը։


Գ.— Յիսուսի կարծեցեալ յանցանեները։

Բատ հրէից սխալ գատողութեան Յիսուսի կարծեցեալ յանցանքներն էին։

1) Յիսուս ըսած էր թէ կարող եմ տաճարը երեք օրուան մէջ քակել և վերաշնել (Մատթ. իջ. 61: Մարկ. մի. 58):

2) Ինքզինքը Մեսիա, այսինքն Որդի Առառւծոյ կոչած էր (Մատթ. իջ. 63-65: Յով. Ժթ. 7):





3) Ժողովուրդը գրգռած էր որ Հռովմիքայուսութեան տրուելիք հարկը չվճարէ (Ղուկ. իդ. 2):

4) Ինքզինքը հրէից թագաւոր անուանած էր, և ժողովուրդին մէջ եղած էր խոսվարաբ մէկը և ապստամբ Հռովմի պետութեան դէմ (Ղուկ. իդ. 1-3):

Յիսուս ինչ որ ըրած էր հոգեւոր իմաստով խօսած էր, և որ և է ապստամբական ու զից տուած չէր Հռովմի կայսրութեան դէմ:

Այս չորս կարծեցեալ յանցանքներուն առաջին երկուքը հրէից կրօնին կը պատկանէին, իսկ վերջին երկուքը քաղաքական բընոյթ կը կրէին(*):

Ե.— Եղրակացուրիւն:

1. Կրօնական արարողութիւնները արժէք մը կը ներկայացնեն այն ատեն միայն երբ անոնց ներքին խմաստը կենդանի է: Բայց երբ անոնց խմաստը մոռացութեան մատնուած է, անոնք անարժէք բեռ մը կը դառնան:


2. Հրեաները հալածեցին զթիսուս, քան

(*) Այս մասին առելի տեղեկութեան համար տե՛ս «Փառու Հայուսանեայց»ի 1933, Ապրիլի թիւ, էջ 65:

զի նա իբրեւ լոյս անոնց խաւարի արարքները
երեւան կը բերէր :

3. Զբագլառութիւնը տկարին զէնքն է ։
Հրեաները Յիսուսի հետ չկրցան մրցիլ, և երբ
տեսան որ պիտի յաղթուին, զբագլեցին
զայն և ատով յագուրդ տուին ատելավոռ
կիրքերուն :

4. Հրեաները, Յիսուսին կարդ մը յան-
ցանքներ վերագրելով, թէ իրենք զիրենք
խարեցին և թէ աշխատեցան զԱստուած խա-
րել։ Աստուած սակայն ոչ խարուեցաւ և ոչ
աւ կը խարուի :



42.— ՅԻՍՈՒՍ ԽԱԶՈՒԵԼՈՒ ԿԸ ՏԱՐՈՒԻ

ՊԱՍ Ի Ե.

ՅԻՍՈՒՆԻ ԽԱԶԵԼՈՒԹԻՒՆԸ

(Պ.ՈՒԿ. ԽԳ. 32-43)

Ա.— Յանցաւորը խաչելով սպաննելու սովորութիւնը:

Յիսուսի ժամանակ մեծ յանցաւորները
խաչելով կը սպաննէին Հռովմի մէջ։ Բայց
անկէ շատ առաջ խաչափայտով յանցաւորը
պատժելու զրութիւնը կար արդէն կարկեգոնին
և Պարսկաստանի մէջ։ Ապա ժամանակի ըն-
թացքին Յունաստան անցաւ այս սովորու-
թիւնը և Յունաստանէն ալ Հռովմ մտաւ։

Եւ քանի որ Երուսաղէմ Հռովմի պետու-
թեան ենթակայ էր, ուստի Յիսուս իրը յան-
ցաւոր Հռովմի կառավարութեան յանձնուե-
ցաւ և Հռովմայեցի զինուորներու միջոցաւ
Գողգոթայի բլուրին վրայ սպաննուեցաւ խաչի-
անարդ մահով։

Բ.— Յիսուսի սիրոյ պատուերը Եւ աղօքը
Գերսեմանիի մէջ։

Ամէն տարի, ըստ տիրող սովորութեան,
Յիսուս Զատկին Երուսաղէմ կուգար։ Վերջին
տարին, ճամբուն վրայ, Բեթանիոյ մէջ Ղա-
զարոսը ողջնցուց, ասիկա հակառակորդներուն
նախանձը աւելի գրգռեց իրեն դէմ։ Իսկ երբ

Երուսաղէմ մտաւ մեծ թափօրով և ովսան-նաներով՝ հրեաներուն կիրքը աւելի բոցավառեցաւ, և վերջապէս որոշեցին սպաննել զայն։ Յիսուս գիտէր զայդ, և կամովին լնդ առաջ գնաց մահուան։ Համոզուած ըլլալով թէ իր մտհը փրկութեան ճամբար պիտի բանար մարդկութեան առջեւ։


Իր կեանքի այս վերջին օրերուն Յիսուս խրատեց իր աշակերտները որ չյուսահատին այլ հաստատուն մնան իրենց հաւատքին մէջ։ Ի միջի այլոց պատուէր մըն ալ տուաւ անոնց և ըստւ։ «Սիրեցիք զիմնեամս»։ Յիսուսի վերջին պատուէրներուն մէջ ամենէն կարեւորեէ այս։

Զերբարկալութեան գիշերը Յիսուս Գեթսեմանիի պարտէզը եկաւ իր աշակերտներով և ազօթեց հոն երեք անգամ և ինքինքը յանձնեց Աստուծոյ կամքին։ Քիչ յետոյ Յուգա եկաւ մատնեց զինքը թշնամիներուն ձեռ քը և Յիսուս գատապարտուեցաւ խաչի մահուան։

Գ.— Պիլատոսի երկյոս լմբացքի։

Հրեաներ Յիսուսը իրենց ազգային ատեանին առջեւ մահուան գատապարտելէ յետոյ Պիլատոսի ատեանը տարին որ վաւերացնէ ու գործադրէ իրենց այս որոշումը։

Պիլատոս Հոռվմի պետութեան կուսակալն էր երուսաղէմի մէջ այն ատեն, երբ



43.— ՅԻՍՈՒՍԻ ԽԱՉԵԼՈՒԹԻՒՆԸ

հարցաքննեց ու տեսաւ որ Յիսուս անմեղ է և
մահուան արժանի յանցանք մը գործած չէ,
զայն ազատելու ջանքեր ըրաւ : Իր կինը երադ
մը տեսած էր և կը խրատէր զինքը որ անմե-
ղին արիւնը չթափէ :

Թէեւ Պիղատոս Յիսուսը արձակելու իշ-
խանութիւն ունէր բայց չարձակեց զայն հրեա-
ներէն վախնալուն համար : Աւստի մէկ կողմէն-
իր խրզնը հանգստացնելու և միւս կողմէն
հրեաները հաճոյացնելու գիտումով ոկտաւ այլ
և այլ միջոցներու գիմել : Նախ՝ Յիսուսը Հե-
րովդէսին զրկեց որպէսզի անիկա դատապար-
տէ մահուան և ինք ազատ մնայ պատասխա-
նատուութինէ : Երկրորդ՝ Բարաբրազի տեղ Յի-
սուսը արձակել փորձեց բայց չյաջողեցաւ :
Երրորդ՝ Յիսուսը ծեծել տուաւ որպէսզի այդ
կերպով հրեաներուն գոհացում տայ և մահ-
ուան վճիռը չէզոքացնէ :

Երբ տեսաւ որ այս միջոցները ձախողե-
ցան, ջուր առաւ, ձեռքերը լուաց ժողովուր-
գին առջեւ, ու ըստ . «Ես այս արդարին ա-
րիւնէն անպարտ եմ», իսկ հրեաներն ըսկն .
«Անոր արիւնը մեր և մեր որդիներուն վրայ
ըլլայ» (Մատթ. Խէ. 24-25) : Ապա Պիղատոս
Յիսուսը իրենց յանձնեց որ խաչեն :

Գ. — Յիսուսի հաւատարիմները:
Յիսուս իր հանրային պաշտօնավարու-


թեան շրջանին ունէր համակիրներու շրջանակ մը և բաւական թուռվ ալ հետեւորդներ։ Բայց ասոնց մէջ շատ քիչեր կային որ հաւատարիմ էին իրեն։ Յիսուս երբ վերջին անգամ երուսաղէմ կը մտնէր ժողովուրդներ գունդագունդ իր հատեւէն կուգային և ովսաննաներով օդը կը թնդացնէին։ Զերբակալութեան օրը իրեն հետեւցան սակայն լոկ Պետրոս ու Յովհաննէս Յուղա մատնեց զինքը, Պետրոս ուրացաւ և միւս աշակերտներն ալ ժողուցին փախան։

Խաչին քով իրեն հետն էին միայն մայրը Մարիամ, մի քանի կին աշակերտներ և սիրելի աշակերտն Յովհաննէս։

Յիսուսի հաւատարիմ հետեւողներէն մէկն ալ Արիմաթացի Յովհէփն էր որ հալածուած ու խաչի մահուամբ սպաննուած Յիսուսին տէր գարձաւ և Պիղատոսէն անոր մարմինը խնդրելով՝ առաւ և զայն իրեն համար յատկապէս շինուած նոր գերեզմանին մէջ թաղել տուաւ։ Յիսուսի աշակերտները և միւս հետեւողները չկրցան այս յարգանքը ընել Յիսուսին, բայց Արիմաթացի Յովհէփը ըրաւ։

Ե. — Եղբակացուքիւն։

1. Խաչը հեթանոսներուն համար պատժոյ անարդ գործիք մըն էր, իսկ Յիսուսի խաչելութենէն վերջ անիկա գարձաւ քրիստոնեաւ



ՊԱՍ ԻԶ.

ՅԻՄՈՒՄԻ ՅԱՐՈՒԹԻՒՆԸ


(ՄԱՏԹ. ԽԲ. 1-30; ՄԱՐԿ. ԺԶ. 1-18; ՂՈՒԿ. ԻԳ. 1-48;
ՅՈՒ. Ե. 1-18)

Ա.— Յարութեան դեպքը:

Յիսուսի յարութիւնը տեղի ունեցաւ կիրակի (Միաշաբաթ) առառևն։ Մի քանի կիներ կիրակի օր կանուխ Յիսուսի գերեզմանը կուգան անուշահատ խւզերով և խունկերով, և ահա երկրաշարժ մը տեղի կ'ունենայ և հրեշտակ մը կը զլոտրէ գերեզմանին վրայ դրուած մեծ վէմը և պահապանները կը զարհուրին։

Հրեշտակն ապա զառնալով կիներուն կ'ըսէ. «Դուք մի՛ վախճաք, քանզի զիտեմ թէ խաչեալ Յիսուսը կը փնտուէք, անիկա հոս չէ այլ յարութիւն առաւ, ինչպէս ինք ըստած էր, եկէք և տեսէք իր գրուած տեղը, և շուտ մը գացէք աշակերտներուն լուր տուէք թէ նամեսելներէն յարութիւն առաւ, և Ան ձեզմէ առաջ Գալիլիա պիտի երթայ և հոն պիտի տեսնէք զինքը»։

Իւզաբեր կանաչք ահով և ուրախութիւնով լեցուած կ'երթան պատմելու աշակերտրուն, բայց ճամբուն վրայ Յիսուս իրենց կը հանդիսի և ողջոյն կուտայ։ Ապա այլ և այլ ժամիթներով կ'երեւի իր աշակերտներուն և



45.— ԶԵ ԱԱՍ ՔԱՆՑԻ ՅԱՐԵԱԻ

ուրիշ հաւատացեալներու , և այսպէս անոնք
կը համազուին թէ իրենց Տէրը յարութիւն առա-
նելով յաղթութիւն տարած է մահուան վրայ :

Բ.— Յարութեան փասերը:

1. Զորս Աւետարաններ միաձայնութեամբ
կը պատմեն թէ Յիսուս Յարութիւն առած է :
Մանրամասնութիւններու մէջ թէեւ իրարմէ
կը տարբերին , բայց ամէնն ալ միեւնոյն ի-
րականութիւնը կը չեւտին :

2. Պօղոս , ըլլալով քրիստոնէական առա-
ջին եկեղեցւոյ կարեւոր առաջնորդներէն մին ,
չերժ պաշտպան կը հանգիսանայ Յիսուսի յա-
րութեան ստուգութեան : Կորնթացիներուն
գրած իր նամակին մէջ Յիսուսի յարութեան
ականատես վկաներէն սմանց տակաւին ողջ
ըլլալը կը լիչէ (Ա . Կորն . ԺԵ . 6) :

3. Առաջին գարու քրիստոնէական երեք
կարեւոր կեզրաններուն , երուսաղէմի , Աղեք-
ոանգրիոյ և Անտիոքի մէջ կը հաւատալին Յի-
սուսի յարութեան :

4. Առաքեալներու և առաջին քրիստոն-
եաներու քարոզութեան նիւթը Յիսուսի Յա-
րութիւնն էր : Առաքեալ ըլլալ կը նշանակէր
Յիսուսի յարութեան վկայ ըլլալ , Աւետարանի
քարոզիչ ըլլալ կը նշանակէր Յիսուսի յարու-
թիւնը տւետել :

5. Ոչ քրիստոնեայ , Յիսուսի ժամանակա-

կից հրեայ մեծ պատմիչ՝ Յովսէփոս, իր «Հը-նութիւնք Հրէից» գրքին մէջ այսպէս կ'ըսէ. «Եւս օրերս Յիսուս անուն արդար մարդ մը ապրեցաւ, մեր մէծերը թէեւ զինքը սպան-նեցին բայց ինքը երեք օր վերջը կենդանի ե-րեցաւ» (Գիրք ԺՌ. Գլ. Գ. հատ. 3):

Դ.— Յարութեան նշանակութիւնը:

Յիսուսի յարութիւնը ունի մէկէ աւելի նշանակութիւններ Թրիստոնեայ հաւատացեալ-ներու համար :

1. Յիսուսի յարութիւնը մէծագոյն փաստ մըն է հոգիի անմահութեան :

2. Յիսուսի յարութիւնը բարոյական ըս-կըզբունքներուն բիրտ ոյժին վրայ տարած յաղթանակը կը ծանուցանէ :

3. Յիսուսի յարութիւնը գրաւականն է մեռելոց յարութեան :

Դ.— Յարութեան հետեւանել:

Եբր Յիսուս մեռաւ ցրուեցան անոր աշա-կերտներն ու հետեւորդները, բայց յարութեան աւետիսը գօտեպնդեց զանոնք, և իսկոյն իւ-րարու քով գալով սկսան հետաքրքրուիլ Յի-սուսի անձին և անոր վարդապետութիւննե-րուն շուրջ :

Խաչը յուսահատութեան մատնած էր հաւ-ատացեալները բայց յարութեան հրաշափու-



գէպքը քաջալերեց զանոնք։ Խաչը բաժնած
էր՝ իսկ յարութիւնը կրկին միացուց զանոնք։
Խաչը մահուան սարսուռը սփռած էր տմէն
ուրեք, յարութիւնը սակայն նոր կեանք ու
եռանդ ստեղծեց հաւատացեալներուն մէջ։

Յիսուսի թշնամիները ժողովուրդը մոլոր-
ցընելու համար ըսկն թէ Յիսուս յարութիւնը
առաջ չէ, այլ պահապաններուն քնացած ա-
տեն աշակերտները գիշերանց գողցած են ա-
նոր մարմինը։

Ե. — Եզրակացութիւն։

1. Յիսուս իր յարութեամբը յաղթեց
մահուան։ Արգարութեան դատին նուիրուած
մարդիկ չեն վախնար մահէն, քանզի մահը
անզօր է ջլատելու անոնց բարոյական կորովը։

2. Ա. Պօղոս կ'ըսէ. «Եթէ Քրիստոս յա-
րութիւն առած չէ, ուրեմն լնդունայն է մեր
քարոզութիւնը, և լնդունայն է նաեւ ձեր
հաւատքը» (Ա. Կորն. ԺԵ. 14)։

3. Գերեզմանը նիւթապաշտի մը տեսու-
թեամբ կեանքի վերջին հանզրուանն է, իսկ
հաւատացեալի մը համար յաւիտենական
կեանքի սկզբնաւորութիւնը։

4. Յիսուսի յարութիւնը մեզի անմահու-
թեան յոյսը ներշնչելով արժէք կուտայ մեր
տպրած կեանքին։

ՊԱՍ ԲԷ,


ՅԻՍՈՒԽԻ ՀԱՄԲՈՒՐՁՈՒՄԸ

(ՄԱՐԿ. 3:9, 19-20; ԳՈՒԿ. ԵՒ. 50-53; ԳՈՒՇՔ. Ա. 9-12)

Ա. — Յարութենքն մինչեւ Համբարձում Տեղի ունեցած դեպքեր:

Յիսուսի համբարձումը տեղի ունեցաւ իր յարութենէն քառասուն օր ետքը: Այս քառասուն օրերու ընթացքին կարեւոր դեպքեր, չպատահեցան, բացի Յիսուսի այլ և այլ առիթներով երեւումէն:

Այս քառասունօրեայ շրջանին առաջին շաբաթուան միջոցին Յիսուս երեւցաւ իրեններուն երուսաղէմի մէջ: Յետոյ Յիսուսի երեւումները մօտ չորս շաբաթ պատահեցան Գալիլիոյ մէջ այլ և այլ կերպերով: Այս առիթիւ էր որ տեղի ունեցաւ վերջին հրաշալի ձկնորսութիւնը Տիբերիոյ ծովուն եղերքը՝ ուր Յիսուս Պետրոսին ուղղեց երեք անգամ, մինչւոյն հարցումը, լսելով. «Սիմոն, Յովնանի օրդին, զիս կը սիրե՞ս»: Ասով Յիսուս կրկնել կուտար Պետրոսի ապաշխարութիւնը իր երեք ուրացումներուն համար: Ապա համբարձումէն առաջ, վերջին շաբաթուն մէջ, Յիսուսի երեւումները պատահեցան գարձեալ երտաղէմի մէջ, ուրկէ նաեւ համբարձաւ երկինք:



Բ. — Համբարձման առքիւ Յիսուսի վերջին
պատուերը:

Յիսուս իր երկրաւոր առաքելութիւնը
լրացուցած, երկինք համբառնալէ առաջ, ա-
ռաքեալներուն յանձնեց իր սկսած գործը:

Պատուիրեց անոնց որ երուսաղէմ ման-
ու սպասեն իրենց համար խոստացուած մխի-
թարիչ Ա. Հոգիին, որպէս զի ներչնչուին,
հորոգուին և զօրութիւնն ստանան: Ապա քա-
րոզեն բալոր ազգերուն, երուսաղէմ քաղա-
քէն սկսեալ և իրեն համար վկաներ ըլլան ա-
մէն ուրեք, ուր որ տանին Սստուծոյ արքա-
յութեան աւետիսը:

Գ. — Համբարձման նկարագրութիւնը:

Երբ Յիսուս իր վերջին խօսքերը լմացուց,
Զիթենեաց լերան գաղաթը ելաւ, և իր ձեռ-
քերը վեր բարձրացնելով օրհնեց իր աշա-
կերտները և ապա համբարձաւ երկինք, և
ամպ մը զանիկա ծածկեց անոնց աչքերէն:

Յիսուսի աշակերտները Զիթենեաց լեռնէն
վար իջան, երուսաղէմ դարձան և մտան վեր-
նատոււն, և հոն կ'ալօթէին ամէն օր միաբա-
նութեամբ, տասնը մէկ աշակերտներ, Յիսուս-
ոի մայրը Մարիամ, ուրիշ աշակերտուհիներ
և հետեւողներ:

Դ. — Համբարձումն ու Յիսուսի երկրորդ
գալուստը:

Երբ Յիսուս համբարձաւ, աշակերտները իրենց աչքերը գէպի երկինք յառած կը նայէան ատակաւին, և ահա երկու հրեշտակներ երեւցան անոնց և ըսին. «Ով Գալվլիացի մարդիկ, ինչո՞ւ կայներ գէպի երկինք կը նայիք։ Սյո Յիսուսը որ ձեզմէ երկինք համբարձաւ, այսպէս ալ պիտի գայ, ինչպէս տեսաք անոր երկինք երթալը» (Թործք Ա. 10-11)։

Հրեշտակները այս խօսքերով Յիսուսի երկրորդ գալուստին կ'ակնարկէին։ Յիսուսի առաջին գալուստը մարդոց փրկութեան ճամբայ պատրաստելու նպատակաւ էր, իսկ աշխարհի վախճանին երկրորդ գալուստը վերջին դատաստանի համար պիտի ըլլայ։

Ե.— Եղրակացուքիւն։

1. Յիսուս յուսահատութեան մատնուած աշակերտները քաջալերելու զիտումով երեւցաւ անոնց զանազան առիթներով։ Սյոր ալ Յիսուսի ներկայութիւնը կը զգան ամէն անոնք՝ որոնք՝ կը հաւատան և կը հետեւին անոր։

2. Յիսուս իր վերջին պատուէրին մէջ շեշտեց աշակերտներուն՝ Աւետարանի քարոզութեան կարեւորութիւնը։ Աւստի Քրիստոնէական եկեղեցւոյ աւագ պարտականութիւնն է Աւետարանը քարոզել և ուսուցանել ամէն աւրեք։

3. Յիսուս թէեւ երկինք համբարձաւ բայց իր հոգիով ներկայ է ամէն տեղ մարդոց մէջ, երբ իր անունով իրարու քով գան անոնք։

4. Եթէ մէկը օգտուած չէ Յիսուսի առաջին գալուստէն, երկրորդ գալուստը անոր յաւիտենական դատապարտութիւն միայն կլը բերէ։

10. Արտնք էին Յիսուսի հաւատարիմ հետեւողները:

Գ. Ա. Ս Ի Զ.

11. Նկարագրէ՛ Յիսուսի յարութիւնը:

12. Տուր յարութեան փաստերը:

13. Յիսուսի յարութիւնը ի՞նչ կը նշանակէ մեզի համար:

14. Ի՞նչ եղաւ Յիսուսի յարութեան հետեւանքը:

15. Յիսուսի յարութիւնը ի՞նչպէս բացառուեցաւ հրեաներուն կողմէ:

Գ. Ա. Ս Ի Ե.

16. Յիսուս յարութիւն ասնելէն քանի՞ օր վերջը համբարձաւ:

17. Այս ժամանակաշրջանին մէջ ո՞ւր երեւցաւ իր աշակերտներուն:

18. Ի՞նչ էին Յիսուսի վերջին խօսքերը կամ պատրւէրները:

19. Յիսուս ի՞նչպէս համբարձաւ:

20. Յիսուսի երկրորդ գալուստը ե՞րբ տեղի պիտի ունենայ:

Գ. Ա. Ս Ի Բ.

Վ. Ե Ր Ա Ք Ա Ղ

(Հ Ա. Բ Յ Ո Ւ Խ Ե Բ)

Գ. Ա. Ս Ի Բ.

1. Ի՞նչպէս էր հրէից կրօնական կեանքը Յիսուսի ժամանակի:

2. Ի՞նչո՞ւ հրեաները կ'ատէին զՅիսուս, թուէ՛ պատճառները:

3. Հրեաներ ի՞նչո՞ւ ամբաստանութեան զէնքին դիմեցին:

4. Արտնք էին Յիսուսի վերագրուած յանցանքները:

5. Այս կարծեցեալ յանցանքները բաւագա՞ն էին մէկը մահուան գատապարտելու:

Գ. Ա. Ս Ի Ե.

6. Յանցաւորը խաչի մահով սպաննելու սովորութիւնը ուրիէ՞ առաւ իր ծագումը:

7. Ի՞նչ է Յիսուսի վերջին կարեւոր պատուէրը:

8. Ի՞նչո՞ւ Յիսուս ազօթեց Գեթսեմանիի մէջ:

9. Պիղատոս ի՞նչո՞ւ չկրցաւ Յիսուսին արդարութիւն ընել:

ՄԱՍՆ ՎԵՅԵՐՈՐԴ

ՔՐԻՍՏՈՆԷԱԿԱՆ ԵԿԵՂԵՑԻՆ
ՀԻՄՆԱՐԿՈՒԹԻՒՆԸ

ԴԱՍ ԻԹ.


ՊԵՆՏԵԿՈՍՏԻ ԴԼՊՔԸ

(ՔԱՐԾՔ. Բ. 1-14)

Ա. — Պենտէկոստի օօնին հրեական նշանակութիւնը:

Պենտէկոստի տօնը Զատիկէն յլտուն օր վերջը կը կատարուէր: Այս տօնը յիշատակութիւնն էր Մովսիսական օրինաց, որ տրուածէր իսրայէլի ժողովուրդին եգիպտասէ ելլեւէն յլտուն օր վերջը: Միանգամայն հունձքի երախայրեաց տօն ալ կը կոչուէր ասիկա հրէից մէջ:

Հստ Մովսիսական օրէնքին, արդ օր ցորենի նոր հունձքէն նկանակներ շինելով ընծայ կը մատուցանէին Աստուծոյ: Եւ միանգամայն հացերուն հետ մէկ տարեկան եօթը անտրատ գառներ և արջառներէն մէկ զուարակ և երկու խոյ կը մատուցանէին (Ղեւտ. իդ. 15-18: Բ. Օրինաց ժք. 9-10) իբր զոհ:



Բ.— Առաջեալներու պատրաստութիւնը Ս.
Հոգին լինդունելու:

Երբ Առաքեալները Զիթհնեաց լեռնէն ի-
ջան, Երուսաղէմ եկան և ուղղակի վերնա-
տուն մտան: Հոն Պետրոսի առաջարկին վրայ,
վիճակ ձգելով, Յուդայի տեղ Մատաթիան
Ընտրեցին (Գործք. Ա. 26), և այսպէս իրենց
թիւը կրկին տասներկու եղաւ:

Այս տասներկու առաքեալները, իրենց
հետ ունենալով Յիսուսի մայրը, ուրիշ կին
աշակերտներ և հաւատացեալներ, վերնատան
մէջ միաբանութեամբ աղօթքով կ'անցընէին
իրենց ժամանակը:

Համբարձումէն մինչեւ Պենտեկոստէ, այս
տասը օրերուն միշտ աղօթք կ'ընէին, քանզի
Յիսուս իրենց այդպէս ընել պատուիրած էր:

Գ.— Ս. Հոգիին գալուստը:

Պենտեկոստէի օրը առաքեալներ և հա-
ւատացեալներ, իտուով մօտ հարիւր քսան հո-
գի, միացեալ կ'աղօթէին վերնատունին մէջ է
երկինքէն յանկարծ սաստկացունչ հովի նման
ձայն մը լսուեցաւ: Ապա բաժնուած լեզուներ
երեւցան անոնց կրակի բոցերուն նման՝ որոնք
իջան ամէն մէկուն վրայ: Ահա այսպէս ամէնն
ալ Ս. Հոգիով լեցուած սկսան ուրիշ լեզու-
ներ խօսիլ, ինչպէս Ս. Հոգին իրենց խօսիլ
կուտար:

Երուսաղէմի մէջ խռնուած ժողովուրդներ
ասիկա տեսնելով կը սքանչանային , կը զար-
մանային և իրարու կ'ըսէին . մի՞նչ պիտի ըւ-
լայ այս : Ամանք ալ ծաղր ընելով կ'ըսէին թէ
ասոնք նոր զինիով մը լեցուեր են» : Պետրոս
ատենախօսութիւն մը ըրաւ և հերքեց ժողու-
գուրդին այս սիսալ ըմբռնումը :

Դ.— Հոգեգալուսի դեպիին հետեւանիլը:
Առաքեալները Յիսուսի խաչելութեան
գիշերը հալածանքէ վախնալով ասգին անդին
ցրուած ու պահուած էին : Պենտեկոստէի օրը
երբ Ս. Հոգին ստացան և վերէն զօրութիւն
հագան , արիացան , խանդավառուեցան , նոր
սգեւորութիւն և բարոյական քաջութիւն եւ
կաւ իրենց վրայ :

Վախկոտ Պետրոսը Աւետարանի քարոզու-
թեան համար մեռնելու պատրաստ անվեհեր
և քաջ անձնաւորութիւնն մը եղաւ : Նոյնպէս
յուստալքուած ու հալածանքէ վախնալով կո-
րովիլն կորսնցուցած աշակերտներ Ս. Հոգին
ազգեցութեան ներքեւ մէյմէկ հերսոներ զար-
ձան :

Ահա այսպէս հաւատացեալներու վախը
փարատեցաւ և Պենտեկոստէի օրը Քրիստոնէ-
ական եկեղեցին հիմնուեցաւ գործնականապէս
և առաքեալները անոր մէյմէկ սիւները հան-
գիսացան :

Ե.— Եզրակացութիւն:

1. Պենտեկոստէի օրը հրեաներ իրենց-
հունձքին երախալրիքը Աստուծոյ ընծայ կ'ը-
նէին , իսկ նոյն տօնին օրը , վերնատան մէջ բ-
քրիստոնէութեան հիմնադիրները իրենց կեան-
քերը Աստուծոյ նույիրեցին իրը կենցանի զո-
հեր :

2. Առաքեալները Ս. Հոգին օրհնու-
թիւններուն և պարգեւներուն արժանացան ,
չնորհիւ իրենց ազօթքի և խոկուժի պահերուն և
Ազօթքն է որ մեր հոգին կը վերացնէ առ
Աստուած և երկնալին չնորհներու հաղորդա-
կից կ'ընէ մեզ :

3. Ս. Հոգին անմիջական ազգեցութեան-
ներքեւ առաքեալները հոմնովին և էապէս-
փոխուեցան և նոր արարածներ գարձան : Ս.
Հոգին հիմա եւս կրնալ փոխել մարդոց կեան-
քը երբ անոնք չփման գան անոր հետ :

4. Այս ներքին փոփոխութիւնը առաք-
եալներու կեանքին վրայ ճակատազրական ազ-
գեցութիւն ունեցաւ և անոնց ապրելակերպին
նոր ուղղութիւն տուաւ : Անոնք քրիստոնէա-
կան կրօնքի մէյմէկ վկաները եղան և իրենց
կեանքին գնովը պաշտպանեցին իրենց քա-
րոզած ճշմարտութիւնները :



ՊԱՍ Լ.

ՊԵՏՐՈՍԻ ԴԵՅԹ ՔՐԻՍՏՈՆԵԱԿԱՆ
ԵԿԵՂԵՑԻ ԻՆ ՄԵԶ

(ԳՈՐԾՔ. Բ. 14-43)

Ա.— Քրիստոնեական եկեղեցւոյ հիմնարկութիւնը:

Քրիստոնէութեան շարժումը սկսաւ Յիսուսի աշխարհ գալովը: Աւետարանի սերմերը Յիսուս է որ ցանեց իր հետեւորդներու որտին մէջ: Այս սերմերը կամաց կամաց ու օր ըստ օրէ աճեցան, ապա քրիստոնէական կրօնի գաղափարը սազմաւորուելով մտքերու մէջ՝ Պենտեկոստէի օրը մարմին ու ձեւ առաւ, և որով հիմնուեցաւ եկեղեցին, որպէս կազմակերպութիւն:

Ուրիշ խօսքով, Պետեկոստէէն առաջ Յիսուս սերմը ցանեց, իսկ Պենտեկոստէի օրը Ա. Հոգին ցանուած այս սերմը աճեցուց և արդիւնաւորեց, յետոյ Պօղոսի միջոցաւ ճշշգուեցան անոր ճշմարտութիւններն ու ըմբըռնումները: Եւ ահա այսպէս աշխարհ ունեցաւ նոր կրօնք մը որ իր պատգամները ժամանակի ընթացքին լսելի ըրաւ մինչեւ աշխարհի չորս անկիւնները:

Բ.— Պենտեկոստէի առքիւ Պետրոսի ատենաբանութիւնը:

Պենտեկոստէի օրը առաջեալներուն վրայ տեղի ունեցած այս փոփոխութիւնը տեսնողներ կը կարծէին թէ անոնք գինովցած են նոր տեսակ գինիով մը: Պետրոս այս առթիւ իր ըրած ատենաբանութեամբը նախ անոնց այս սխալ գաղափարը չակեց, ըսելով թէ այս փոփոխութիւնը Ա. Հոգին միջոցաւ տեղի ունեցած է: Ապա Հին Ռւխտէն կոչումներ ընելով բացատրեց Հոգեգալուստի նշանակութիւնը և Յիսուսի յարութեան իրականութիւնը: Խրախուսեց ներկաները որ գարձի գան և իշրենք ալ ընդունին Ա. Հոգին շնորհներն ու օրհնութիւնները:

Պետրոսի այս ատենաբանութեանէն աղդուելով մօտ երեք հազար հոգի նոյն օր գարձի եկան և մկրտուելով Քրիստոնեայ գարձան և աւելցան այս նորակազմ եկեղեցին վրայ:

Պենտեկոստէէն առաջ հաւատացեալներութիւը հազիւ հարիւր քսան էր, այս երեք հազարով անոնց թիւը երեք հազար հարիւր քըսանի բարձրացաւ: Յետոյ ժամանակի հոլովումով թիւը աճելով և բարձրանալով, այսօր երկրագնդիս վրայ քրիստոնէից թիւը հասած է մօտաւորապէս 700,000,000-ի:

Գ.— Պետրոսի կատարած դերը Եկեղեցիին մէջ:


ՊԵՏ. ՆԱՐ. Ա-ԷՐԴ:

Պետրոս Յիսուսը ուրանալէ վերջը գարձե
եկաւ և կրկին ստացաւ Յիսուսի ձեռքէն իր
առաքելական պաշտօնը (Յովհ. ԻՄ. 15-18):

Պօղոսի գարձի գալէն առաջ Պետրոս ու-
նեցաւ Քրիստոսի եկեղեցին համար այլեւայլ
օգտակարութիւններ: Պենտեկոստէի օրը ժո-
ղովուրդին առջեւը նետուելով ջատագովեց
նորակազմ եկեղեցին խաչալը: Յովհաննէսի
հետ միասին Տաճարին Գեղեցիկ կոչուած գը-
րան քով բժշկեց մուրացկանի մը ոտքը որ ի-
ծնէ կաղ էր (Գործք. Դ. 1-10): Պատժեց Ա-
նանիան և Սափիրան իրենց ստախօսութեան
համար (Գործք. Ե. 1-10): Անդամալոյծ մը
բժշկեց Լուտառալի մէջ որ ենիւա անունը կը-
կրէր (Գործք. Թ. 32-35): Յարոյց Յոպալէի
մէջ Այծեմնիկ անուն կին մը որ ծանօթ էր իր
ըրած բարեգործութիւններովը (Գործք. Թ.
36-43): Յոպալէի մէջ տեսիլք մը ունեցաւ որ
կը քաջալերէր զինքը Աւետարանը հեթանոս-
ներուն եւս քարոզելու (Գործք. ԺՄ. 7-11):
Հատ Պօղոսի վկայութեան, Յակոբոս, Յովհ-
աննէս և Պետրոս միւներն էին Քրիստոսի
նորահաստատ եկեղեցին (Գաղտ. Բ. 9):

Դ.— Պետրոս եկեղեցիին գլուխը չեր եւ ոչ
ալ առաքեալներուն վերատեսուչը:

Եկեղեցին զլուխը Յիսուս էր: Պետրոս
ո'չ եկեղեցին գլուխն էր և ո'չ ալ վերատե-



սուչ առաքեալներուն վրայ : Ինքը Յիսուսի
ամենահին հետեւողներէն մին էր, և բնաւու-
րութեամբ տաքարիւն, յանդուզն և միշտ ա-
ռաջ նետուող մէկը ըլլալուն առաքեալներու-
ցանկին մէջ իր անունը սկիզբը կը յիշուի :
Նոյն խի պատմութիւնը չի կրնար փաս-
տել թէ Հռովմի եպիսկոպոս եղած ըլլայ : Պօ-
ղոս Հռովմայեցւոց ուղղուած իր նամակին մէջ
հաւատացեալներուն բարեւներ կը զրկէ և
Պետրոսին անունը չի յիշեր : Եթէ Պետրոս հոն
ըլլար հարկաւ պիտի յիշէր անոր անունը :
Պետրոսի առաքելական ինչ պաշտօն և կամ
հեղինակութիւն որ տրուեցաւ նոյնը նաեւ
տրուեցաւ միւս առաքեալներուն Յիսուսի
կողմէ :

Յիսուս ոչ թէ Պետրոսի վրայ այլ անոր
ուղիղ գաւանութեան ու հաւատքին վրայ
հիմնեց իր եկեղեցին (Մատթ . ԺԶ . 16-18) :
Աւսուի զՊետրոս եկեղեցիի հիմը և կամ գլու-
խը նկատել Աւետարանի սկզբունքին հետ չի
հաշտուիր :

Ե.— Եղրակացութիւն:

1. Յիսուսի ապրած սուրբ կեանքը և
խաչի վրայ ցոյց տրուած զոհաբերութեան
բարձր ոգին անջնջելի տպաւորութիւն թողու-
ցին աշակերտներու մտքին ու սրտին վրայ :
Եւ յետոյ անոնք Ա . Հոգիէն ալ ներշնչուած՝

ինքզինքնին նոռւիրեցին Յիսուսի սկսած գործը շարունակելու:

2. Պետրոս ուսեալ մէկը չէր, Ս. Հոգին ներշնչումը տպաւորիչ դարձուց իր ըրած աւտենաբանութիւնը որ տուաքելական դարու քարողաբանութեաննմոյշ մը կը հանդիսանայ:

3. Պետրոս Յիսուսը ուրանալով մեղանչեց բայց չյուսահատեցաւ, դարձի դալով վերականգնեց ինքինքը և կրկին իրբ առաքեալ ունեցաւ իր մեծ օգտակարութիւնը Քրիստոսի եկեղեցին համար:

4. Եկեղեցին գլուխը Յիսուս է: Ուստի երբ եկեղեցին Յիսուսի հետ կենդանի յարաքերութեան մէջ է, կենսունակ է միշտ, իսկ երբ կտրուի այս յարաքերութիւնը՝ անարժեք հաստատութիւն մը կը դառնայ:



ԴԱՅԱ Ա. Ա.

ՊՈՂՈՄԻ ՔՐԻՍՏՈՆԵՈՒԹԵԱՆ ԴԱՐՁԸ

(ԳՈՐԾ. Թ. 1-30, Խ. 1-21; ԳՈՂ. Ա. 11-24)

Ա.— Պօղոսի մանկութիւնն ու դասիարակութիւնը:

Պօղոս Կիլիկիոյ Տարսոն քաղաքին մէջ ծնաւ հրեայ ծնողքէ մը: Հայրը փարիսեցի էր և ինքն ալ մէծցաւ փարիսեցի հրեայի մը մուլեռանդ զգացումներով տոգորուած:

Իր կրթութիւնը ստացաւ նախ իր ընտանիքին ու հրէական սինակուկին մէջ, տպա Տարսոնի բարձրագոյն դպրոցը: Յետոյ Երուսաղէմ գալով Գամաշիէլի քով սորվեցաւ Մովսիսական կրօնին մասնագիտական ուսումը: Ծանօթ էր Արամերէնի և կը խօսէր Երարյակըն և Յունարէն լեզուները: Տեղեակ էր ժամանակի Յոյն գրականութեան և գեղարվուեստին:

Հրեաներուն համար հին ատեն սովորութիւն էր իրենց զաւակներուն արհեստ սորվեցնել: Պօղոս իր մանկութեան հաստակէն արգէն սորված էր վրանագործութիւնը իրբ արհեստ:

Ի ծնէ քաղաքացի էր Հոռվմի կայսրութեան (Գործ. Խ. 25-29):

Բ.— Եկեղեցիի հանդեպ քննամական դիրքը:

Պօղոս, որ գարձի գալէն առաջ Սօղոս կը կոչուէր, իբր մոլեսանդ հրեայ, թշնամի էր քրիստոնէական նորածին կրօնին։ Որովհետեւ հրեաները քրիստոնեայ գառնալով կը պազէին հրէական գաւանանքէ. հետեւաքար ազգայնամոլ և թունդ որ և է հրեայ չէր թոյլատրեր որ իր ազգը պառակտուէր նոր կրօնքի մը հետեւելով։

Ուստի Պօղոս կը հակառակէր եկեղեցին և ամէն ջանք ի գործ գրած՝ կ'աշխատէր խեղագել քրիստոնէական նորածին այս շարժումը։

Ստեփանոսի քարկոծման առթիւ ինքն ալ մեղսակից էր անոր սպանութեան, և վկայութիւն ընսղներուն հանդերձները ինքը կը պահէր (Քործք. է. 57, իբ. 20)։

Դ.— Դարձլ:

Պօղոս Երուսաղէմի քահանայապետէն յանձնաբարականներ առած Դամասկոս կու գար քրիստոնեաները կապելով Երուսաղէմ քերելու և պատժելու գիտումով։ Բայց տակաւին Դամասկոս չհասած ճամբուն վրայ տեսմիլք մը ունեցաւ, Երկինքէն լոյս մը փայլատակեց և ինքը գետինը փռուեցաւ, և ճայն մը կ'ըսէր իրեն. «Սաւո՛ւզ, Սաւո՛ւզ, զիս ինչո՞ւ կը հալածես»։ Եւ ինքը ըստաւ. «Դու ո՞վ ես, Տէ՛ր»։ Ճես Յիսուս եմ զոր գուն կը հաւածես. դժուար բան է քեզի խթանի գէմ



կից զարնել»։ Եւ Պօղոս ըստւ . «Ի՞նչ կ'ուզես
որ ընեմ»։ Եւ Տէրը ըստւ իրեն . «Ելիք և քա-
զաք մտիր և հոն քեզի պիտի ըստւի ինչ որ
պարտիս ընել»։

Ապա Պօղոս Դամասկոս եկաւ և հոն Ա-
նանիսա աշակերտին միջոցաւ մկրտուելով քը-
րիստոնեայ գարձաւ։ Յետոյ ոչ միայն չէր հա-
լածեր քրիստոնեաները այլ ինքը նաեւ եղաւ
քրիստոնէութիւնը քարոզող մեծ առաքեալ
մը։

Դ. — Նոր ապրելակերպը։

Քրիստոնէութիւնը հիմնովին փոխեց Պօ-
ղոսի կեանքը և ան սկսաւ հետեւիլ նոր ապ-
րելակերպի մը։ Երբ գարձի եկաւ, Սրաբիոյ
անապատը քաշուեցաւ և հոն երեք տարի ա-
զօթ քով ու խոկումով պատրաստուելէ վերջը՝
երուսաղէմ գարձաւ ու տեսնուեցաւ առաք-
եալներու հետ (Փաղատ. Ա. 17-20) և յայտ-
նեց անոնց իր կեանքին այս փոփոխութիւնը։

Ապա սկսաւ ինքն ալ իբր առաքեալ և
աւետարանիչ քարոզել կենաց բանը։

Ե. — Եզրակացուքիւն։

1. Պօղոս բարձր կրթութիւն ունէր, Բե-
նիամինի ցեղէն փարիսեցի ընտանիքի զաւակ՝
և Հռովմէական կայսրութեան քաղաքացի էր։
Այսպէս պարծենալիք շատ բաներ ունէր ք-

բայց ամէն բան ոչինչ համարեց Քրիստոսի
սկզբյն համար (Փիլիպ. Գ. 7):

2. Պօղոս ազգասէր էր, և, իբր թունդ
ազգասէր, գարձի գալէն առաջ կը հալածէր
Քրիստոսի եկեղեցին: Ազգասիրութիւնը լաւ
բան է բայց իթէ չարաչար գործածուի օգու-
տէն աւելի վեաներ կը հասցնէ:

3. Հոգեւոր թմրութենէ արթննալ և կամ
գարձի գալ կը նշանակէ մէկու մը համար ներ-
հայեցողութիւն ունենալ, և կեանքի սխալ
ընթացքը տեսնելով իսկոյն փսխել զայն: Պօ-
ղոս Դամասկոսի ճամբուն վրայ տեսաւ իր ոը-
խալը և անմիջապէս զայն շտկեց:

4. Մարգիկ աւելի գիւրաւ կը զանեն ի-
րենց կեանքի կոչումը երբ գարձի գան: Ս.
Պօղոսի համար իրականութիւն եղաւ ասիկաւ

ԴԱՍ Լ.Բ.

ՊՈՂՈՍԻ ՄԱՏՈՒՑԱԾ ԾԱՌԱՅՈՒԹԻՒՆԸ
ԵԿԵՂԵՑԻԻՆ ՀԱՄԱՐ

(ԳՈՐԾՎ. ԺԳ.—ԻԲ.: ԸՆՏԸՆՈՒՅ ԿԱՐՊԱԼ.)

Ա. — Պօղոս իբրեւ քրիստոնեայ:

Պօղոս ունէր անձնական շատ մը արժա-
նիքներ որոնք քրիստոնէութեան համար օգ-
տագործելի ոյժեր եղան երբ անիկա գարձե-
գալով քրիստոնէութեան պաշտպան հանդի-
գիսացաւ: Շատ մը հրեաներ և հեթանոսներ
քրիստոնեայ եղան և անոնց գարձի գալը քը-
րիստոնէից թիւը շատցուց, բայց Պօղոսի քը-
րիստոնեայ ըլլալը եկեղեցին վրայ կարեւոր
ոյժ մը աւելցուց, որ նախախնամական մեծ
գործ մը տեսաւ Աստուծոյ ձեռքին մէջ իբրեւ
«անօթ ընարութեան»:

Պօղոս իբրեւ քրիստոնեայ այնքան թան-
կարժէք ոյժ մը եղաւ եկեղեցին համար որ
պատմութիւնը զովեսոսվ լիշած է անոր ա-
նունը քսան գարերէ ի վեր:

Բ. — Իբրեւ Աւետարանիչ:

Երբ Պօղոս քրիստոնեայ գարձաւ իր ամ-
բողջ կեանքը աւետարանչութեամբ անցուց: Եր-
ամենամեծ հաճոյքը Քրիստոսի Աւետարանը

Հսելի ընել էր թէ հրեային և թէ հեթանոսին
հաւասարապէս :

Հետեւաբար քրիստոնէութեան շալժումը
Պաղեստինէն գուրս հանելով իբր աւետարա-
նիչ տարածեց զայն Սիւրիոյ, Կիլիկիոյ, Փոքր
Ասխայ և մինչեւ իսկ եւրոպայի հողամասին
վրայ : Յունարէն լեզուն գիտնալը, Հռովմի
քաղաքացի ըլլալը, և ստացած բարձր ուսու-
մբ օդնեցին իրեն մեծապէս այս առաքելու-
թեան գործին մէջ :


Գ.— Իբրեւ կազմակերպիչ:

Մ. Պօղոս վարչական և կազմակերպական
քացառիկ կարողութիւններով օժտուած մէկն
էր : Իր այս կարողութիւնները օդտագործեց
Քրիստոսի եկեղեցին յառաջդիմութեան ի
նպաստ :

Իր առաքելական երեք մեծ ճամբորգու-
թեանց առթիւ ոչ միայն քրիստոնէութիւնը
քարոզեց, այլ և ամէն տեղ քրիստոնեայ հա-
մայնքները կազմակերպեց, և եկեղեցիներ
հիմնելով անոնց պաշտօնեաներ կարգեց : Եւ
իր հիմնած եկեղեցիները մէկէ աւելի անդամ-
ներ այցելելով քաջալերեց և զօրացուց :

Գ.— Իբրեւ Ասուածաբան:

Իր հիմնած եկեղեցիները Պօղոս ոչ միայն
գեղանի խօսքով, հապա նաեւ իր նամակնեւ-



քով կը քաջալերէր։ Եկեղեցիներու ուղղած
իր նամակներով քրիստոնէութեան վարդա-
պետութիւնը սահմանեց և անոր աստուածա-
բանական տեսութիւնները ճշգեց միանգամ-
քնդ միշտ։ Պօղոսի կարծիքով քրիստոնէու-
թիւնը հրէութենէ անջատ տիեզերական նոր
կրօնք մըն էր, և ըստ իր համոզման՝ կազմա-
կերպեց անոր աստուածաբանութիւնը, և իր
թուղթերով ալ ծանօթացուց զայն բովանդակ
մարդկութեան։

Աւստի Պօղոս կլմայ իրաւամբ կոչուիլ
քրիստոնէական կրօնի աստուածաբանութեան
հիմնագիրն ու կազմակերպիչը։ Եկեղեցին ա-
ռաջին գարու մէջ ունեցած յաջողութիւնը
մեծ մասամբ իրեն կը պարտի։

Ե. — Եղբակացութիւն։


1. Լաւ է իրապէս քրիստոնեայ կոչուիլ,
բայց լաւագոյն է Ա. Պօղոսի նման օգտակար
և գործօն անդամը ըլլալ եկեղեցին։

2. Ամէն քրիստոնեայ իր շրջանակին մէջ
աւետարանիչ մըն է, և պէտք է այդպէս ըւ-
լալ։ Պօղոս ըստւ. «Վայ է ինձ եթէ Աւետա-
րանը չքարոզեմ» (Ա. Կորնթ. Թ. 16)։

3. Քրիստոնէութիւնը մեզի հասաւ մե-
ծամեծ զոհողութիւններով։ Պօղոս քրիստո-
նէութիւնը տիեզերական կրօնք մը գարձնե-
ցու համար երեք երկար ու մեծ առաքելական

Ճամբորգութիւններ ըրաւ : Մեզի կը մնայ
ճանչնալ յարգը քրիստոնէութեան :

4. Եթէ մեր նախահայրերը զոհողութիւնն-
ներ ըրին և քրիստոնէութիւնը մեզի հասցու-
ցին, մեր ալ պարտականութիւնն է ի զին ա-
մէն զոհողութեան յանձնել զայն յաջորդ սե-
րունդին :



ԴԱՍ ԼԳ.

Վ. Ե Ր Ա Ք Ա Պ
(Հ Ա Ր Ց Ո Ւ Մ Ն Ե Բ)

Դ Ա Ս Ա Ի Թ.

1. Բացատրէ՛ Պենտեկոստէի տօնին հրէտ-
կան նշանակութիւնը :

2. Առաքեալները ի՞նչ պատրաստութիւն
տեսան ընդունելու համար Ս. Հոգին :

3. Յուգայի տեղ ո՞վ կանչուեցաւ պաշ-
տօնի :

4. Նկարազը՛ Ս. Հոգիին գալուստը :

5. Ի՞նչ եղաւ Հոգեգալուստին հետեւան-
քը :

Դ Ա Ս Ա Ի Թ.

6. Ո՞վ հիմնեց քրիստոնէական եկեղեցին ։
Յիսուսի գերը ի՞նչ է հիմնարկութեան գործին
մէջ : Առաքեալները ի՞նչ ըրին . Պօղոս ի՞նչ
գեր խաղցաւ :

7. Բացատրէ՛ Պետրոսի ատենաբանու-
թեան կարեւոր կէտերը :

8. Ի՞նչ աիդիւնք տուաւ այս ատենաբա-
նութիւնը :

9. Պետրոս ի՞նչ գեր կատարեց եկեղեցիին
մէջ :

10. Շիտա՞կ է Պետրոսը եկեղեցիի գլուխ
նկատել : Ի՞նչո՞ւ :

Գ. Ա. Ա Լ. Ա.

11. Պօղսս ո՞ր քաղաքի մէջ ծնաւ և ո՞ւր
տռաւ իր կրթութիւնը :
12. Ի՞նչո՞ւ կը հալածէր Քրիստոսի եկեղեւ
ցին :
13. Նկարագրէ՛ իր գարձի գալը Դամասու
կոսի ճամբուն վրայ :
14. Ո՞վ մկրտեց զի՞նքը :
15. Ի՞նչ եղաւ իր գարձի գալուն հետեւ
ւանքը :

Գ. Ա. Ա Լ. Բ.

16. Պօղսս իբրեւ անհատ ի՞նչ արժանիք-
ներ ունէր :
17. Ի՞նչ տարբերութիւն կար հասարակ
քրիստոնէի և Պօղսսի միջեւ :
18. Իբրեւ աւետարանիչ ի՞նչ ըրաւ Պօղսս :
19. Ի՞նչ կընաք ըսել Պօղսսի վարչական
ու կազմակերպական կարողութիւններուն
մասին : Եկեղեցին ի՞նչպէս օգտուեցաւ այս
կարողութիւններէն :
20. Իբրեւ աստուածաբան Պօղսս ի՞նչ ար-
ժէք կը ներկայացնէ քրիստոնէական եկեղեւ
ցւոյ պատմութեան մէջ :



0

5

ՀՀ Ազգային գրադարան



NL0160579

Գ. Բ. Շ.

ԱՐԵՐԻ ԱՅ ԼՐՎԱՆԻ
ԱՐՏՈՎԱՆԴԻ

Հ ՅՐԱԵՔ
Ա ՏՈՒՄՐ